


古史輯要

一







古 史 輯 要


(一)

撰 人 不 詳

古史輯要 卷首 輿圖







周


文王 武王 成王 康王 昭王 穆王 恭王 懿王

孝王 夷王 厲王 宣王 幽王  
魯衛鄭晉齊滕  
曹許燕秦楚蔡  
宋杞陳薛吳莒

東周

平王 桓王 莊王 釐王 惠王 襄王 頃王

匡王 定王 簡王 靈王 景王 悼王 敬王



東漢

光武帝 建武 完  
 明帝 永平  
 章帝 建初 元和 章和  
 和帝 永元 元興  
 殤帝 建初 永平  
 安帝 永初 元初 永平 熹平

順帝 永建 陽嘉 永和 安帝  
 冲帝 永嘉  
 質帝 本初  
 桓帝 永壽 和熹 延熹 熹平  
 靈帝 建寧 熹平 光和 中平  
 獻帝 初平 興平 中平

後漢

昭烈帝 章武  
 後帝 建興 延禧 景耀 炎興

吳


烏程侯 興元 甘露 鳳皇 天鳳 赤烏

景帝 永安  
 會稽王 建興 五鳳 太平  
 大帝 黃龍 嘉禾 嘉嘉 大元

魏

文帝 黃初  
 明帝 太和 青龍 景初  
 廢帝 正始 嘉平  
 弒帝 正始 甘露  
 元帝 景元 咸熙





漢

前趙

後趙

前燕

前秦

後燕

南燕

後秦

前涼

後涼

西秦

南涼


西燕


北涼


西涼


北燕


大夏











太祖 建隆 尊

太宗 太平興國 雍熙 端拱 淳化 至道

真宗 咸平 景德 祥符 天禧 乾興

仁宗 天聖 明道 景祐 寶元 康定 慶曆 皇祐 至和 嘉祐

宋 英宗 奉

神宗 明道 豐

哲宗 元祐 紹聖 符

徽宗 建中靖國 崇寧 大觀 政和 重和 宣和

欽宗 靖康

南宋

高宗 炎興 紹興

孝宗 隆興 乾道 淳熙

光宗 紹熙

寧宗 慶元 嘉泰 開禧 嘉泰 淳熙

理宗 寶慶 紹定 端平 嘉泰 淳熙 寶慶 紹定 淳熙 開禧 嘉泰


度宗 淳


恭宗 德祚


端宗 景炎

帝昀 祥興









# 帝統歌

## 三皇

盤古天地人三皇。有巢燧人制作彰。

## 五帝

伏羲以下三十世。繫傳推尊惟五帝。羲農黃帝并堯舜。功德巍巍垂萬禩。

## 夏

十七帝 共四百五十八年

禹啓太康仲康立。帝相少康杼槐繼。芒泄不降扃廬傳。孔甲皐發履癸畢。

## 商

二十八帝 共六百四十四年

成湯太甲及沃丁。太庚小甲雍己承。太戊仲丁外壬嗣。河亶祖乙祖辛繼。沃甲祖丁南庚立。陽甲盤庚及小辛。小乙武丁祖庚建。祖甲廩辛次庚丁。武乙太丁帝乙紂。二十八帝商紀終。

## 周

三十七帝 自武王起 共八百七十三年

文武成康稱盛世。昭穆恭懿孝夷厲。宣王中興幽平桓。莊釐惠襄頃匡繼。定簡靈景悼。

敬元。貞定。哀。思。考。威。烈。安。烈。顯。逮。慎。覬。王。赧。至。東。周。君。始。絕。

列國

列國之時首秦楚。燕魏趙韓齊爲伍。

秦

二帝 共十五年 自始皇起

秦之興也維莊襄。始皇吞并二世亡。

漢東漢後漢

西漢十三帝 東漢十二帝 後漢二帝 共二十七帝 西漢三百一十一年 東漢一百九十六年 後漢四十二年 共四百五十年

高惠文景武昭宣。元成哀平短祚年。孺子淮陽遭賊莽。光武中興明章傳。和殤安順冲

質續。桓靈至獻操逆天。三國分爭昭烈正。後帝偏安漢祀延。

晉

西晉四帝 東晉十一帝 共十五帝 西晉五十二年 東晉一百零四年 共一百五十六年

晉武惠懷愍元帝。明成康穆哀帝奕。簡文孝武及安恭。兩晉共傳十五世。

南北朝宋齊梁陳附北魏東魏西魏北齊北周

宋武少文孝武帝。廢明蒼梧順不嗣。 八帝共六十年

齊高武鬱海明東。和帝七世齊祚終。 七帝共二十四年

梁之高祖曰武帝。簡文元敬後宣世。 六帝共九十九年

陳武文帝臨海宣世系終於後主年 五帝共三十三年

北魏附紀自宋始東西相繼至梁止北齊附梁終於陳北周附陳隋乃已

隋 三帝 共三十八年

隋文得統昇煬帝廢墜之餘恭莫繼

唐 二十帝 共二百九十年

高祖太宗高中睿明皇肅代德順繼憲穆敬文武宣懿僖昭昭宣二十帝 舊

五代後梁後唐後晉後漢後周

後梁太祖與均王 二帝 共十七年

後唐莊明閔廢亡 四帝 共十四年

後晉高祖出乃畢 二帝 共十一年

後漢高祖續隱帝 二帝 共四年

後周太祖傳世宗恭帝一年五代終 三帝 共十年

宋 北宋九帝 南宋九帝 共十八帝 北宋一百六十七年 南宋一百五十二年 共三百一十九年

太祖太宗真仁英神哲以後徽欽行南渡高孝傳光寧理度恭端帝昺傾 舊

遼 九帝 共二百一十九年

太祖建極後唐初。太宗之下世穆書。景聖興宗道宗繼。天祚式微國乃除。

十帝 共一百二十年

元 太祖滅遼太宗治。北宋淪亡熙宗立。廢帝世章衛紹王。宣宗哀宗及末帝。

十四帝 共一百六十五年

明 太祖太宗定憲繼。世祖定鼎四海一。成武仁英泰定傳。明文寧順十四世。

十六帝 共二百七十七年

太祖之孫建文年。成祖靖難付仁宣。英景憲孝武世穆。神光熹愍十六傳。

上附贈題

# 古史輯要卷一

## ○混沌紀

首出御世

盤古氏生於大荒莫知所始混沌初分首出御世。

## ○三皇紀

漢史以伏羲神農黃帝爲三皇恐非按諸史並以天地人爲三皇取天開子地闢丑人生寅之義較確。

天皇氏號天靈繼盤古御世兄弟十三人各萬八千歲時民風沕穆居不知所在行不知所之飢就食渴就飲悶悶然如人之方孩獸之適野耳。

爰定三辰

地皇氏繼天皇御世兄弟十一人各萬八千歲爰定三辰以別日月。

政教所自始

人皇氏繼地皇御世兄弟九人合四萬五千六百歲區分天下爲九各御一區爲政教所自始。

## ○五帝紀

漢史少昊顓頊高辛堯舜爲五帝恐非按諸史並以伏羲神農黃帝堯舜爲五帝且全史自三皇至舜中間相繼御世不下八十餘氏獨紀五帝者以其治功最著耳。

有巢氏古民穴居患禽獸帝構木爲巢令民居之以避其害。

茹毛飲血

燧人氏古茹毛飲血民未知烹帝察五行知空有火麗木則明教之鑽木取火以爲烹○作



遂皇有四佐

結繩之政立傳教之臺而民以遂故又號遂皇○有佐四而相道由立矣

伏羲氏風姓號太昊都宛邱今陳州百一十五年帝母居〔華胥〕今藍田縣之渚履巨人跡娠帝○以木德王作網罟

以佃漁用充庖廚供犧牲又名庖犧氏○因河圖畫八卦衍六十有四為萬世文字祖○

天下文字必歸六書

造書契制有六一象形二會意三指事四假借五轉註六諧聲使天下文字必歸六書○

古民野合知有母不知有父帝始以儷皮為禮定婚娶○作荒樂歌扶徠斲桐為二十七

絃之琴曰離徽絙桑為二十六絃之瑟○以龍紀官後神農火紀官黃帝雲紀官少昊鳥紀官本此

女媧氏少昊弟時共工氏與祝融氏戰不勝而怒頭觸不周山崩天柱折地維缺女媧乃煉五

煉石補天斷鼈立極

色石補天斷鼈足撐地

教民樹藝五穀

神農氏姜姓號炎帝又烈山伊書二氏都曲阜百四十年以火德王制耒耜教民耕○遍味草木以察寒溫平熱之

始立醫藥方書

性辨君臣佐使之義立方書療民疾○日中為市使民知貿易

得六相而天地治

有熊氏公孫姓又姬姓號黃帝名軒轅百年始畫野得百里之區萬立步定畝以制民產○得相六而天地治

蚩尤明天道太常察地理蒼龍辨東方祝融辨南方風后辨西方后土辨北方○古民視

占斗綱所建作甲子

花木開謝為春秋至是始定干支造甲子甲闕逢乙旃蒙丙柔兆丁疆國戊著雍己屠維庚上章辛重光壬元默癸昭陽子困敦丑赤奮

若寅攝提格卯單闕辰執徐巳大荒落午敦命容成造周天及調歷伶倫造律呂太容作群未協洽申涇灘酉作噩戌闍茂亥大淵獻

鳳巢阿蘭屈  
軼生廷

咸池之樂，隸首作算數，甯封爲陶正，赤將爲木正，共鼓造舟楫，邑夷造車輪，岐伯作內經，雷公究息脈，妃西陵氏教民蠶，而一切宮室服食之制，舉舉時諸侯相侵，帝治兵，殺蚩尤于〔涿鹿〕今涿州，爲後世征伐始。由是民不習僞，官不懷私，人無夭札，物無疵癘，虎豹不安，噬鳳巢阿蘭，麟遊于苑。○時廷有草，見佞輒指之，名曰屈軼。學人每稱堯舜爲文明，按此則黃帝實開之。

金天氏黃帝子，己姓，名摯，號少昊，都曲阜，八十四年。以金德王，能修太昊政，故名。帝母感大星如虹，生帝，樂曰大淵。

高陽氏黃帝孫，號顓頊，都帝邱，今濮陽，七十八年。帝母感瑤光貫月之祥，生帝于〔若水〕，遂以水德王。○時九黎

以神怪惑天下，帝戮之。○始造歷，以孟春月爲歲首，故又號歷宗，樂曰承雲。

高辛氏少昊孫，名俊，號嚳，都亳，今偃師縣，七十年。帝四妃，長姜嫄，與帝祀天生稷，次慶都，有赤龍祥，孕十四月生

堯，次簡狄，有飛燕祥，生契，樂曰九招。

陶唐氏嚳子，名堯，都平陽，今晉州，一百年。帝仁如天，智如神，就如日，望如雲，茅茨不剪，素題不斲，大路不畫，

太羹不和，土簋爲飯，布衣以臨，衣履不敝，盡不更治，世五十載，萬邦協和，帝微服遊康衢，

有童謠曰：立我烝民，莫非爾極，不識不知，順帝之則。有老人含哺鼓腹，擊壤歌曰：日出而

作，日入而息，擊井而飲，耕田而食，帝力何有于我哉。及觀華封民祝曰：使聖人富壽多男。

華封三祝

赤龍飛燕之  
堯仁如天  
微服遊康衢

子按外紀堯欲禪位許由許由曰汚吾耳往水洗之適巢父欲牛于下流遂牽去曰恐汚吾牛口也後許由隱箕山終又堯時紀十日並出焦枯禾稼命羿射去其九羿皆不聽之姑存

三年成都

有虞氏姚姓黃帝八代孫都蒲阪五十年帝父瞽瞍惑于後娶并少子象嘗欲殺舜舜烝烝乂不格姦耕

〔歷山〕人皆讓畔漁〔雷澤〕人皆讓居陶〔河濱〕器不苦窳所居三年成都自是元德升

聞時堯以子丹朱不肖求可代己者四岳皆舉舜堯乃歷試以艱使之慎徽五典五典克

從納于百揆百揆時敘賓于四門四門穆穆納于大麓烈風雷雨弗迷立為相堯崩諸侯

舉舜登庸

推舜即位○以土德王廣求賢自輔命禹為司空棄為后稷契為司徒臯陶為士垂為共

八愷八元

工理共益為虞伯夷為秩宗夔典樂龍作納言是名九官時高陽氏有才子八愷高辛氏

有才子八元胥舉用之又帝鴻氏有不才子渾沌即驩少昊氏有不才子窮奇即共顓頊

氏有不才子檮杌即緜縉雲氏有不才子饕餮即三苗是為四凶胥誅戮之○立誹謗之木彈

解慍阜財

五絃之琴歌曰南風之薰兮可以解吾民之慍兮南風之時兮可以阜吾民之財兮樂曰

一夔足矣

韶重黎欲增典樂者帝曰一夔足矣○鳳來儀景星出慶雲興南巡狩崩于蒼梧之野諸

侯推禹即位

夏紀姁姓黃帝孫緜之後都安邑今平陽凡十有七君得年四百五十有八

聲律身度

鼓瑟求諫

一饋十起

下車泣罪

人皆以堯舜

之心爲心

生寄死歸

鑄鼎以象九

州

大禹子二以金德王。帝聲爲律。身爲度。初受命治水。痛父功不成。被誅。乃焦思居外十三

年。過家門不入。陸行乘車。水行乘船。泥行乘橇。山行乘擔。以開九州。度九山。通九道。而四

隴可居。○懸器以招言。曰：教寡人道者擊鼓。告事者鐸。諭以義者鐘。語以憂者磬。訟獄者

鞞。每一饋十起。一沐三握髮。○出見罪人。下車泣曰：堯舜之人。以堯舜之心爲心。今寡人

爲君。各自爲其心。寡人痛之。○南巡濟江。有龍負舟。帝曰：生寄也。死歸也。視龍螻蛄耳。何

懼焉。會諸侯于塗山。今懷遠縣。執玉帛者萬國。防風氏後至。戮之。○鑄九鼎以象九州。時天雨

金三日。樂曰大夏。

帝啓禹子。時有扈氏不道。威侮五行。怠棄三正。啓滅之。

太康啓子二。荒於獵。十旬弗歸。其相后羿距之于河。弗許歸。而立仲康。

仲康太康弟。羿爲相。時羲和亂於酒。亦羿黨也。王命允侯征之。

帝相仲康子二。羿逐王帝邱。篡位。羿臣寒浞。殺羿及王。代之。王后緡方娠。奔有仍。后母家也

生少康。

少康相十八年二。王居有仍。田一成。十衆一旅。修德以收夏民。時夏舊臣靡。舉兵滅浞。而迎少

康。

一成一旅  
修德以收民

帝少康子帝槐子帝芒槐子帝泄芒子

帝不降泄子帝廛不降弟帝廛廛子

劉累象龍

孔甲不降子好鬼神時天降雌雄二龍劉累善擾龍令象之後雌死累潛醢以食夏后夏

后饗之既而使求之累亡去

帝皐孔甲子帝發皐子

肉山酒池

履癸發子力能申鐵鉤索有施氏以妹喜進桀寵之為瓊室瑤臺肉山脯林酒池可運

船一鼓而牛飲者三千人以供妹喜之樂湯放于〔南巢〕而死

○商紀子姓契之後都亳今歸德州後盤庚改號

成湯解網

成湯契十三世孫初桀殺直臣龍逢湯諫之桀怒囚于〔夏臺〕已而得釋出見人張四面

網為解其三止置一祝曰欲左者左欲右者右欲上下者上下聽不用命者入耳諸侯聞

湯德及禽獸

之曰湯德至矣及禽獸○大旱七年太史請以人禱曰吾所禱為民耳若以人請自當遂

湯以六事自責

剪髮斷爪身撻白茅為犧牲狀禱于〔桑林〕以六事自責曰政不節歟民失職歟宮室崇

歟女謁盛歟苞苴行歟讒夫昌歟言未已大雨數千里以〔莊山〕之金鑄幣濟民樂曰大

濩

桑拱子朝

太甲湯孫三年沃丁太甲子十九年太庚沃丁弟十五年

小甲太庚子十七年雍己小甲弟十七年

太戊雍己弟十五年「亳」有桑生于朝至暮大拱伊陟曰妖不勝德太戊修德三日而桑死○三

年四夷重譯至者七十六國重復曰重傳四夷之言曰譯

仲丁太戊子十三年外壬仲丁弟十五年河外壬弟九年祖乙河子祖辛十六年

沃甲祖辛弟十五年祖丁祖辛子十二年南庚沃甲子十五年陽甲祖丁子七年

盤庚陽甲弟十八年初河屢決都亦屢遷至是又決乃作誥諭民復都「亳」改號般而商復興

小辛盤庚弟十八年小乙小辛弟十八年

武丁小乙子號高宗五十九年恭默思道夢上帝賚良弼乃繪形旁求天下得傅說于版築立為相○祭

成湯有雉升鼎耳而雒鳴也夷人重譯來朝獨鬼方不廷伐之三年乃克商道中興

祖庚武丁子七年祖甲祖庚弟十三年廩辛祖甲子六年庚丁祖甲次子二十三年

武乙庚丁子四年為木偶人號曰天神令人與搏不勝戮之○為革囊盛血仰射之曰射天○獵

子「渭」雷震死

太丁武乙子三年

帝乙太丁子帝三子長微子啓為庶生季受辛乃嫡也辛母知其暴不可立請立啓太史爭

之曰有嫡不可立庶乃立受辛辛母可謂賢矣商祚之斬非太史誤之歟

紂帝乙子名受才力過人智足飾非言足拒諫視天下皆出己下○始為象箸箕子歎曰彼

為象箸必為玉盃○伐有蘇氏以妲己獻王寵甚作靡靡之樂北里之舞宮中九市為長

夜飲○以周侯昌九侯鄂侯為三公九侯進女子于王女不喜淫殺女及九侯鄂侯爭之亦

被殺周侯聞而歎崇侯虎言之王遂囚周侯于〔姜里〕散宜生以美女獻王王曰此一物

足釋西伯乃釋囚○西伯獻〔洛〕〔西地〕請除炮烙之刑許之○造鹿臺以聚財鉅橋以

貯粟比干諫之王怒曰渠自謂聖矣聞聖人之心七竅遂剖以視其心○西伯發舉兵伐

王前徒倒戈王奔鹿臺衣寶玉自焚○箕子過故墟歌曰麥秀漸漸兮禾黍油油兮彼狡

童兮不與我言兮殷民聞之皆涕史云微子抱器奔周非也箕子當商亡武王訪道猶長往朝鮮若商存而歸仲尼何以並仁之

○周紀姬姓禮之後按禮母踐巨人跡而孕以為不祥棄之于陌牛馬不踐棄之于冰飛鳥相覆乃收養之因名棄後堯舉為農師封于郟今西安府五傳至公劉遷郟今

邠州又九傳至古公遷岐今岐山縣又三傳至武王有天下初都鄗今咸陽縣成王遷都洛今洛陽凡三十七君得年八百七十有三

文王季歷子名昌雖與呂望年八十釣于渭今鳳西伯出獵卜曰非熊非鯀非虎非貔所獲

伯王之輔果遇望載歸尊為太公又曰尙父亦名○嘗治沼見死人骨命瘞之吏曰無主

拒諫飾非  
象箸玉盃  
伐有蘇獲妲  
己宮中為長夜  
飲

一物足以釋  
西伯  
獻地請除炮  
烙之刑  
聖人心有七  
竅

麥秀之歌

四伯得呂望  
于渭  
西伯澤及枯

也。曰：有天下者，天下主有一國者，一國主寡人固主也。天下聞之曰：澤及枯骨，況人乎？○  
虞芮之君欲訟田于王，如周見民讓畔，慚曰：吾所爭，周人所恥，乃還。史稱西伯陰行善政，非也。八百來會，即武

王猶出不期，況文乎。

白魚入舟

武王文王子名觀兵孟津今孟津縣，渡河，白魚躍入舟。既渡，有火光下覆王屋。時諸侯不期而

縱馬放牛

會者八百。越二年，陳師牧野，伐紂。夷齊扣馬諫曰：父死不葬，爰及干戈，孝乎！以臣弑君，忠乎！太公曰：義人也，扶去之。後餓死首陽山。歌曰：登彼西山兮，采其薇矣。以暴易暴兮，不知其非矣。神農虞夏忽焉沒兮，我安適歸矣。吁嗟殂兮，命之衰矣。○王卽位，釋箕子囚，表商容閭，封比干墓，散鉅橋粟，發鹿臺財，縱馬于華山，放牛于桃林，偃戈收甲，示不復用。凡古帝王後，與一時功臣同姓，無不錫土。○王疾，周公禱于先廟，請以身代。史氏藏其稿于金匱，樂曰大武。

成王武王子名，王幼，周公負扈代政。三叔管叔、蔡叔、霍叔流言曰：公將不利于孺子，遂與武庚紂子。

反，公奉命討之，因居東。時王亦疑公，及啓金匱，見禱詞，乃泣迎歸。○與弟叔虞削桐葉爲珪，戲曰：以此封若。史佚曰：天子無戲言，遂封唐侯。○交趾重三譯來朝，公曰：德澤不加，君子不臣其人。譯曰：天無烈風淫雨，海不揚波三年矣。意中國有聖人乎？故入朝。夷人迷歸。

天子無戲言，重譯來朝，海不揚波，中國有聖人。



擗南車

九府圖法

路公制指南車以導之。○遷都〔洛〕而定鼎于〔郊廓〕。即洛地。鼎禹所鑄。三代寶傳之。○太公立九府圖法。圓通之法也。以足國用。○太公治齊。五月報政。曰尊賢尚功。周公聞之。曰後必有篡其國者。

伯禽治魯。三年報政。曰尊賢親親。太公聞之。曰後世寔弱矣。○周公訓伯禽。曰吾一沐三握髮。一飯三吐哺。天下士至者千百人。始得三士焉。汝慎毋以國驕人。

思故懷棠

康王成王。子名釗。召公治西方。聽訟于隴陌。嘗廬棠樹下。公死。民思之。不忍伐棠。爲作甘棠歌。

歌。

昭王康王子。名瑕。王巡狩濟漢。漢人以膠膠船。至中流膠液。王溺死。

穆王昭王子。名滿。欲征犬戎。祭父諫曰。先王耀德不觀兵。勿聽。竟征之。得四白狼。四白鹿。以歸。犬戎自是不復朝。○命呂侯作祥刑書。誥四方。按祥刑一書。猶庶幾泣罪解網之意。

先王耀德不觀兵。作祥刑書以誥四方。

共王穆王子。名瓘。厲十二年。

懿王共王子。名囂。是時王室既衰。詩人作刺。

孝王懿王弟。名辟。非子飛廉孫。善象馬。命主馬汧渭之間。馬大蕃。以有功封秦。使續伯益後。初舜

封伯益。時大雹。牛馬死。江漢俱凍。按秦初封而災遂見。蓋履霜之兆也。君子疇周祚。而謂孝王自貽伊戚耳。

下堂見諸侯

夷王孝王子。名宜。覲禮不明。王始下堂見諸侯。○征〔太原〕獲馬千匹以還。

芮良夫諫專  
利諂誦  
防口甚于防  
川

二相共理國  
事

士不易言而  
求生  
左儒死于杜  
伯

壓弧箕服

與烽火戲諸  
侯  
遣兵伐申

東周

厲王夷王子名胡榮夷公好利。王任之。芮良夫諫不聽。○國人謗王。使衛巫監之。有告必殺。道路以目。莫敢言。王喜曰。吾能弭謗矣。召公曰。障之也。防民之口。甚于防川。川壅而潰。所傷必多。不聽。後民羣起攻王。王奔彘。尋崩。

宣王厲王子名靜周公召公非前相與輔王。海內翕然向風。○王不籍千畝。虢公諫曰。民之

大事在農。怠農。匱民。將何以國。○王晏起。姜后脫簪珥待罪。曰。好色而怠政。亂之生也。自妾始。王由是勤政。卒稱中興。○將殺其臣杜伯。而非其罪。伯之友左儒。爭之。再四。王曰。易而言則生。不易則死。儒曰。士不易言而求生。遂殺杜伯。左儒死之。

幽王宣王子名宮西周山川震。岐山崩。伯陽父曰。洛竭。夏亡。河決。殷亡。周其衰乎。○夏末。有

褒人神。化爲二龍。言于廷。夏后殺之。藏其糝韻津于櫝。厲王發視之。化爲龜。有童女遇之。

輒孕。至宣王時。生一女。懼而棄之。時童謠曰。壓弧弓箕服矢也。實亡周國。王下令。凡嚮此

者戮。適夫婦以嚮此逃。見所棄女。收奔褒。女長。褒人獻之。王寵甚。因廢申后。及宜曰。而立

褒姒。與伯服姒。褒姒不好笑。王誘之。萬方。無故舉烽火。諸侯皆至。姒乃大笑。初。宜曰。奔申。

王欲殺之。因伐申。申侯與西戎伐王。王舉烽火。諸侯不至。以前誑之故也遂殺王。諸侯迎宜曰。立焉。

平王幽王子名宜以豐鄙逼犬戎。乃東遷洛。而西周亡。自是諸侯日強。按孔子春秋始于此

四年。

作內政而寄軍令

桓王平王孫名琳王伐鄭鄭射王中肩。○管仲相齊作內政寄軍令以成富強而齊遂伯桓

尊之為仲父。○管仲與鮑叔交每分利多自與叔不以為貪知仲貧也嘗戰北叔不以為

知我者鮑子

怯知有老母也。仲曰生我者父母知我者鮑子也。

莊王桓王子名釐王桓王子名胡齊五年。

惠王釐王子名閻楚不供王祭齊桓伐之楚使屈完盟于〔召陵〕。○狄人伐衛衛懿公好鶴

齊楚盟于召陵  
鶴乘軒

鶴有乘軒者將戰國人皆曰使鶴衛師敗遂為狄所滅。

天威不遠顏咫尺

襄王惠王子名鄭齊桓會〔葵邱〕今考城縣王使宰孔致胙命無下拜桓曰天威不遠顏咫尺乃

晉侯請隧

下拜登受。○狄伐王王奔鄭晉文公奉王歸以有功于王欲請隧王曰此王章也不許晉

文乃止。

頃王襄王子名匡王頃王子名班六年。

楚子問鼎

定王匡王弟名瑜楚莊公伐〔陸渾〕觀兵于周郊王使王孫滿勞之楚子問鼎之輕重大小

在德不在鼎

對曰在德不在鼎周德雖衰天命未改鼎未可問也楚子慚退。

簡王定王子名夷十四年晉屠岸賈滅趙朔朔有遺腹子武賈索之急朔客程嬰公孫杵臼謀曰立孤

立孤與死孰

與死孰難。嬰曰：死易，立孤難。白乃取他兒匿山中，嬰誑賈曰：與我千金，告以趙氏孤處，賈

六官之長皆

靈王簡王子名泄，晉悼公年十四，甚賢。六官之長皆民譽，遂復伯業。時悼公欲伐戎，魏絳陳

和戎五利

和戎五利，公從之。○二十一年孔子生。至敬王四十一年卒，葬魯北泗上。

景王靈王子名貴，子產相鄭，一年民怨曰：孰殺子產，吾其與之。三年誦曰：子產而死，誰其嗣

古之遺愛

之子產卒，仲尼聞之曰：古之遺愛也。○吳季札聘魯，請觀周樂，魯人爲奏六代之樂。○晉

代之樂

使韓宣子來聘，見易象春秋諸書曰：周禮盡在魯矣。

周禮盡在魯

敬王景王子名丐，楚人伍員父爲楚平王所殺，員曰：我必覆楚。員之友申包胥曰：我必復之。

覆楚復楚

員說吳伐楚，鞭平王屍，包胥如秦乞師，秦王哀之，爲賦無衣，遂出師敗吳。○孔子爲司寇，

包胥如秦乞

有子訟父者赦之。季孫曰：司寇欺余，嘗云：治必先孝，今赦之，何哉？孔子聞之曰：罪不在民

也。○孔子相定公會，齊景公于夾谷，齊人奏夷樂，劍戟而前，孔子責卻之，景公慚懼，乃歸

所侵〔汶陽〕地以謝。○孔子攝相事，七日誅少正卯。魯大夫曰：人有五惡，竊盜不與焉，心逆

而險，行僻而堅，言僞而辨，記醜而博，順非而澤，五者卯兼有之。○孔子使子路爲季氏宰，

墮三都，皆費邑、郈邑、成邑，桓私立也。○孔子司寇三月，男女別于途，道不拾遺，魯大治，其初謗之曰：虜

墮三都

子路治蒲三善

裘而鞞。投之無戾。鞞之靡裘。投之無郵。至是誦之曰。袞衣章甫。實獲我所。章甫袞衣。惠我無私。○子路治〔蒲〕。孔子過之。入其境。田野治。曰善哉。恭敬以信矣。故民盡力。至其庭。甚清閒。曰善哉。明斷以察矣。故民不擾。○孔子謂子路曰。試注水焉。中則正。滿則覆。夫物烏有滿而不覆哉。子路曰。持滿有道乎。子曰。聰明知睿。守之以愚。功被天下。守之以讓。勇力振世。守之以怯。富有四海。守之以讓。○老子楚人也。李姓名耳。又名聃。爲周下吏。孔子如周問禮于聃。聃曰。良賈深藏若虛。君子盛德容貌若愚。孔子曰。烏吾知其能飛。獸吾知其能走。走者可以網。飛者可以矰。至于龍。吾不知乘風雲而上天也。老子其猶龍乎。○孔子適宋。習禮檀樹下。桓魋惡而伐其木。適鄭。鄭譏曰。東門有人。其顙類堯。其項類皐陶。其肩類子產。其腰以下不及禹三寸。纍纍然若喪家之狗。將適趙。臨河聞舜華見殺。晉賢大夫。歎曰。吾之不濟此命也。遂反魯作春秋。以西狩獲麟遂絕筆。○熒惑守心。心宋之分野。宋景公憂之。司星者請移于民。景公曰。民吾子也。司星者曰。君有仁言矣。何憂。熒惑果移三度。

臨河與歎  
西狩獲麟  
熒惑守心

元王

敬王子名  
仁六年

初吳越戰于〔橋李〕。吳王爲越所殺。其子夫差常使人呼曰。而忘越王之殺

生聚教訓

臥薪嘗膽

而父乎。三年敗越于〔夫椒〕。今常州。越王句踐。使人行成。許之。伍員曰。越十年生聚。十年教訓。二十年之外。吳其爲沼乎。越王歸臥薪嘗膽。修政二十餘年。乃伐吳。吳亦行成。范蠡不

范蠡乘舟五湖相布衣之極

初命三晉為諸侯使尹鐸為晉陽令繭絲保障

沉竈產蛙

豫讓義士

漆身吞炭將以愧人臣懷二心

豫讓不忘國士之遇

過廬必式

文侯不失虞人之期

可。吳王自刎。○范蠡知越王未可久事，乃變姓名為鴟夷子皮，泛湖去。後齊聘為相，喟然曰：「家致千金，官居卿相，布衣之極也。」遂解印散其金而隱陶。又名陶朱公。

貞定王元王子名介考王貞定子名王以周微，力不能支，乃封其弟子河南為西周公，封

少子于鞏為東周公。○陳公子完奔齊，齊立為臣，賜姓田氏，為後田和祖。

威烈王考王子名午晉六卿魏氏韓氏趙氏智共分晉地，而魏韓趙請為侯，王許之。六卿分

既不能討，而又寵錫之後此何誅焉。○趙簡子使尹鐸令晉陽鐸曰：「繭絲乎？保障乎？」曰：「保障哉！」尹鐸乃損

其戶數賦也，及襄子簡子即位，智伯求地弗許，智伯合韓魏攻之，襄子走晉陽，三家圍

而灌之，城不浸者三版，沉竈產蛙，民無叛志。襄子使張孟談潛約二家，共滅智伯，分其地。

襄子漆智伯頭為飲器，伯臣豫讓欲報之，挾匕首入襄子宮，為左右獲。襄子曰：「義人也，舍

之，讓又漆身為癩，吞炭為啞，乞于市，期必報。」吾以愧天下後世為人臣懷二心者。後伏

橋下，襄子過之，馬驚，遂殺讓。○初，讓欲報襄子，五起不中，人曰：「子嘗事中行氏，智伯滅之，

不以報，今必為智伯死，何也？」曰：「中行衆人遇我，我衆人報之；智伯國士遇我，國士報之也。」

○魏文侯師卜子夏田子方，每過段干木廬必式。世號文侯三友。○文侯與羣臣飲，會天

雨，命駕將適野，衆止之。文侯曰：「吾與虞人期獵矣，可不一會哉！」遂往。○文侯問曰：「我今何

君仁則臣直  
任座言直

子方不禮子  
擊  
貧賤驕人

五者足以定  
相  
三人皆君師

吳起殺妻求  
將

司馬穰宜弗  
能過  
吳起吮卒

吳起勸武侯  
修德

如主皆曰仁君。任座獨曰：君嘗得〔中山〕，不以封其弟而封子，豈仁乎？文侯怒，問翟璜。璜曰：仁君，君仁則臣直，向者任座之言直，是以知之。文侯召任座為上客。○子擊文侯子，道遇田子方，子方不為禮，擊曰：富貴者驕人乎？貧賤者驕人乎？子方曰：貧賤驕人耳，富貴安敢驕人？國君驕則失國，大夫驕則失家，夫士貧賤者不合則納履而去，安往不得貧賤哉？○文侯與田子方飲，侯曰：鐘聲不比乎？左高。子方曰：聞君明樂官，不明樂音，今君審於音，恐聾于官也。○文侯卜相于李克，曰：魏成翟璜孰可？克曰：居視其所親，富視其所與，達視其所舉，窮視其所不為，貧視其所不取，五者足以定之，乃相成。璜不悅，克曰：成所進三人，子方、千木、君師之子，所進五人，李克、吳起、樂羊、西門豹、屈侯附，君臣之子惡得比成也？璜默然。○魯欲將吳起，魏人攻齊，疑其妻齊女，遂殺妻求將，大破齊，或言曰：起嘗不奔母喪，今又以將殺妻，忍人也。起懼奔魏，李克曰：起雖貪淫，然用兵即穰苴莫過，魏將之攻秦，拔其五城，起為將，能與士卒同甘苦，卒有患疽者，起為吮之，嘗觀樂羊為將，食子示威，易牙主庖，烹子獻主，起真其人以餌致魚，非肯捨，餌志在魚也，貪也。流哉！呂氏曰：起貪人，何與卒同甘苦，以貪功名也，猶漁

安王威烈王子名騶，二十六年，齊田和遷其君康王海上，自求為侯，王許之。○魏武侯子，浮西河，謂吳起曰：美哉山河之固也！起曰：昔三苗左洞庭，右彭蠡，禹滅之，桀右太華，左河濟，伊闕在其南。

在德不在險  
舟中之人皆  
敵國

吳起田文論  
功

官人猶用木

二荆棄干城  
之將  
母在政身未  
敢許人

齊侯來朝  
天下益賢威  
王

烹阿封卽墨

年少有奇才  
孝公布德修  
政  
衛公孫入秦

羊腸在其北。湯滅之。紂左孟門。右太行。常山峻其南。大河經其北。武滅之。蓋在德不在險。苟不德。舟中皆敵國也。○魏相田文。吳起爭曰。將三軍。使士卒樂死。孰與起。治百官。實府庫。孰與起。守〔西河〕。秦人不敢東向。孰與起。三者出吾下。位乃加吾上。何也。文曰。主少國疑。方是之時。屬之子乎。屬之我乎。起懼奔楚。立爲相。多廢公族。共殺之。○子思薦苟變。衛侯曰。嘗賦于民。食人二雞子。子思曰。官人猶用木。杞梓連抱。而有數尺之朽。良工不棄。今以二卵棄干城之將。不可使聞鄰國也。○嚴仲子與韓相俠累隙。仲子聞聶政俠。以金百鎰爲政母壽。欲得政報累。政曰。母在政身未敢許人也。母卒。政往刺殺累。自破面決眼。出腸而死。韓人暴其屍。政姊往哭曰。此〔軹〕人聶政也。何愛妾身而沒弟之名乎。亦自死。

烈王

安王子名  
喜七年

時周室微甚。齊威王獨來朝。天下益賢威王。○齊威王語〔卽墨〕今膠州大夫

曰。子令〔卽墨〕毀言日至。至視〔卽墨〕不然。是子不賂吾左右也。語〔阿〕今東平府大夫曰。子

令〔阿〕譽言日至。至視〔阿〕不然。是子賂吾左右也。遂封〔卽墨〕大夫。烹阿大夫。及左右

嘗譽者。自是莫敢飾非。齊大治。

顯王

烈王弟名。屬  
四十八年

魏相公叔痤。語惠王曰。衛鞅年少有奇才。君如不用。必殺之。毋令出境。○

山東諸國皆擯秦。不與盟。秦孝公發憤修政。欲以強國。有衛鞅入秦。說孝公變法。秦人不



徙木立信

悅鞅曰：民不可慮始，可與樂成。論至德者不和于俗，成大功者不謀于衆。公曰：善。欲下變法令，即今保甲連坐法恐民未信，立三丈木于南門，募民能徙北門五十金。一人徙之，輒與令初

下。太子犯之，鞅曰：太子不可刑，刑其傅。公子虔公孫賈明日，秦人皆趨令。十年，道不拾遺，野無盜

賊。秦大治。背齊桓不背曹沫之盟，晉文不貪伐原之利，文侯不失虞人之期，秦幾近之，但強秦者鞅亡秦者亦鞅，後扶蘇賜死不敢白，不韋作令書懸都門，令增減一字者千金，卒莫敢易，非以法哉。○齊威王魏惠王會于田，惠王曰：寡人有照車十二乘，珠十枚，威王曰：寡

齊魏會于田

人有檀子守〔南城〕，楚人不敢寇，盼子守〔高唐〕，趙人不敢漁于河，黔夫守〔徐州〕，則燕

齊王寶賢

四臣照千里

趙寶從，種首備賊盜，而道不拾遺。此四臣者，將照千里，豈特十二乘哉？惠王慚。○韓昭王

明主愛一囁

有敝袴，命藏之，待有功者。曰：明主愛一囁，笑。况敝袴哉？○衛鞅立阡陌法，以有功，秦封

治秦與五殺大夫孰賢

〔商於〕十五邑，號曰商君，刑甚酷，嘗臨渭水論囚，水盡赤。○衛鞅問趙良曰：我治秦與五

殺大夫孰賢？良曰：千人諾諾，不如一士諤諤，請正言之。五殺治秦，暑不張蓋，勞不坐乘，一

救荆禍，三置晉君，併國十二，死之日，秦民皆涕。君之治秦，陵公族，殘百姓，公子虔杜門不

出八年矣。秦王一旦捐賓客，起而謀君者，豈微哉？孝公卒，公子虔等以篡論鞅，裂其屍，以

係五馬鞭，魏使龐涓伐韓，韓求救於齊，齊以孫臏伐魏，臏至魏，令軍日滅，竈誘之，兵每一

齊伐魏以救韓，臏滅竈，大韓白書

則竈消喜曰：知齊兵素怯，入吾地三日，亡者過半，併日追之，臏伏兵〔馬陵〕，令大斫樹橫

蘇秦說六國

雞口牛後  
擊擊肩摩

蘇秦敵齊為  
張儀說六國

孟嘗名重天  
下孟嘗君養士

狗盜雞鳴

燕王屬國子  
之

道書龐涓死此樹下六字令萬弩夾道以火為號涓夜至樹下以火燭之萬弩俱發涓自  
刎太子虜○蘇秦齊洛陽人初以衡術說秦不用去說趙資與馬遍說五國說辭詳見國策其說趙略云秦之

兵趙畏韓魏議其後也約五國以攻秦則秦不敢出函谷窺山東矣說韓略云寧為雞口  
毋為牛後以韓之強而有牛後之名臣竊為大王羞之說齊略云齊四塞之國車轂擊人  
肩摩連衽成帷揮汗成雨乃欲四事秦竊為大王不取也其說楚略云帶甲百萬粟支  
十年伯王之藉也從成則諸侯割地事楚衡成則楚割地事秦此兩策者相去遠矣立

為從約長相六國初秦說秦歸嫂不為炊妻不下機及相六國昆弟妻嫂俯伏不敢視秦

曰何前倨後恭也嫂曰季子位高金多也越二年秦使犀首公孫衍約齊攻趙而從解趙王

讓秦秦走燕欲報齊語燕王曰臣居燕不能使燕重在齊則燕重乃詐奔齊誘王窮奢以

敵齊齊大夫與秦爭寵刺殺之○張儀相秦以衡術說六國詳見國策其說魏略云梁地四平無名山大川之限地勢

固戰場也今親兄弟尚有爭錢財相殺傷乃特反覆蘇秦之謀欲無危得乎其說楚  
略云合六國以攻秦何異驅羣羊而攻猛虎其不格明矣又云連雞不得俱飛也令割

地事秦後儀與秦隙諸侯皆畔儀復相魏卒○田文齊王臣號孟嘗君廣招遊士食客數

千人名重天下秦聘為相或譖曰孟嘗先齊而後秦秦其危哉王囚孟嘗孟嘗求釋于王

幸姬姬欲得狐白裘孟嘗曾獻之王無以應其客善狗盜入王宮盜出獻姬乃釋及至關關法雞鳴

出客客有善雞鳴野雞聞之皆鳴乃得脫

慎靚王顯王子名定七年燕相子之欲得燕權使蘇代蘇秦弟佯言曰燕不任其臣無能伯也燕王噲

投杼下機  
信臣不如其  
母 謗書一篋

致士先從魏  
始 樂毅伐齊  
王蠋死節

田單火牛

田單攻狄不  
克

堅白異同之  
說 臧三耳  
左氏易齊靡

遂任子之禪其國而燕大亂齊取之燕叛共立太子平為王即昭○秦使甘茂伐韓茂曰魯有與曾參同姓名者殺人告其母織自若乃三告則母投杼而走臣之賢不若參王之信臣不如其母恐大王之投杼也昔魏文侯使樂羊伐中山拔之得謗書一篋文侯不信以示樂羊其致成功宜也○燕昭王修政命郭隗求賢隗曰古以千金求千里馬馬已死涓人買其骨還君怒涓人曰死馬且買况生乎不期年千里馬至者三王欲致士請自隗始况賢于隗哉遂師事隗士爭趨燕樂毅劇辛往焉○樂毅破齊聞王蠋賢使人請之蠋曰忠臣不事二君乃縊毅封其墓半歲下齊七十餘城獨〔莒〕〔即墨〕未下樂毅老之或譖于昭王曰呼吸下七十城今三年不拔二邑欲久仗兵威收齊衆南面耳昭王遂立毅為王毅泣辭昭王卒惠王惑于田單反間計使騎劫代毅毅奔趙田單用火牛計取刃束牛角取葦束牛尾火其尾牛奔軍盡觸死大敗燕七十城復焉○田單攻狄三月不克歸問魯仲連仲連曰將軍在〔即墨〕坐則織蓑立則杖鍤將軍有死之心士卒無生之氣故捷今將軍有〔夜邑〕之奉〔淄〕上之娛有生之樂無死之心故也單乃厲氣循城立矢石之所狄人乃下

赧王慎觀子名延五十九年平原君趙王弟食客數千人有公孫龍者能為堅白異同之說與孔穿論臧

三耳其析○衛胥靡亡之魏君以〔左氏〕易之左右曰以一都買一胥靡可乎君曰法不

屈原作離騷

相如完璧歸

趙秦趙會于澠

池

相如請秦王

擊缶

相如屈廉頗

廉頗負荊請

罪

器南共至

遠交近攻

樞

韓魏天下之

立誅不必雖〔左氏〕無益也。○屈平即屈原任楚以讒見斥平作離騷辭悟王王不悟遂懷

石投汨羅江死。○趙王得和氏璧楚人卞和以璧獻趙秦約以十五城易之。藺相如捧璧往

秦秦無意與城相如默令懷歸而以身待命于秦秦王賢而禮歸之。○秦趙會飲澠池秦

王請趙王鼓瑟相如亦請秦王擊缶王不欲相如曰五步之內臣得以頸血濺王矣秦王

乃擊趙王歸以相如爲上卿位居廉頗右頗欲辱之相如每望見頗輒避曰以秦之威我

廷叱之獨畏廉將軍哉顧秦不敢兵趙以吾兩人在今兩虎鬪必一斃吾且先國事而後

私仇也頗聞之肉袒謝罪遂成刎頸交。○楚欲伐周周使人言曰裂其地不足富國得其

民不足強兵而有弑其主之名恐器南則兵至矣大王何利焉乃止。○范雎魏人入秦說曰

以秦之大制諸侯猶驅韓盧韓地之犬名盧極猛搏寒兔也今不如遠交而近攻則得尺王之尺得

寸王之寸夫韓魏天下之樞也親之以威楚趙楚趙附則齊附而韓魏因可收矣王悅以

睢爲客卿按秦王天下全在睢之一說六國惟不知樞耳○魏使須賈至秦初范雎同須賈使齊賈疑睢私于齊

歸告魏相齊齊折其肱拉其齒睢詐死置廁中賂守者得脫更名張祿入秦至是微行見

賈賈曰范叔一寒至此乃取綈袍賜之及賈入相府見爲睢乃謝罪睢曰所不死者綈袍

戀戀尙有故人意耳後魏殺齊以謝睢。○秦伐趙廉頗知莫敵堅壁不出秦縱反問曰秦

古史輯要 卷一

趙括代廉頗  
趙括徒能讀  
父書

毛遂自薦

處囊脫穎

利害兩言決

耳合從爲楚非

爲趙因人成事

平原君不敢

相天下士

仲連不肯帝

秦先生天下士

戰國以來一

人公子竊符救

趙無忌大破秦

師于邯鄲六術五權三

獨畏馬服君趙名之子括耳。趙王遂以括代頗。相如曰：括徒能讀父書，不知合變也。括之

母亦上書且言括不可將。王不聽，竟大敗，失〔上黨〕地。趙兵四十萬盡爲秦白起所坑。○

秦攻趙〔邯鄲〕，趙使平原君求救于楚，約其門下傑士以行，得十九人，餘無可取者。毛遂

自薦。平原君曰：賢士處世如錐處囊，其末立見。先生未有見也。曰：使遂早處囊中，則脫穎

而出，非特其末見而已。平原君與之行。至楚，楚王久不決。毛遂按劍而前曰：從之利害，兩

言決耳。以楚之強，屢爲秦挫，此百世之怨。合從爲楚，非爲趙也。楚王唯唯。與遂歃血殿上。

遂以手招十九人上殿。曰：公等碌碌，因人成事者也。楚使春申君救趙，平原君歸曰：勝不

敢復相天下士矣。○初秦伐趙，魏人以爲便。孔斌曰：燕雀處堂，自以爲安。竈突炎上，棟宇

將焚，不知禍之及己也。秦收趙，魏必次之。○魏使辛垣衍說趙帝秦，魯仲連聞之，見衍曰：

彼秦棄禮義而尚首功之國也。卽肆然而帝，連有蹈東海死耳。衍拜曰：先生天下士也，不

敢復言帝秦矣。蘇氏曰：仲連戰國以來一人也。○秦伐趙，平原君讓魏不救。信陵君魏王弟，名無忌，請于

王，不許。客侯嬴曰：魏兵符在王臥內，苟得竊之，矯命兵可徵也。信陵君賂如姬王幸姬，竊之

率兵救趙。大破秦師于〔邯鄲〕。信陵君遂居趙不還。○荀况闕陵人與趙王論兵要在附民，

爲將在操六術號令賞罰等件，持五權。明三至，王善之。○秦太子妃華陽幸而無子，夏姬生子異

奇貨可居

不韋立異人于秦

人質于趙。陽翟〔翟〕今河南府大賈呂不韋適趙見之曰：此奇貨可居。說曰：太子愛華陽而無子，子兄弟二十人，子居中不得爭立，予願以千金令立子爲嗣。異人曰：然。不韋乃厚賂華陽，姊令說曰：夫人無子，後恐愛移，今中子異人賢，誠拔之爲嗣。夫人有托矣。華陽從之。異人歸，不韋以所娶美妾獻之時，妾已娠而異人未知也。後生政〔即始〕。○秦攻西周，王入秦，盡獻其地而西周亡。

東周君〔見上考王〕燕將攻齊，拔〔聊城〕，或譖之燕王，燕將保〔聊城〕，不敢歸。田單攻之，歲餘

不下。魯仲連爲書〔見古文〕約之，矢射城中，燕將見書，泣三日，遂自殺。齊王欲爵仲連，連逃之

魯仲連射書  
聊城  
魯仲連辭爵  
魏王問天下  
高士于子順

海上，曰：與富貴而絀于人，寧貧賤而輕世肆志焉。○魏安釐王問高士于子順〔即孔〕，順以仲連對。王曰：強作之者，順曰：作之不止，習與體成，則自然已。○秦滅東周，遷其君于〔陽

人聚〕

○秦紀〔蘇姓，初舜封伯益于此，後周立非子繼之，按秦滅周，六國尙存，未一統也，但就續周言耳〕

附列國 楚 燕 趙 魏 韓 齊

莊襄王〔孝文王子，名楚，又名異人，三年〕秦蒙鶩伐魏，信陵君久居趙，聽毛公、薛公勸，歸救魏，帥五國之師，敗

蒙鶩于河外〔按孝文三年，莊襄三年，此必不韋之弑，使其子速王耳，嗚呼，秦惟知謀六國，不知己之爲人謀也，蘇氏曰：六國未亡而秦先亡，信哉〕

信陵君敗蒙  
鶩于河外

李牧北邊良將

始皇帝名政王位二十五年帝位十二年李牧趙北良將也守雁門所收市租悉以享卒卒日受賜願一

戰大破匈奴十年不敢近趙○初以呂不韋為相封文信侯號曰仲父嘗入宮與太后通

懼覺乃進嫪毐于太后生二子至是事發王誅嫪毐廢太后殺其二子不韋亦自殺○太

后廢諫死者二十七人茅焦解衣伏質曰陛下裂假父撲二弟遷母后恐桀紂不過也聞

茅焦解衣伏質復為母子如初

天有二十八宿願死備其數王乃迎太后歸母子如初○秦大索逐客楚人李斯亦在逐

中斯上書王略云昔穆公西取由余于戎東得百里奚于宛迎蹇叔于宋求丕豹公孫支子胥孝公用商鞅惡王用張儀昭王得范雎而秦遂強四君者皆客之功客

何負于秦哉今却客以業諸侯所謂藉寇兵而資盜糧者也乃除逐客令復斯官○韓公子非善刑名法律之學作說

難諸書見古文說秦因納地請藩而韓滅非子隨見殺○初燕太子丹質于秦秦不為禮丹

歸欲報之聞荆軻俠賂使刺秦王懼不得近乃取樊於期頭秦將得罪奔燕故取以獻於期聞之遂自刎與

藉寇兵而資盜糧韓非善刑名法律之學韓非作說難燕丹遣荆軻入秦圖窮而匕首見

燕地圖獻秦王圖窮而匕首見軻把王袖袖絕王環柱走左右曰王負劍遂拔劍斬軻大

發兵攻燕燕斬丹獻按荆軻之刺與博浪之擊皆千古義舉惜不成耳秦滅趙及魏以

王翦伐楚

王翦將六十萬人滅楚明年又滅燕因令王賁將兵入臨淄誘齊王封以五百里齊王

降置之松柏之間餓死○秦并天下自謂德冠三皇功過五帝號曰始皇帝令繼世者由

樹敵

秦分天下為三十六郡

徙豪傑于咸陽

立石頌德

張良為韓報仇

大索十日

力房一擊之

築長城威震匈奴

秦建阿房宮

諸子誦法孔子

扶蘇監蒙恬軍于上郡

騁六驥過決

陳勝起兵

二世至萬世無窮。以水德王。言以水尅火也。易亥月為歲首。○王綰請王諸子。李斯曰。周封同

姓甚衆。故至此。今立國是樹敵也。始皇乃分天下為三十六郡。而徙天下豪傑于咸陽。

收天下兵器。鑄金人十二。○始皇幸泰山。立石頌德。禪梁父。為壇祭之曰禪。會天雨。避松下。封松

為五大夫。遂與方士徐市入海。求三神山。蓬萊等山。不死藥。浮江之湘山祠。舜二后祠。大風幾覆。始

皇怒。赭其山。○張良五世相韓。韓亡。欲報之。令力士操鐵椎。擊始皇于博浪沙中。誤中副

車。始皇怒。天下大索十日。晦。謂椎雖誤中。然已奪魄。自是陳勝輩繼起。皆子房一擊之力也。○盧生曰。亡秦者胡也。乃隱語。指

亥。始皇乃築長城。起臨洮。止遼東。延袤萬餘里。威震匈奴。○李斯請非秦紀者焚。凡

藏詩書。及偶語百家。棄市。所不去者。獨醫卜諸書。始皇善之。○始皇以咸陽宮小。乃營

朝宮于上林苑。先建前殿阿房。東西五百步。上可坐萬人。下可建五丈旗。役隱宮徒刑七

十餘萬人。男子割勢。婦人幽閉。曰隱宮。○諸生四百六十餘人。以譏訕坐坑。太子扶蘇諫曰。諸生誦法

孔子。坑之天下動矣。始皇怒。使出監蒙恬軍于上郡。○始皇出遊。崩于沙邱。趙高宦者

李斯謀立胡亥。懼扶蘇。乃祕之不發喪。詐為詔。賜扶蘇死。言監軍無功。始發喪。葬驪山下。

二世皇帝。始皇少子。名胡亥。二年。王曰。人生如騁六驥。過決缺也。隙。願窮樂終年壽耳。趙高曰。賢請嚴法

盡除先帝臣。則得肆志矣。遂投舊臣。○陳勝。陽城人。字涉。業耕。嘗語人曰。苟富貴。無相忘。人笑

古史輯要 卷一

二五



王侯將相寧有種

耳餘勸陳勝立六國後

鼠竊狗偷不足憂

大丈夫當如此

東南有天子氣

所居上有雲

項羽學萬人敵

賢主必行督責之術

指鹿為馬

曰。傭耕何富貴。勝曰。燕雀安知鴻鵠志哉。王侯將相寧有種乎。至是起兵于〔沛〕在沛郡。詐

稱扶蘇。據〔陳〕自立為陳王。張耳陳餘曰。是示天下私也。莫如立六國。不聽。諸郡縣苦秦

法者。亦多殺其吏以應。○時盜紛起。左右誑王曰。鼠竊狗偷。不足憂也。○劉邦字季沛人。

起兵于〔沛〕今沛縣。邦隆準龍顏。左股黑子七十二。有大度。不事家人生業。嘗遊〔咸陽〕。縱

觀曰。大丈夫當如此。時呂公善相。見季奇之。因女焉。初始皇言東南有天子氣。季遂自疑。

匿芒碭山澤間。呂后求之。每得。季問以故。后曰。季所居。上有雲氣。季嘗夜行。遇蛇。斬之後。

人至蛇所。有老嫗泣曰。吾子白帝子也。今赤帝子斬之。嫗忽不見。後人告季。季益自負。蕭

何。曹參。率〔沛〕子弟歸之。立為沛公。○項梁楚將。下相人。今宿遷縣。嘗殺人。與兄子籍避于吳。籍長

八尺。力能扛鼎。少學書。不成。學劍。曰。書足記名姓而已。劍一人敵也。當學萬人敵。至是殺

〔會稽〕守。以梁代之。而自立為將。○田儻齊後。起兵。自立為齊王。周市楚將。立魏後為魏王。韓

廣趙將。自立為燕王。張耳。陳餘。立趙後為趙王。上因兵紛起。問李斯。斯曰。賢主行督責之術。

羣臣百姓。救過不暇。暇圖變哉。乃益嚴法。○趙高欲專權。誘上曰。天子所以貴者。臣下莫

得見面耳。上遂居禁中。事悉聽于高。高與李斯隙。遂誣斯族之。高一日持鹿獻上。誑曰。馬

也。上詢之左右。或默。或言鹿。高陰中言鹿者以法。自是莫敢有言。○張良字子房。率多人道

張真以太公  
兵法說沛公  
沛公殆天授

范增說梁立  
楚後

項羽斬宋義

沉船破釜

沛公寬仁長

者  
沛公輟洗見  
酈生

陳留天下之  
衝

遇沛公以太公兵法說之無不喻。良曰：沛公殆天授，遂從之。○項梁以八千人渡江而西，沛公往焉。〔鄴〕人范增今集縣年七十，說梁曰：陳勝惟自立，故爲秦滅。今君必立楚王爲名，民望收矣。乃立楚後懷王爲義帝，張良亦說立韓後爲韓王。○上命章邯攻楚，梁羽季三人迎戰于〔雍邱〕，大破之。梁有驕色，上空國兵攻楚，楚敗。項梁死，章邯因攻趙，懷王使宋義將兵救趙，號卿子冠軍。義頓兵不進，項羽曰：國兵新破，息緩可乎？遂殺義，引兵渡河，沉船破釜，持三日糧，以示必死。立破秦兵。○楚懷王約能先入關者王，羽憤欲往，諸將曰：羽慄悍，所過必殘，不可。沛公長者可使，乃遣沛公。沛公引兵過〔高陽〕，酈食其入謁，沛公據牀洗足，酈生曰：足下誅無道秦，不宜倨見長者。沛公輟洗謝之，因請計。酈生曰：足下兵不滿萬，徑入強秦，所謂探虎穴者也。〔陳留〕今開封府天下之衝，城中多積粟，誠說之使下，圖秦不難矣。沛公從之，果下立食其爲〔廣野〕君，每以說樹功。○趙高每言〔關東〕盜無能爲，至是逼，高懼誅，乃弑二世于望夷宮，立子嬰，嬰痛父被弑，遂夷高三族。沛公兵至〔灞上〕，秦兵皆靡，嬰知莫敵，遂降。衆欲誅之，沛公曰：已降而殺不祥，乃屬吏。



# 古史輯要卷二

○漢紀劉姓，魏之後，都長安，秦舊都，是為西漢。滅秦五年，始平楚。為一統。凡十三君。合王莽。淮陽王十六年。共二百三十年。

## 附楚義帝 楚霸王

蕭何收相府圖籍

高祖皇帝名邦，字季。沛公入〔咸陽〕。諸將爭取財物。蕭何獨收相府圖籍。以此沛公得知天

忠言逆耳利

下扼塞戶口多少之處。公見秦宮室婦女欲留〔咸陽〕。樊噲曰：公欲有天下耶？將為富翁耶？凡此皆秦所以亡也。張良曰：忠言逆耳利於行。毒藥苦口利於病。願聽噲言。乃還軍

沛公還軍灞上

〔灞上〕召父老約法三章。殺人死，盜及傷人抵罪。悉除秦苛令。而吏民安堵如故。唐氏曰：不殺子嬰，約法三章，楚漢得失全在於此。○項羽既定〔河北〕。欲西入關。因秦卒多怨羽。夜坑殺二十餘萬人。○沛公遣兵守

志不在小

〔函谷〕。已而羽至。見關閉。大怒。攻破之。范增曰：吾使人望沛公。有天子氣。其志不在小。急擊勿失。項伯善張良。夜馳約良俱走。良不許。強伯見沛公。公厚遇伯。且曰：吾所以守關。備

謝羽鴻門  
項莊拔劍起  
舞  
樊噲帶劍入  
軍門

他盜耳。敢反乎？伯歸。約旦日速謝羽。旦日沛公來謝羽。〔鴻門〕羽留飲。增數目羽。召項莊舞劍為戲。欲殺沛公。項伯亦舞劍。以身蔽公。樊噲帶劍直入。髮上指。眦盡。裂。羽曰：壯士。賜之酒肉。立飲。啗之。羽曰：能復飲乎？噲曰：臣死且不避。斗酒安足辭。懷王約先入關者王。沛

奪天下者必沛公

沐猴而冠

養民致賢

張瓦燒網棧道

韓信跨下之辱

設壇拜將

一軍皆驚

三秦可傳檄

公入〔咸陽〕分毫無近還〔灞上〕以待將軍將軍不功是務謝而聽細人言欲誅首功此亡秦之續耳公如廁與噲間行〔灞上〕留張良謝羽歸增曰唉豎子不足謀奪將軍天下必沛公也范增之殺沛公以有天子氣吁果天子矣誰能殺之○項羽居〔咸陽〕數日乃殺子嬰掘始皇塚燒秦宮火三月不熄取寶女東歸曰富貴不歸故鄉如衣繡夜行耳韓生曰人言楚人沐猴而冠果然羽聞烹韓生○項羽陽尊義帝實不用其命自立為西楚霸王都〔彭〕城今徐州立沛公為漢王止漢蜀等郡三分關中立三秦將章邯司馬欣董驪皆降將為王距塞漢路漢王怒欲攻羽蕭何曰姑就漢養民以致賢收用巴蜀還定三秦天下可圖也漢王善之以何為相遂往〔漢中〕張良送至國王令良歸韓良勸王燒棧道路險架木而行曰棧以絕盜兵且示羽無東意後楚殺韓王良復歸漢綱目曰張瓦始終為韓初從沛公立韓信人淮陰韓以報秦也韓滅復歸漢欲報楚也家貧業釣漂母憐而飯之信曰必厚報曰吾哀王孫而進食豈望報乎信嘗遇豪少年侮以跨下信不為意初仗劍投羽羽不用歸漢蕭何奇之一日信亡去何夜追信衆言丞相亡去王怒如失左右手未幾何至語王曰信國士無雙王欲有天下非信不可王乃設壇拜將諸將皆喜人人自以為得大將至拜乃信也一軍皆驚延信上坐信曰項王暗啞叱咤千人皆廢然不任賢匹夫之勇耳接人多媼媼每各爵賞婦人之仁耳王誠反其道三秦可傳檄定也王大悅

陵母伏劍

漢王爲義帝發喪

漢軍敗于睢水

大風天晦宰天下如是

陳平美如冠玉

計足以利國家

韓信背水陣立赤幟

恨得信晚。○王引兵定三秦。王陵沛人率其黨歸。項羽取陵母置軍中。招陵。陵母寄語陵曰。

漢王長者。毋以妾故二心。遂自刎。○項王密使黥布弑義帝于江中。按漢雖有併吞之心。終不便于義帝。羽何不悟。爲漢

所忌也。〔新城〕三老董公說漢王曰。羽弑帝。願王素服。率諸侯兵伐之。王爲帝發喪。合

諸侯兵伐楚。彭越降。遂入〔彭城〕。收其寶貨美人。日置酒高會。羽率兵還。破漢軍于睢水。

今靈。漢軍溺死者二十餘萬。水爲不流。會大風天晦。王乃得遁。時太公呂后間行求漢王。

壁。漢軍溺死者二十餘萬。水爲不流。會大風天晦。王乃得遁。時太公呂后間行求漢王。

羽獲之。置軍中爲質。○陳平武陽人。今開封府字孺子嘗爲父老宰社肉甚均。曰。使平宰天下。有如是

肉。後因魏無知見漢王授護軍中尉。多受軍人賂。周勃曰。陳平美如冠玉。其中未必有也。

嘗聞平居家盜嫂。今又受賂。王讓無知。無知曰。今有尾生。嘗與女子約于橋下。適水至。溺死不去。孝已高宗子

之行。而無益勝負之數。王用之否。顧吾進平以其足利國家耳。盜嫂受金何論乎。○漢

王至〔滎陽〕。諸敗軍首會。漢兵復振。乃東征。蕭何輔太子守〔關中〕。轉糧調兵。未嘗乏絕。

○韓信攻魏。魏塞臨晉。信爲疑兵。備船欲渡。而陰使伏兵從〔夏陽〕。以木罌渡河。直入魏。

已定魏地。而魏兵不知。○韓信攻趙。廣武君李左車欲引兵問道。陰絕漢糧。成安君不聽。陳

餘。信乃設背水陣。令一千人。人持一赤幟。夜從間道入趙。候信戰詐敗。趙兵空壁來逐。二

千人直入趙壁。拔趙幟。樹漢赤幟。趙兵反驚走。漢兵來攻。大破之。信令生獲廣武君者千

韓信師事廣武君

酈食其謀撓楚權

請借前箸

陳平反間

大牢具進

天下事定

紀信誑楚

驪壁奪符

知天之天者王事可成

天所以資漢

金未幾縛至信師事廣武曰敗軍之將不可語勇信曰百里奚居虞虞亡相秦秦伯非

愚虞而智秦也。用不耳。向使成安聽公。僕就擒矣。廣武曰。狂夫之言。聖人擇焉。將軍初

定趙魏。兵必疲。毋更事燕齊。臣請說下燕齊。無患矣。信從之。燕果下。○酈食其議立六國

以屈楚。王善之。令刻印。適張良至。王語良。良曰。陛下事去矣。請借前箸為王籌之。時主方

指點。今從王者。欲得咫尺地耳。使立六國。各歸事其主。誰與佐王乎。王輟食。令趣銷印。前

立六國。以地非吾有。他人地。樹自己威。則可。今地皆吾地也。乃割以予人。豈不謬哉。○陳平請捐金行反間。以貳楚君臣。王予金

四萬斤。恣平所為。令誑項王曰。亞父龍且等。怨王不封賜。欲合漢。羽已疑之。及羽使人至

漢。平令以太牢進。見羽。使佯驚曰。吾意亞父使。乃項王使也。復持去。以惡草具進。使歸語

羽。羽益疑。亞父憤曰。天下事定矣。王自為之。乞骸骨歸。疽發背死。○楚圍〔滎陽〕。紀信曰。

事急矣。臣請誑楚。可脫。乃乘王車。出東門降。楚兵皆往東。王得從西門遁。羽燒殺信。信以身代

王。後論功而無一。漢王由〔成臯〕北渡河。自稱漢使。馳入趙壁。時韓信張耳未起。王即其

臥內奪印符。召諸將更置之。信耳起。知大驚。王令張耳守趙。韓信領兵攻齊。○漢王欲捐

〔成臯〕。南府屯〔鞏洛〕。以距楚。酈生曰。知天之天者。王事可成。國以民為天。民以食為天。〔敖倉〕多粟。

羽拔〔滎陽〕而不堅守〔敖倉〕。此天所以資漢也。王從之。遂取〔成臯〕。軍〔廣武〕。以就

晉翁即若翁  
漢王分羹  
爲天下者不  
顧家

數羽十罪

酈生下齊

爲將不如一  
豎儒之功

囊沙壅水

躡足附耳

立信爲齊王

武涉說韓信  
蒯徹說韓信

時者難得而  
易失  
楚與漢約中  
分天下  
養虎貽患  
信越期會不  
至

〔敖倉〕粟。楚兵食盡。語漢王曰：「不急下，吾烹太公。」王曰：「吾翁即若翁，必欲烹，幸分我一杯羹。」羽怒，欲烹項伯，曰：「爲天下者不顧家，烹之何益？」羽數挑戰，王曰：「吾寧鬪。」智因數羽十罪，伏弩射王中胸，乃捫足曰：「虜中吾指。」恐言中胸，人心動也。漢高可謂機智絕敏者矣。王病創，強起以安士卒。○酈生請于王，往齊說下之。韓信聞齊下，欲引兵返，蒯徹曰：「未聞詔，止攻齊也。」今酈生以三寸舌，刻日下齊七十城，將軍以數萬兵，經歲下趙五十城，反一豎儒不若矣。信乃攻齊，齊以酈生賣已。烹之。項羽使龍且救齊，相距于濰水。信夜以囊盛沙，壅水不流，候戰詐敗。楚兵追至半渡，令決囊沙，盡溺死。而齊地平，韓信使人請曰：「齊多詐之國，願爲假王，鎮之。」王怒，陳平躡足附耳曰：「今漢方不利，寧能禁信王乎？」王悟，復罵曰：「大丈夫當爲眞王，何以假爲？」遂立信爲齊王。○項羽聞龍且死，大驚，使武涉說信連和，三分鼎足，不從。○蒯徹說韓信曰：「相君之面，不過封侯；相君之背，貴不可言。今楚漢兵疲，足下因而據之，天下朝齊矣。」信曰：「漢王遇我甚厚，豈忍背乎？」徹曰：「勇略震主者身危，功蓋天下者不賞，且功者難成而易敗。時者難得而易失也。時乎時乎，不再來。信猶豫不忍背漢，卒謝徹。」○羽食盡，兵微，乃約鴻溝以西爲漢，東爲楚，而歸太公、呂后以和。盟罷，各去。良平曰：「天方授楚，王勿取。」是養虎貽患也。王遂引兵〔固陵〕。今固始縣。而約韓信、彭越兵共攻楚，信越不至，爲楚兵所破。張良請以



四面皆楚歌

楚地與信越令兩人自戰。于是信越皆會〔垓下〕。今亳羽聞漢兵皆楚歌。大驚曰。楚盡降

矣。在重圍中。夜起與虞姬飲。且悲歌曰。力拔山兮氣蓋世。時不利兮驩不逝。驩不逝兮可

奈何。虞兮虞兮奈若何。遂潰圍而出。至〔陰陵〕。今無為田父誑。陷大澤中。復至〔烏陵〕。今

州。漢兵追及。羽曰。吾八年七十餘戰。未嘗敗北。今天亡我。非戰之罪也。立斬漢將。及兵白

羽長纜船待

餘人。有亭長纜船以待。曰。江東亦足王也。願急渡。羽歎曰。籍與江東子弟八千。渡江而西。

項羽不渡烏

江。今無一還。縱江東父老憐而王我。我何面目見之。遂自刎。林氏曰。高祖百戰百不勝。惟不

惟不敗。一敗必亡。且羽一生病在多疑。即不渡江亦是疑。亭長耳。不則奚濟圍而出哉。雖然。其二種氣岸處。猶令千載生色矣。○楚地盡平。獨魯不下。漢王

城下猶聞絃

至城猶聞絃歌聲。曰。禮義之國也。持羽頭示魯。乃下。以魯公禮葬羽。封項伯為列侯。○漢

王封韓信為楚

王。即帝位於〔汜水〕。今山東封韓信為楚王。而奪齊王位。信至楚。報漂母千金。召辱己少

年為中尉。○上論楚漢興亡曰。運籌帷幄。決勝千里。吾不如子房。鎮撫國家。餽餉不絕。吾

三人皆人傑

不如蕭何。連百萬兵。戰勝攻取。吾不如韓信。三人皆人傑。吾能用之。故興。項羽有一范增

項羽不能用

而不能。用。故亡。○田橫齊後。不服。上招之。橫率其客二人來。將近漢。自殺。上以王禮葬。二客

田橫不肯歸

治喪畢。亦死。其黨五百人。聞之皆赴海死。○季布嘗逐上。上至是求之急。布藏魯朱家。使

臣各為其主

人說上曰。臣各為其主。何以私怨求人。上召布為郎中。丁公亦嘗逐上。上語曰。兩賢豈相

兩賢豈相

人臣無效丁公

金城千里

扼吭拊背

張良謝病辟穀

三寸舌爲帝者師

張良從赤松子遊

僞遊雲夢

狗烹弓藏多多益善

高帝善將將

蕭何發縱指

示陳平不肯本

沙中偶語

急先封齒

詔定元功位

次蕭何萬世功

帶劍履上殿

辱哉。丁公遂還。至是謁上。上斬之。曰：「使後世人臣無效丁公也。」○婁敬後賜姓劉論建都曰：

〔洛陽〕四面受敵。有德易王。無德易亡。秦金城千里。三面險阻。獨以一面制諸侯。乃扼天

下之吭而拊其背也。羣臣皆執周王八百。秦亡二世爲辭。獨張良亦生敬議。遂都〔長安〕。

○張良謝病辟穀。不食也。曰：「臣以三寸舌爲帝者師。此布衣之極。願棄人間事。從赤松子遊

耳。」謂良得仙術非也。良子漢高竊之深矣。故云。○韓信居楚。人以反告上。上僞遊雲夢。縛信歸。信曰：「狡兔死。走

狗烹。高鳥盡。良弓藏。天下已定。我固當烹。上赦之。封〔淮陰〕侯。信每稱病不朝。上嘗問曰：

「我能將兵幾何？」曰：「止十萬。」上曰：「卿何如？」曰：「臣多多益善。」上笑曰：「何猶爲我擒？」曰：「陛下不善

將兵而善將將。」○上封功臣。蕭何食邑獨多。功臣不服。上曰：「諸君知獵乎？追殺兔獸。狗也。

發縱指示人也。衆乃服。」上使張良自擇齊三萬戶。良曰：「臣會陛下于〔留〕。封〔留〕足矣。乃

侯〔留〕。」封陳平侯。平請及魏無知。上曰：「可謂不肯本矣。遂賞無知。」○上懲秦孤立。乃大封

同姓。卽徵時外婦子亦封王。時諸將未封者。坐沙中偶語。上望見。張良曰：「陛下以若屬取

天下。今分封不及。故相聚謀反耳。宜急取平日甚憎者封之。則若屬可安。」上乃侯雍齒。諸

將曰：「雍齒且侯。吾輩無患矣。」○詔定功次。皆首曹參。鄂千秋曰：「參一時略地功耳。陛下數

困〔山東〕。蕭何每進兵給餉。獨全〔關中〕。以待陛下。此萬世功也。上賜何帶劍履上殿。入

禮樂積德百年而後興

綿茲今日知帝之

陳平六出奇

天子以四海

劉敬議和親

周昌諫廢太

期期不奉詔

壯士白見四

四千戶慰趙

吾悔不用制

高材疾足先

得狗吠堯

樂布哭彭越

陸賈稱說詩

朝不趨。因侯鄂千秋。○尊太公為太上皇。羣臣以醉爭功殿上。拔劍擊柱。上厭之。叔孫通請定朝儀。魯兩生不欲。曰：禮樂積德百年乃可興。通曰：鄙儒不知時變。遂率衆往野。為綿蕞習之。○長樂宮成。羣臣朝賀莫不肅。上曰：吾乃今知帝之貴。拜叔孫通為太常。○匈奴寇邊。上伐之。被圍于〔白登〕七日。用陳平計得解。平嘗從征。凡六出奇計。○蕭何治未央宮太麗。上怒。何曰：天子以四海為家。非此無以樹威。○匈奴入侵。劉敬請以公主妻之上。取他女為公主妻。冒頓乃和。○上寵戚姬。姬生如意。上欲廢太子立之。御史周昌多口貽。曰：陛下廢太子。臣期期不奉詔。上笑。立如意為趙王。因以昌相之。○陳豨反。上親征之。命周昌選趙壯士可將者。昌白見白子王使見也四人。上罵曰：豎子能將乎。既而各封千戶。左右訝之。上曰：豨反。趙地皆豨。有何愛四千戶。不以慰趙子弟。時韓信舍人告信與豨全謀。呂后蕭何給信入朝。斬之。信曰：悔不用蒯徹計。乃為兒女子詐。遂夷信三族。上返。問呂后曰：信死何言。曰：言悔不用蒯徹計。上捕徹至。曰：若教淮陰侯反乎。徹曰：然。秦失其鹿。天下共逐。疾足者先得焉。跖之狗吠堯。堯非不仁。狗固吠非其主耳。上赦之。○上初征陳豨。徹彭越兵不至。遂夷三族。樂布哭之。上欲烹布。布曰：陛下困〔滎陽〕。微夫人之力不至此。今以小故誅之。恐功臣人人自危也。上拜布都尉。○陸賈時時稱說詩書。上罵曰：乃公自稱

屬上安事詩

陸賈新語

樊噲排闥直

三人同功一

體

蘇公料黥布

過魯以太牢

祀孔子

命脈在此

以沛爲湯沐

太子天下本

上不能致者

四人

四皓羽翼太

子相國爲民請

苑

眞宰相事

居馬上得之。安事詩書。賈曰：寧能馬上治之乎？乃述古興亡十二篇以進。號曰新語。凡古

○上疾臥禁中。詔戶者弗入。羣臣樊噲排闥直入。見上枕宦者臥。泣曰：陛下不見趙高乎？

上笑起。○黥布反。薛公曰：信越布同功一體之人也。上誅信越布疑禍及。故反耳。使布出

上計。山東非漢有。中計勝敗未可知。下計陛下安枕矣。然布必下計。上征平之。○上過

〔魯〕以太牢祀孔子。漢家四百年精○上過〔沛〕召親故與飲。上擊筑而歌曰：大風起兮

雲飛揚。威加海內兮歸故鄉。安得猛士兮守四方。且泣曰：其以〔沛〕爲朕湯沐邑。薄收其賦僅供

湯沐。○上病欲易太子。叔孫通曰：必欲易。臣請以頸血汚地。上曰：戲耳。通曰：太子天下本

搖天下動。奈何以天下戲乎？呂后召張良畫計。良曰：上不能致者四人。東園公。綺里季。夏

今致之侍太子。則太子重。上見四皓驚曰：公等何遠我。從吾兒乎？陛下善罵。臣等義不

辱。故匿。聞太子仁孝慈敬。天下延頸有日。故從之。上指示戚夫人曰：羽翼成矣。莫能易也。

○蕭何以上林苑多空。地請令民入田。上疑其受賂。械係之。王衛尉曰：有便于民請之。眞

宰相事。如以利相國守〔關中〕稍搖足。關以西非陛下有也。彼不以此時利。今利細人金

乎。乃釋。昔田子方之馬賣于人。至者欲棄之。子方曰：少服其力。○上病篤。語呂后曰：相國死。曹參可代。王陵少意。陳平可佐之。平雖智有餘。然難獨任。周勃厚重。少文。安劉氏

安劉必勃

者必勃也。遂崩。

人處

孝惠帝高祖長子名盈七年太后酖殺趙王。斷戚夫人手足。去眼燻耳。飲瘖藥。使居廁中。號曰人處。召

上觀之。大驚曰。此非人所為。朕何以治天下。遂日飲樂不聽政。○蕭何病。上問誰可代相。

曹參遵何約

何曰。曹參參嘗與何隙。至是聞何死。告舍人治行曰。將入相。頃之果召。參為相。一遵何舊

清靜寧一

政。民歌曰。蕭何為法。較若畫一。曹參代之。守而弗失。載其清靜。民以寧壹。○蕭何為相。不

後世賢師吾儉

治恆產曰。後世賢師吾儉。不賢無為世家所奪。○匈奴遺書高后無狀。后欲征之。季布曰。

太后欲王諸呂

言雖惡。何足計。乃善其辭以復。匈奴慚謝。書略云。兩主不樂。無以自高后呂氏名雉。高帝后。惠帝母也。惠帝無子。高后取他氏子繼之。惠帝崩。立為少帝。高后代政八年。○史係統高后者。見少帝非劉也。高后王諸呂。呂祿

弟。王陵曰。高帝刑白馬盟曰。非劉氏後者無王。陳平周勃聽之。陵退讓。平勃曰。白馬盟。諸

王陵面折廷諍

君不在耶。平勃曰。廷諍臣不如君。安劉氏後。君恐不如臣。按高后幸先平勃死耳。若後死

人臣之義當以王陵為正

之義。當以王陵為正。○劉章忿諸呂擅權。嘗入侍宴。請以軍法行酒。后許之。時諸呂有醉逃者。章追

劉章以軍法行酒

斬之。自是諸呂稍下。章嘗託歌云。深耕既種。立苗欲疏。非其種者。鋤而去之。后亦心畏章。

平勃相結

○陳平患諸呂。陸賈曰。天下安。注意相。天下危。注意將。將相調。則權不分。而變可弭矣。乃

鄒寄說呂祿以兵屬太尉

交驩太尉。以制諸呂。○太后崩。諸呂欲篡。時兵權盡屬呂祿。周勃令鄒寄祿之友說祿以

劉氏左祖

王者無私

詔讓賑恤  
除挾書律  
丞相社稷臣

卻千里馬  
陳平不對錢  
穀法獄之間  
宰相上佐天  
子  
吳公治行為  
天下第一  
夫一歲超遷大

賈生至言  
止輦受言  
袁盎卻坐

兵權屬勃。勃入軍。令曰：為呂氏右祖。為劉氏左祖。軍中皆左祖。勃遂將北軍。悉捕諸呂。斬之。○羣臣皆言：少帝非真惠帝子。乃迎代王嗣帝位。代王不果。周勃、宋昌力迎之。至渭橋。勃請問宋昌曰：所言公。公言之。所言私。王者無私。勃乃跪上天子璽。王西向讓者三。南向讓者再。乃即位。

太宗孝文帝名恆。高帝中子。二十三年。詔議賑恤。除挾書秦法。挾書者斬。并妻孥連坐法。年八十上賜米肉。九十上者常二匹。不時存問。

上厚遇周勃。朝罷乃目送之。嘗稱為社稷臣。袁盎曰：劉氏不絕如帶。丞相功適會其成耳。今有驕色。而陛下更過遇之。不可。○有獻千里馬上。曰：吉行日五十里。師行日三十里。朕乘千里馬。獨先安之。不受。○上問周勃：一歲錢穀決獄幾何。勃謝不知。及問陳平。平曰：宰相上佐天子。理陰陽。內親百姓。外撫四夷。使羣臣各任其職而已。錢穀獄事何與焉。勃知才不及平。乃謝相歸。○南越反。上使陸賈往諭之。乃朝。尹氏曰：文帝一紙。吳公守河南。治行天下第一。召為廷尉。公薦賈誼。洛陽人。為博士。上奇之。一歲超遷大夫。誼請改正朔。興禮樂。盡變秦舊法。上每謙讓未遑。○日食。上曰：朕過所致。願羣臣共摘之。○賈山上書。名曰：至言。略云：雷霆之所擊。無不摧折。萬鈞之所壓。無不糜滅。今陛下威命。非特雷霆也。勢重非特萬鈞也。山東之民。聞詔下舉賢。雖老羸癯疾。願緩須臾。與死以觀德化之成。今日從聽射以墮大業。臣竊悼之。上嘉納。嗣是凡遇上疏。輒止輦受之。○上幸慎夫人。令與寶后並席。袁盎引

魏漢開籍田  
詔賜民今年田  
租之半  
除誹謗妖言  
法

釋之不拜  
爵夫釋之奏當  
罰金  
廷尉天下之  
平

賈誼治安策  
抱火積薪  
芒刃奔斤

投鼠忌器  
大臣短賈誼

前席賈生  
賈誼為長沙  
王太傅

卻慎夫人曰：獨不見人歿乎？上悅，賞之金。○賈誼曰：積貯天下之大命也。誠驅游食之衆，轉而緣南畝，人各食其力，樂其所矣。上詔開籍田，賜民今年田租之半。○詔除誹謗妖言。法曰：古明王建誹謗木，今加之法，朕恐無由聞過也。○張釋之為騎郎，十年不得調，嘗與上論事。上曰：卑之無甚高論，令可行也。乃言秦漢得失，上悅。拜僕射。○上登虎圈，問上林尉以禽獸，不能對。有嗇夫代對甚悉，上欲拔上林令張釋之曰：以口給而超遷，諛上者至矣。乃止。○張釋之為廷尉，時上出，有驚乘輿馬，釋之曰：犯蹕當罰金，上怒其輕。對曰：法如是，何可踰？廷尉天下之平也。一傾民安措手足，又有盜高廟玉環，釋之奏當棄市，上怒欲族。對曰：盜宗廟器而族之，假令竊長陵墓，高帝一抔土，何以加法乎？○太子入朝，不下司馬門。張釋之劾不敬，上益重其直。○賈誼上治安策甚懇，上加納之。略云：今之勢，可為痛哭者六，進言者曰：天下已安已治矣。臣獨曰未也。夫抱火厝之積薪之下而寢其上，火未及然，因謂之安耳。○屠牛垣一朝解十二牛而芒刃不鈍者，其排擊皆理解也。至觶髀之所，非斤則斧，仁恩人主之芒刃也。權勢人主之斧斤也。今諸侯王皆衆觶髀也。陛下釋斧斤之用，而擢以芒刃，恐不折則缺耳。○今天下方疾大疝，一歷之大幾如腰，一指之大幾如股也。人主之尊如堂，臣卑如地，故陸九級廉遠地，則堂高，陛無級，廉近地，則堂卑。○諺曰：投鼠忌器。夫鼠近于器，尚忌勿投，況貴臣之近主乎？○大臣多短賈誼，上遣為〔長沙〕王傅。後上召誼至，上時坐宣室，受釐食祭。因問鬼神事，誼具言其故。至夜半，上前席既罷，曰：吾久不見賈生，自謂過之，今不及也。遂遷梁王傅。後梁王墮馬死，誼亦

詔鑄四銖錢

文帝誅薄昭

晁錯上言邊

事四者兵之至

要兩軍相為表

而賤金玉

除肉刑

文帝有刑措

拊髀思頗牧

將古者推轂遣

文帝不能用

玉杯改元

申屠嘉辱鄧

自傷失職泣死。○或誣周勃反。下廷尉。薄太后曰。向將北軍。誅諸呂。縮帝璽。不以此時反。

今乃反耶。遂赦。初勃下獄。獄吏難之。勃曰。吾將百萬兵。安知獄吏之貴。○詔鑄四銖錢。四錢

也。淮南王反。徙〔蜀〕。道死。民歌曰。一尺布。尚可縫。一斗粟。尚可舂。兄弟二人不相容。上

聞而悼。封其子。○薄昭弟。殺漢使。坐誅。上使羣臣喪服往弔。乃自殺。○匈奴數苦邊。晁

錯上言邊事。并募民田塞下。兵事略云。器械不利。以其卒予敵也。卒不堪用。以其將予敵

兵之至要也。○匈奴之長技三。中國之長技五。今義渠新降。其技與匈奴同。令兩軍相為

表裏。而各用其長。斯萬全矣。○屯田略云。貉人能耐寒。粵人能耐暑。驅漢卒一旦走塞外。

不戰斃矣。○足餉略云。明君貴五穀而賤金玉。今欲足。邊莫如令民輸粟于邊。以免罪。不三年而塞上多饒矣。上嘉納之。錯為人深刻多智。太子

號曰智囊。○淳于意有罪當刑。其女緹縈上書。願沒入為官婢。以贖父刑罪。上憐之。詔除

肉刑。上務寬厚。至斷獄四百。有刑措之風。○上曰。聞昔李齊之賢。戰於〔鉅鹿〕。下。今每飯

意未嘗不在〔鉅鹿〕也。馮唐曰。尚不如廉頗李牧。上拊髀曰。誠得頗牧。寧憂匈奴哉。曰。雖

得弗能用也。古者推轂遣將。曰。闔以外。將軍主之。今魏尚守〔雲中〕。坐差六級削爵。兵法

級多。上賞尚止。得六級。故削。臣故曰。雖得頗牧。弗能用也。乃復尚爵。○新垣平方士使人持玉杯獻上。上

刻人主延壽四字。平先誑曰。闕下有寶玉氣。頃之果獻玉杯。上悅。遂改十七年為元年。後



勞軍細柳

按轡徐行

眞將軍

四百年文帝所貽

詔減筭法

晁錯謀削七國

趙涉遮說亞夫

將軍從天而下

亞夫堅壁不出

廷瀆也。朝罷召通欲斬之。上度丞相已困通。使使急持節召通。因謝嘉曰。此吾美臣。君釋之。通至爲上泣曰。丞相幾殺臣。○匈奴入〔雲中〕。上令周亞夫次〔細柳〕。劉禮次〔灑上〕。

徐厲次〔棘門〕。上往勞〔棘門〕。〔灑上〕直馳入〔細柳〕。不得入。曰。軍中但聞將軍令。不聞

天子詔。上使使持節詔亞夫開壁門。門者曰。軍法不得馳驅。上按轡徐行。至營。亞夫持兵

揖曰。介冑之士不拜。上改容式車。勞畢。出曰。此眞將軍矣。〔棘門〕〔灑上〕若兒戲耳。月餘。

匈奴退。呂氏曰。惜露臺費。不盡人之財。不伐匈奴。不盡人之力。賜吳王杖。賞張武金。不盡人之情。漢四百年福澤皆帝貽也。

孝景皇帝文帝子。名啓。十六年。有元年中。元後元三號。詔減筭法。民三十稅一。初文帝稅屢盡。除至此又稍復。時七國多橫。晁錯

議削其地。吳王遂糾諸王反。上命周亞夫將兵擊之。吳相袁盎與錯素隙。上書請斬錯。兵

乃止。上默然良久。遂斬錯。鄧公曰。吳欲反久矣。特借錯爲辭。夫錯患七國而請削地。誠忠

計也。今戮之。是爲諸王報仇也。上曰。吾亦恨之。亞夫至〔滎陽〕。趙涉遮說曰。兵尙秘密。將

軍何不走〔藍田〕。抵〔洛〕。直入〔武庫〕。令諸侯驚曰。從天而下也。亞夫從之。使輕騎絕吳

楚糧道。吳兵饑挑戰。亞夫堅壁不出。吳引兵去。亞夫追破之。七國皆滅。○上初與梁王上

王俱寶。飲曰。朕傳位與若。至是因上廢太子而立王氏子徹。寶太后請立梁王爲嗣。以袁

盎諫不可。梁王怨之。令羊勝刺殺盎。上遣田叔往持獄。太后憂梁事。日夜泣不食。田叔捕

田叔悉燒梁  
獄詞空手來  
見蒼鷹  
直不疑償金  
不疑長者  
顧謂上席取  
箸快非少主  
臣快

仲舒有儒者  
氣象  
治不在多  
言

為治願力行  
耳  
萬石君家不  
言躬行  
詔選天下四  
方才智之士  
詔舉孝廉  
何不直取武  
庫  
譚  
汲黯以嚴見

羊勝等殺之。悉燒梁獄詞。空手來見。託言梁王不知。太后立起加飡。梁王入朝謝罪。太后及上相泣如故。上益賢田叔。○邳都行法不避權貴。權貴皆側目。號曰蒼鷹。○直不疑為郎。同舍有歸者。誤持他同舍郎金去。或意不疑。不疑償之。後歸者至。還其金。亡金郎大慚。時稱不疑長者。○上召亞夫賜食。忘置箸。亞夫不悅。顧謂上席取箸。上笑曰。此非不足君所乎。亞夫出。上曰。此快快非少主臣也。稱漢治者。動推文景。夫景何可配文哉。其無罪廢弟之義。失殺申屠嘉。晁錯。周亞夫。君臣之道。失所取者。獨節儉一事。克配文耳。

世宗孝武皇帝景帝子。名徹。五十四年。有建元。元光。元朔。元狩。元鼎。元封。太初。天漢。太始。征和。後元。十號。詔舉賢良。上親試策。董仲舒凡

三對皆善。拜〔江都〕王相。王多驕。仲舒以禮匡之。程子謂仲舒有儒者氣象。○上好儒。趙綰薦申公。上

安車蒲輪。以蒲縛輪。使穩。迎之。首問治亂之事。申公曰。為治不在多言。願力行何如耳。上拜為大

夫。議明堂等事。尋免歸。○竇太后好黃老。黃石公。老聃。不悅儒術。以萬石君家。石奮父子四人。俱官至二千石。

故不言而躬行。遂寵之。○招四方才士。東方朔。司馬相如。朱買臣。莊助等。嘗在左右。朔等

持論詼諧。大臣多屈于其辨。○詔舉孝廉。置五經博士。定四科取士法。孝廉。明經。賢。茂才。○丞相

田蚡驕侈。治宅甲諸第。嘗請地益宅。上怒曰。何不直取武庫。○汲黯都尉。性多直。以嚴見。譚

時河內失火。上使視之。黯復曰。家人失火。不足憂也。臣過〔河南〕見貧人傷水旱萬餘家。

汲黯矯節發倉內多愆而外施仁義

汲黯何如人

汲黯社稷臣不冠不見黯

王恢韓安國讖伐匈奴

作見知法

湯黯叱詰張

擢宏對為第

公孫子毋曲學以阿世

漢之飛將軍主父偃三人上書

公等何相見之晚

臣謹持節發倉以賑。請伏矯制之罪。上益賢黯。時上招文學。黯曰。陛下內多愆而外施仁義。奈何欲効唐虞乎。上怒。退曰。甚矣汲黯之戇也。或告黯。黯曰。天子置輔臣。寧令從諛乎。上嘗問莊助曰。黯何如人。助曰。使黯居官。無以異人。至輔少主。守成深堅。操守之深。遠堅固也。招不來。麾不去。即賁育莫奪也。上曰。古社稷臣。黯近之矣。上每不冠。不敢見黯。○李少君以却老方獻。而方士紛至。○王恢議伐匈奴。韓安國曰。勿擊便。恢曰。邊境屢驚。擊之便。乃伏兵〔馬邑〕。誘匈奴入塞。關吏有以伏告。匈奴驚還。○張湯定律多刻。作見知法。見知不舉。連坐。湯舞智御人。汲黯叱曰。刀筆吏不可為公卿。果然。湯嘗與顏異隙。時上有令下不便。異微反唇。湯入其腹。誹坐斬。自是有腹誹法。誹以腹亦從何辨。將仁孝盡可誣矣。朝野怨湯。卒以罪自殺。○上策士擢公孫宏第一。轅固年九十餘。亦以賢良徵。宏仄目事固。固語宏曰。毋曲學阿世也。宏每諛上。汲黯當殿叱之。○上遣唐蒙通南夷。入〔夜郎〕。今四川。立為郡。司馬相如通西夷。〔功〕〔筴〕〔冉〕〔驪〕〔若水〕〔牂牁〕皆為郡。○〔軹〕人郭解。關東大俠也。殺人甚衆。上捕族之。○李廣守〔北平〕。匈奴號曰。漢之飛將軍。數歲不敢近。○主父偃嚴安徐樂三人上書曰。天下之患。在土崩。不在瓦解。今海內虛耗。又深入匈奴。民情洶洶。土崩之勢也。上曰。公等何相見晚也。俱拜郎中。○主父偃曰。諸王日強。縱之固亂。削之亦亂。請裂其地與諸王子弟。

公孫宏布被

丞相封侯自

弘始開東閣以延

賢安薦仲舒爲

膠西相汲黯不拜衛

青大將軍有揖

容汲黯加于平

置武功爵日

三人言利析秋毫

卜式助邊中

以下式爲耶發蒙振落

久不聞汲黯之言

得神馬于渥注水中

幕南無王庭

則彼無辭而諸子弟且德上不削之削也。上善之。○公孫宏爲布被。汲黯議其釣名。上問宏。宏曰。三公爲布被。誠似釣名。使無汲黯直。陛下安聞此言。上益重宏。謙。○公孫宏封侯。丞相封侯。自宏始。宏開東閣。延賢參謀。嘗惡汲黯。董仲舒叱己欲誅之。無名以宗室多難。治。乃令黯爲右內史。仲舒爲膠西王相。○衛青屢征匈奴。有功封侯。公卿靡不卑奉。汲黯獨抗禮。人謂黯當拜。黯曰。大將軍有揖客。顧不重耶。青聞愈賢。黯遇之加于平日。○張騫使月氏返。言大宛多善馬。大夏有邛竹杖。多奇珍。上由是日事西南夷。○國用大乏。令民買爵免罪。以給軍支。名曰武功爵。又令孔僅桑宏羊等領鹽鐵事。算舟車。權酒酤。言利析秋毫。○卜式輸財助邊。上曰。欲官乎。有冤欲鳴乎。式曰。不然。陛下苦匈奴。賢者宜死節。有財者宜輸委耳。上欲顯之。風百姓。乃拜郎中。○〔淮南〕王謀反。曰。汲黯守節。難惑以非。其他如發蒙振落耳。發去鏡之塵蒙。振下樹之落葉。言易也。後事敗。自殺。○渾邪王降。上發兵二萬迎之。馬不足。貸于民。民匿馬上。欲斬〔長安〕令。黯曰。須斬臣。民乃出馬。上默然曰。吾久不聞黯言。今復妄發矣。命降者徙居邊郡。○得神馬于渥。注水中。令爲歌頌之。汲黯曰。王者作樂承宗廟。今以馬歌。先帝豈知其音耶。○上爲霍去病治第。去病曰。匈奴未滅。無以家爲也。上益賢之。○衛青霍去病合攻匈奴。所殺十餘萬。自是匈奴遠遁。幕南無王庭。○寧成爲都尉。

帛書飯牛

以汲黯為淮

陽守補過拾遺

倪寬課最

起柏梁臺

老人牽狗

仙者得之自

然羊作平準

法烹羊乃雨

天旱意乾封

公孫賀不受

相蘇武使匈奴

咽雪牧羝

羝乳乃歸

李陵有國士

之風

甚酷。民曰：寧見乳虎，毋逢寧怒。○少翁以鬼惑上，上所幸李夫人死，少翁夜致之見上，後

書一帛，令牛飯之，誑上曰：此牛腹有奇，殺視之，得帛書。上心知為少翁筆，誅之。○上以汲

黯為「淮陽」守，黯稱病不能任，願出入禁門，補過拾遺而已。上曰：君薄「淮陽」耶？遂令守

此十載卒。○倪寬勸農緩刑，征税多假貸，後寬以此免，民恐失之，大家牛車，小家擔負，租

稅繡屬不絕，上愈奇寬，課更以最。○王溫舒河內守上書連坐豪猾法，論刑至血流十里，會

春，溫舒歎曰：令展一月，吾事足矣。○上親將兵北征，告單于曰：若能戰，天子自將以待，不

能，急來臣，單于遠遁乃還，而四夷帖服。○上溺仙事，起柏梁臺，作承露盤，以銅為之，夜令承露，飲之，可仙。

○上巡東海，祭八神祠，恍聞呼萬歲者三，見一老人牽狗，忽不見，上以為仙也，遂封泰山。

禪梁父，欲往蓬萊求仙。東方朔曰：仙者得之自然，躁求無益也。陛下須還宮靜待之，仙將

自至，乃止。○桑宏羊以平準法得幸，天下之稅，準之為一。封侯。時旱，卜式曰：烹宏羊，乃雨。上默然。○

上憂旱，公孫卿曰：黃帝時，封則天旱，上曰：今天意欲乾封乎？欲所封之，土乾燥也。○上相公孫賀，賀

以上多殺大臣，乃泣不受印，上怒，強之受，賀出曰：我從是殆矣。○中郎蘇武使匈奴，單于

強之降，不從，置武大窖中，絕飲食，會天雪，武取旃毛和雪咽之，數日不死，復遷武北海牧

羝，曰：羝乳乃歸。羝不乳，示不得歸。○李陵李廣孫伐匈奴敗，因降，上怒，司馬遷稱陵有國士風，其不

羝，曰：羝乳乃歸。羝不乳，示不得歸。○李陵李廣孫伐匈奴敗，因降，上怒，司馬遷稱陵有國士風，其不

作沈命法

王賀陰鑄

問巫蠱之法

果何自而起

耶

壺關三老上

書

田千秋訟太

子冤

爲歸來望思

之臺

下詔深懲既

往之愆

堯母門

霍光可任大

霍光

天下想其丰

死欲圖報也。上以遷阿陵。遂下遷腐刑。割勢也。○范昆等持節捕盜。作沈命法。沈沒其命。王賀以

捕盜多所縱。坐免。賀曰。吾活萬人。後世其興乎。○上爲衛太子立博望苑。有女巫入宮中。

教埋木人。宮中可免厄。上一夕夢數千木人持杖擊之。乃疾。江充與太子隙。因言上疾。皆

太子巫蠱爲祟。上命治巫蠱。充因持太子。太子斬充。遂出武庫兵欲反。詔捕之。〔壺關〕三

老茂曰。子盜父兵。以救難耳。何邪心也。上悟。尙未明赦。太子度不得免。遂自刎。衛后太子

亦縊。上既而悔。高寢郎高帝寢廟之所。田千秋知之。詐稱白頭翁與言曰。天子之子誤殺人。何罪

哉。上曰。此高帝使公示我。遂以千秋爲卿。未幾相。又未幾侯。而族江充家。作思子宮歸來

望思臺于湖。○上盡屏方士。歎曰。天下豈有仙人。盡妖妄耳。節食服藥。差可少病而已。○

桑宏羊請田〔輪臺〕威西域。上不可。下詔深懲既往之悔。○初趙婕妤居鈞弋宮。妊十四

月生子弗陵。上以堯十四月生。遂名宮門曰堯母門。至是上欲立弗陵。以其年穉母少。欲

以大臣輔之。察霍光弟去病可任大事。乃畫周公負成王圖賜光。上病篤。光曰。如不諱。當誰

立。上曰。君未喻前畫意耶。遂立弗陵。後數日。以他事賜鈞弋夫人死。左右曰。立其子。殺其

母可乎。上曰。呂后之慘。諸公不聞耶。上崩。光輔幼主。政自己出。小心謹慎。天下想其丰采。

孝昭皇帝武帝子。名弗陵。十三年。有始元。元鳳。元平。三號。有詐稱衛太子。騎黃犢詣闕下。羣臣駭之。雋不疑曰。昔崩

采。天下想其丰

大臣當用有經術不疑名重朝廷

蘇武臥起持漢節

雁足帛書

拜蘇武為典屬國

昭帝辨上官桀之詐

傅介子斬樓蘭

漢之伊尹

霍光益重經術士

嚴延年劾奏霍光

朝廷嚴肅敬

獄中有天子氣

贖出奔輒拒不納春秋是之太子既得罪奔當就獄上與霍光嘉之曰公卿當用有經術者不疑乃名重朝廷按不疑斷者甚是但云春秋是輒則謬矣惜光不學矣辨其謬也○雋不疑為京兆尹每論囚其母

輒問有所平反活幾何人或無所出母怒為不食○蘇武持節匈奴十九年鬚髮盡白節旄盡落至是以書繫雁足入漢上得之語匈奴以武所在匈奴驚乃歸武武還上拜為典

屬國○霍光盡罷武帝賦法外和匈奴稍復文景故業時上官桀與光有卻詐為燕王上

書誣光上曰此詐也將軍調校尉未十日燕王何以知之且將軍為非不須校尉上年方

十四尚書左右皆驚後桀黨又譖光上曰大將軍忠臣先帝囑以輔朕敢有毀者斬後桀

謀弑上而立燕王謀洩遂族桀○樓蘭王殺漢使傅介子誘殺之更其國曰鄯善介子還

上封以侯○上崩無嗣霍光奉太后詔迎昌邑王武帝子即位王縱淫無度光憂之田延

年曰將軍能更立賢漢之伊尹也時王出遊夏侯勝曰天久陰不雨臣下必有謀上者陛

下出欲何之光聞驚問勝勝對言在洪範傳光益重經術士光白太后太后召王解其璽

逐還昌邑霍光此與于漢忠矣獨惜其始之不愼也○丙吉奏衛太子孫病已當立霍光乃奉太后詔迎之

嚴延年劾光擅廢立奏雖寢朝廷肅然憚焉初病已生數月坐巫蠱事在獄丙吉哀其無

辜乳養之或告獄中有天子氣詔盡殺病已賴吉以全時上林苑蚕食柳葉成公孫病已

立五字。至是果驗。

中宗孝宣皇帝武帝孫。初名病已。後改名詢。二十五年。有本始地節元康神爵五鳳甘露黃龍七號。衆議立霍光女爲后。上初已娶許

詔求微時故

氏。乃詔求微時故劍。示收劍且。大臣知旨。自立許儉仔爲后。○上厚遇霍光。光歸政。上不

霍光稽首歸

受。凡事先白。光乃奏。○召〔河南〕丞黃霸爲廷尉。霸行法多寬仁。廷中稱平。○詔立武帝

廷中稱平

樂。夏侯勝論其無道。不宜立樂。衆劾勝。獨黃霸不劾。勝霸並下獄。霸在獄。從勝講尚書。更

樂帝不宜立廟

冬不怠。程子曰。勝事君識鯁直字。弱治民。議循其字。二子可無愧尚書矣。○霍光妻顯謀立其女爲后。會許后病。娠使女

醫投毒死。光知大驚。終不忍發舉。後女果立后。○匈奴入。會雪深丈餘。不能還。盡擊殺之。

緡籍投書

邊患始寧。○趙廣漢爲〔潁川〕守。設緡籍。籍開小孔。令長投書告奸。而奸黨悉散。及爲〔京兆〕尹。尤善

廣漢鉤距

鉤距。鉤之有距。吞則順吐則逆。嘗數人聚一舍。謀劫語未竟。捕者至矣。時稱發奸摘伏如神。○于定國

神發奸摘伏如

爲廷尉。朝廷稱之曰。張釋之爲廷尉。天下無冤民。于定國爲廷尉。民自以不冤。初定國父

天下無冤民

爲獄吏。〔東海〕有孀婦侍姑。姑恐妨其嫁。自縊。姑女告爲婦逼。坐斬。〔東海〕旱三年。于公

祭孝婦乃雨

知其故。言于令曰。必祭某婦。乃雨。果驗。于公吏獄多活人。會家改門閭曰。須高大可容駟

于公高大門

馬。吾後必興也。○霍光卒。上即日封其子。賜葬如王禮。魏相曰。春秋譏世卿。故宋三世爲

大夫。則惡之上不聽。○時上書者用二封。其副封先白尚書。然後以正封奏。尚書每視副



魏相請去副封。孝宣勸精爲治。刺史吏民之。木漢世良吏爲。盛芒刺在背。霍禍萌于。曲突徙薪。赤子弄兵。潢池亂民。猶治。寶劍買牛。寶刀買犢。廣漢見事風。生百姓追歌之。以蕭望之爲平。原太守。尹翁歸披籍。取人。魏相諫伐匈奴。義兵者王。此兵何名。

封不便。多瘞之。魏相請去副封。上曰善。拜相給事中。○上深知民艱。勵精爲治。賞信罰必。凡二千石有治効。輒加秩。曰。刺史吏民之本。久乃服其化。不可數易。故漢世良吏。于斯爲盛。○王成僞增戶口八萬。賜爵侯。○上聞霍氏毒殺許后。乃收諸霍印。諸霍有逆謀。上族之。廢霍后。初霍光爲上驂乘。上憚光。若有芒刺在背。世傳霍氏之禍。釀于驂乘云。○徐福嘗請抑霍氏及族。凡告者皆封。或言曰。客有過主人者。見其竈直突。傍多薪。客言宜曲突徙薪。未幾火。鄰人救之。乃殺牛置酒以謝。人曰。向使聽客言。卽牛酒可省。今曲突徙薪無恩澤。焦頭爛額爲上客。上乃遷徐福爲郎。○〔渤海〕多盜。上命龔遂鎮之。遂曰。民困饑寒。故弄兵于潢池耳。治亂民。猶治亂繩。不可急也。乃單車至府。悉罷捕盜令。但以執田器爲良民。令民賣劍買牛。賣刀買犢。而盜悉解。○趙廣漢見事風生。無所迴避。嘗以私怨殺人。坐斬。吏民詣闕泣代。後百姓追思歌之。○上命蕭望之出守〔平原〕。望之曰。出諫官補郡守。恐朝無諍臣。是憂末而忘本也。乃徵還。○尹翁歸守〔扶風〕。今鳳翔。郡中吏民賢奸皆有籍。披籍取人。無不畏服。○馮奉世使西域。會〔莎車〕叛。遂徵諸國兵平之。後上欲封侯。蕭望之論其矯制。漸不可長。乃以爲大夫。○上欲伐匈奴。魏相曰。聞兵義者王。兵應者勝。兵忿者敗。兵貪者破。兵驕者滅。此兵不知何名也。○丙吉爲人深厚。自曾孫遭遇。絕口不

丙吉不道前  
恩望之子三  
輔賢豈容私  
謝

賢哉二大夫

黃霸治行天  
下第一

聖主得賢臣  
可將無踰老  
臣  
兵難遙度  
充國條陳便  
宜十二事  
充國振旅而  
還  
寬饒以直  
言死  
丙吉問牛喘  
時人以爲知  
大體

道前恩會宮婢自陳阿保之功因及吉上乃問吉吉終不言上大賢之封爲侯○蕭望之  
初補〔平原〕守徵還上欲詳觀其政乃復試之三輔扶風馮翊京兆號爲三輔○張安世子湯以父子封  
侯權位太盛乃辭嘗薦人來謝安世曰此公典豈容私謝耶○疏廣與子疏受傳太子至  
是父子乞歸上賜金七十斤公卿祖帳滿道路路觀者曰賢哉二大夫廣受日以所賜金  
置酒延客不爲子孫立業曰賢而多財損其志愚而多財益其過吾不欲以過益後也○  
黃霸守〔潁川〕治行天下第一時屬令許丞賢但病耳或告逐之曰許丞廉吏重聽何傷  
○上幸〔甘泉〕郊泰時聞〔益州〕有金馬碧雞之神遣王褒往求之褒乃作聖主得賢臣  
頌以諷略云人主勸子求賢逸子得人何必僮仰屈伸若彭祖陶嗚呼吸如喬松哉○〔先零〕諸羌叛上問誰可將趙充國年  
七十餘對曰無踰老臣上問當若何對曰兵難遙度願至〔金城〕今臨洮圖上方略充國至  
不輕與戰欲以威信招降〔罕开〕奏請屯田乃陳便宜十二以聞越明年諸羌皆降充國  
振旅還○上方煩刑法任宦官蓋寬饒曰陛下以刑餘古以宦者用刑爲周召法律爲詩書上怒  
下寬饒吏寬饒自芻闕下士民憐之○丙吉爲相尙寬大嘗出遇羣鬪不問及見牛喘問  
之吉曰民鬪惟〔京兆〕事方春未熱而牛喘此時氣失節也吾三公調陰陽職常問人以  
爲知大體○〔馮翊〕守韓延壽多惠政民有兄弟訟田曰吾爲守而令骨肉訟將誰咎乃

閉關思過

屠伯

東海賢智其

母黃高功名損

于治郡

楊惲廉潔無

私孫會宗遺書

戒楊惲

須富貴何時

五日京兆

漢家自有制

匈奴位在諸

侯王上

上思股肱之

美圖功臣子麒

麒麟閣唯霍

光不名

詔諸儒講五

經同異

中書政本之

閉關思過。訟者遂自悔。後延壽以侈棄市。百姓莫不流涕。○〔河南〕守嚴延年多酷。民號

曰屠伯。卒坐怨棄市。初延年母聞報囚。大驚曰。天道神明。人不可殺。吾不意當老見子被

刑也。遂歸。至是莫不賢智其母。○黃霸長于治民。及為相。功名損于治郡。初霸守〔潁川〕

以鳳集遷相。至是張敞舍鵲。鵲飛入霸府。欲奏為神鵲。後知從敞來。乃止。漢宣時風凡五

類。○楊惲廉潔無私。但好矜己能。發人隱。居家多治產。自娛。其友孫會宗遺書戒之。惲覆

曰。田家作苦。歲時伏臘。烹羊烹羔。斗酒自勞。酒後耳熱。仰天拊缶而呼烏烏。且歌曰。田彼

南山。荒蕪不治。種豆一頃。落而為箕。人生行樂耳。須富貴何時。會日食變。或譖惲驕奢。所

致。上斬之。○羣臣奏張敞為惲黨。時敞掾有事屬敞。掾曰。五日〔京兆〕耳。安能復按事。

敞聞竟致之死。敞亦坐此免。不數月。〔京兆〕枹鼓紛起。上復召敞而盜解。○太子勸上緩

刑用儒。上曰。漢家自有制度。本以伯王道雜之。奈何純用德教。委任俗儒乎。○匈奴入朝。

待以不臣之禮。位諸侯王上。○上以四夷賓伏。思股肱之美。乃繪功臣十一人于麒麟閣。

而列其姓名。獨霍光不名。但曰。大司馬大將軍〔博陵〕侯霍氏。○詔諸儒講五經。以梁邱

易名。大小夏侯尚書。大名勝。穀梁春秋。名淑。俱為博士。

孝元皇帝宣帝子名爽十六年有初史高以外戚領尚書事。石顯宏恭典樞機。蕭望之奏中

元皇帝宣帝子名爽十六年有初史高以外戚領尚書事。石顯宏恭典樞機。蕭望之奏中

地蓋望之請罷  
中書宦官  
賈捐之諫棄  
珠崖  
禹入聖域而  
不優  
廣德請從橋  
聖主不乘危  
轉石拔山

甘陳矯制立  
功  
王嬭下賜單  
于  
信臣治行第  
一  
召父

大臣有申伯  
之忠

書政本之地。不宜用宦官。顯恭因譖望之。召下廷尉。望之聞詔自殺。上驚曰。果然殺吾賢  
傅。○〔珠崖〕等郡今廣東。叛。上欲征之。賈捐之曰。堯舜聖之盛。禹入聖域而不優。三聖人地  
皆不過數千里。其不欲附聲教者不強也。○上往醑宗廟。欲御船。薛廣德請從橋。上不悅。  
張猛曰。船危橋安。聖主不乘危。上曰。曉人不當如是耶。乃從橋。○劉向字更生等多抗論。石  
顯嘗譖之。向懼危。乃上書。上不報。書略云。執狐疑之心者。來讒賊之口。持不斷之意。○石  
顯益擅權。與牢梁五鹿充宗爲黨。民歌曰。石耶牢耶。五鹿客耶。印何纍纍。綬若若耶。京房  
諷上曰。今天下治耶亂耶。上曰。亂。房曰。孰致之。上莫知。房曰。陛下所最幸而進退天下者  
是。上乃喻。然亦不能退顯也。未幾。房爲顯誣死。○甘延壽。陳湯。以誅西單于當封。匡衡論  
其矯制。劉向曰。不煩一兵。不費斗糧。以建大功。可無封乎。並封侯。○匈奴請爲堦。上以宮  
女王昭君賜之。○〔河南〕守召信臣治行第一。民號曰召父。○石顯懼諸言者。乃先設驗。  
嘗請于上。遇夜有建白。詔吏開門。上許之。後顯故夜入。言者果論其矯。詔開宮門。上笑以  
書示顯。顯泣曰。從來誣臣。事多類此。上益信顯。

孝成皇帝

元帝子。名驚。二十六年。有建始河。平陽朔。鴻嘉。永始。元延。綏和。七號。

谷永對策殿上。知王鳳擅權。鳳上母舅。爲丞相。陰欲自

託乃云。方今骨肉大臣。有申伯之忠。

周宣王舅。以喻王鳳。

上以策示鳳。遂擢永光祿大夫。○悉侯諸

劉向進洪範傳

趙張三王  
王莽折節恭  
倫  
何武去後見  
思

班生讜言  
借劍斬佞臣  
顯  
朱雲折檻  
輯檻旌直臣  
劉向請興禮  
樂

哀帝躬行節  
儉  
洪範所謂鼓  
妖  
下車拜謁  
鄭崇心如冰

舅王音王衡王立相繼為相。劉向憂王氏權盛，乃作洪範傳。中皆古今諷上。上心知向忠，但終不能奪王氏權。○王章耿直，雖為王鳳所舉，每摘鳳過，後為鳳誣死。○〔京兆〕尹趙廣漢、張敞、王章、王駿，皆有能名。民稱曰：前有趙張，後有三王。○〔新都〕侯王莽，王鳳從姪偽為謙恭，外交英俊，內事諸父。指五侯曲有禮意，虛譽用是滿世。○何武為〔京兆〕尹，所居無赫赫名，去後多見思。○上與張放等日飲禁中，時繪紂沉湎圖于屏，上問侍中。班伯對曰：紂為酒荒，天祿弗保也。上曰：幸聞班生讜言。○時多災異，皆謂王氏專權所致。張禹獨謂不然。朱雲請尚方劍，斬佞臣之頭。上問為誰，雲曰：〔安昌〕侯張禹。上怒，下雲獄。雲拔殿檻，檻折，大呼曰：臣得從龍逢比干遊足矣。未知聖朝如何耳。上釋雲，命無更檻。輯之以旌直臣。○得古磬十六枚，皆曰瑞，請定法。劉向曰：法所以殺也。于磬何取？請陳禮樂。○劉向極論王氏，上曰：君且休矣。吾將思之。上深嘉其忠，欲用為九卿，終為王氏所持，不得遷而卒。○上相王莽謙恭益著。

孝哀皇帝名欣，元帝庶孫，成帝無子，迎立之。六年有建平元壽二號。躬行節儉，政由己出，天下翕然望治焉。○以朱博為丞相，有大聲如鐘鳴，揚雄曰：此洪範所謂鼓妖也。○侍中董賢權倖人主，即丞相孔光，下車拜謁，不敢抗禮。鄭崇極諫，上曰：君門如市，又誰禁乎？對曰：臣門如市，臣心如冰，下崇獄。

死。

孝平皇帝名衍亦元帝庶孫哀帝無子迎立之五年號元始太后臨朝王莽秉政時越裳重譯獻白雉又有黃龍遊

致廣周白雉之瑞  
葬功德比周公

江中臣民盛稱莽功德如周公上加莽安漢公尋賜九錫○初梅福極論王氏不聽至是

吳市門卒

知莽必篡乃棄家遁後有見其易姓名為「吳市」今會稽門卒○王莽殺不附己者百餘人

逢萌掛冠

海內震焉逢萌曰三綱絕矣不去禍將及乃解冠掛東都門率家浮于海○王莽因臘日

作策禱于泰時藏策金滕

上椒酒毒上上疾莽作策禱于泰時願以身代而藏策金滕○初孟通浚井得白石上有

丹紋安漢公莽為皇帝七字羣臣奏莽攝帝位○上崩無子時宣帝元孫嬰莽利其幼迎

立之。

翟義舉兵討莽

孺子嬰名嬰宣帝元孫三年詔莽假皇帝「東郡」太守翟義會諸郡兵討莽莽仿周書作大誥諭天下

遣孫建等破義未幾廢孺子為安定公而即帝位改國號曰新義兵雖敗然新莽之際無此一舉大義不幾盡滅乎

復井田法

附王莽名莽字巨君十三年有初始天鳳地皇三號莽狹小漢制乃復井田法名天下田曰王田不得私相買賣

○莽欲伐匈奴嚴尤諫曰古來征匈奴者未有得上策也周得中策漢得下策秦無策焉

不聽○莽迎龔勝勝不食十四日死時清名之士紀遂等四人皆仕莽獨薛方謝曰堯舜

在上下有巢由小臣願守箕山之節莽從之○陳咸三子俱在位令解綬歸臥不出戶猶

龔勝死節薛方守箕山之節陳咸用漢家

祖臘  
我人豈知

王氏臘  
揚雄三世不

徒官  
揚雄太元法

揚雄  
言何如

揚雄  
揚雄投閣

劉秀  
劇秦美新

秀隆準  
日角

立劉氏  
以從人望

劉秀  
小怯大

勇  
風雷瓦屋皆

飛

復見漢官威

鄧禹杖策追

秀  
延攬英雄

用漢家祖臘曰我先人豈知王氏臘乎○唐尊太柴車籍藁飲食必瓦器民有犯刑者令

衣赭衣別之○揚雄三世不徒官成哀莽三世為大夫坐劉棻事下捕時雄校書天祿閣聞捕至從

閣投下幾死後莽因雄太元法言內盛稱莽功德又有劇秦美新之文乃免以雄之才而失節于莽君

子羞○劉秀字文叔與兄續起兵春陵今寧遠縣秀隆準日角絳衣大冠皆驚非常從者甚

衆初劉元亦景帝後起兵平林至是相合兵勢大振首攻潁川馮異率五縣來降樊崇起

兵莒朱其眉以別曰赤眉兵

淮陽王名元景帝子長沙王之後二年諸將議立漢後從人望初劉元在平林兵中號更始將軍時諸將

皆貪元懦弱畏續威明遂立元○漢兵圍宛岑彭死守數月乃下劉續高彭節義封以

侯○王莽大發兵逆漢劉秀獨戰數十合大敗莽兵諸將曰劉將軍見小敵怯見大敵勇

也會大雷風飛瓦雨下如注莽兵溺死數萬○漢兵入武關鄧曄開關以迎莽奔漸

臺追斬之○平林諸將以續兄弟威名日盛勸更始除之忽坐續以他事死秀識其

意乃不為續服笑語如常每獨處多泣○公孫述起兵成都隗囂起兵隴西卜者王

郎詐稱成帝子百姓信之立為天子○劉秀過洛陽民泣曰不圖今日復見漢官威儀

秀出鎮河北所過郡縣無不被澤鄧禹杖策追秀曰願公延攬英雄以悅民心天下不

任使諸將皆當其才

北道主人  
蕪蕪亭豆粥

冰堅可渡

對竈燎衣

南宮麥飯

劉秀披輿地

圖示禹

赤子慕慈母

大樹將軍

蕭王始貳于更始

蕭王推赤心置人腹中

寇恂文武備足

寇恂以河內

足定矣。秀悅。每任將。多決于禹。皆當其才。○更始日夜飲宴。膳夫皆授上爵。〔長安〕歌曰。竈下養中郎。將爛羊胃。騎都尉爛羊頭。關內侯。由是〔關中〕離心。○耿弇謁劉秀。秀攜弇至〔薊〕今順天。指弇曰。此我北道主人也。會〔薊中〕起兵。應王郎。秀急趨〔蕪蕪〕亭。馮異進豆粥。又前阻滹沱河。以冰堅得渡。渡畢。冰解。至〔南宮〕。會大風。避入空舍。馮異抱薪。鄧禹爇火。秀對竈燎衣。異進麥飯。乃馳〔信都〕。定計討王郎。斬之。得吏民黨逆書數千。秀不視。盡焚毀。曰。令反側子自安。秀披輿地圖。示禹曰。天下郡國。今始得其一。子言不足定。何也。曰。方今亂離。人思明君。如赤子慕慈母。在德厚薄。不以大小也。○劉秀令衆卒各屬所將。皆願屬大樹將軍。馮異謙下。恤士。秀嘗與諸將論功。異獨屏坐樹下。不言。故號。○更始心懼劉秀。乃立爲蕭王。徵詣行在。耿弇曰。更始必敗。毋令他姓得之。秀乃不就徵。始貳于更始。○劉秀攻銅馬賊。盡降。令諸降者各歸營。自按行部陳。降者更相語曰。蕭王推赤心置人腹中。安能不投死乎。〔關西〕號秀爲銅馬帝。○赤眉兵攻〔長安〕。劉秀遣鄧禹西襲〔關中〕。慮〔河內〕無守。禹曰。寇恂文武備足。乃拜恂太守。謂恂曰。高祖留蕭何守〔關中〕。吾今委公〔河內〕也。秀禹引兵各往。恂調糧供軍。未嘗乏絕。





# 古史輯要卷二

○東漢紀景帝子長沙定王之後都洛陽凡

光武恤賈復之孤

世祖光武皇帝景帝子長沙定王之後都洛陽凡三帝五世孫名秀三十號賈復與五校戰傷瘡甚上驚曰失吾名將聞其婦有

攀謂附鳳

孕生女我子娶之生子我女嫁之不令憂妻子也復尋愈○上北破諸賊諸將請上尊號不許耿純曰諸將從王者欲攀龍鱗附鳳翼以成其志耳今不正位號恐失人望上終未

符彊華進赤伏

決會彊華進赤伏符符曰劉秀發兵捕不道四夷雲集龍鬪野四七之際火為王自高祖至此二

行已在清濁之間

百二十八年乃即位于〔鄗〕後遷都〔洛陽〕○赤眉假立劉後為名乃奉劉盆子歸〔長安〕更始敗降封為長沙王尋被殺○〔宛〕人卓茂哀平間為〔密〕令行已在清濁之間多善政民有訴其亭長受賂茂曰律設大法禮順人情置不問後以王莽篡歸至是上

禮順人情

首訪茂擢太傅封以侯○鄧禹西入〔關中〕吏民望風附禹禹每駐節勞之由是禹名震

鄧禹名震關西

關西諸將欲徑攻〔長安〕禹曰赤眉鋒銳未可當也北地三郡土廣穀饒姑就養待其斃

隗囂名震西川馬援老當益壯

遂引兵北所至皆降○隗囂名震西川馬援往焉初援貧欲田于邊其兄曰汝大材當晚成良工不示人以樸也援曰丈夫窮當益堅老當益壯乃田邊郡治產萬餘曰財貴能賑

宋宏薦桓譚  
鼓琴悅其繁  
聲

寇恂賈復

兩虎安得私  
鬪

奮翼灑池

東隅桑榆  
待盆子以不  
死

徐宣鐵中錚  
錚

子陽井底蛙

恢廓大度同  
符高祖

高帝無可無  
不可

逐東豕

封子密爲不  
義侯

施也。不則守財虜耳。遂盡散而歸。囂○宋宏薦桓譚。上令譚鼓琴。悅其繁聲。譚見宏至。失其常度。宏免冠謝曰。譚以鄭聲悅上。皆臣薦之罪也。上謝宏。時〔湖陽〕公主寡。意欲妻宏。宏曰。貧賤之交不可忘。糟糠之妻不下堂。上謂主曰。事不諧矣。○賈復部將殺人於〔潁川〕。太守寇恂捕殺之。復怒。欲殺恂。時復過〔潁川〕。恂稱疾不見。左右以爲怯。恂曰。昔相如不畏秦王。而畏廉頗爲國也。上聞召恂。復至曰。天下未定。兩虎安得私鬪。今日朕分之。于是極歡去。○馮異大破赤眉兵。上勞之曰。始雖垂翅回谿。異初爲赤眉所敗終能奮翼灑池。可謂失之東隅。日出處收之桑榆。日沈景劉盆子奉帝璽以降。上待以不死。謂徐宣赤眉將曰。卿所謂鐵中錚錚。傭中佼佼者也。○隗囂使馬援往〔成都〕。觀公孫述。述素善援。援至。述盛備衛。乃延援入。歸語囂曰。子陽述字井底蛙耳。不如專意東方。漢指援奉書入〔洛陽〕。上相幘坐。迎援曰。臣遠來。何以知非奸人。而簡易若是。上笑曰。卿說客。非刺客也。援歸。謂上恢廓大度。同符高祖。囂曰。于高祖何如。援曰。不如也。高祖無可無不可。今上動如節度。且不喜飲。囂曰。如卿言。反復勝耶。○初〔漁陽〕守彭寵以助上兵。請封。朱浮曰。遼〔東〕有豕生子白頭。將獻之。道遇豕皆白。乃止。以子之功。〔遼東〕豕也。至是據〔漁陽〕反。寵蒼頭蒼頭漢奴名子密殺寵以降。上封爲不義侯。○時〔涿郡〕守張豐〔平原〕守富平俱反。耿弇討平之。○上

龐萌社稷臣  
班彪著王命論

天子明見萬里

功足相方

有志者事竟成  
煥然文物可觀

一丸泥東封函谷關

周黨不以禮屈

明王有不賓之士  
友人拒王良

子陵不可相助  
爲理士固有志  
客星犯御座

使龐萌討董憲。陰合焉。上曰：朕嘗謂萌社稷臣。諸君得毋笑其言乎。遂親往征之。○班彪著王命論。詳見古文。勸隗囂事漢。囂不聽。彪遂避地〔河西〕。時〔河西〕守寶融未有屬。囂使人說曰：更始垂成。復敗。此一姓不再興之徵也。當各據土宇。以圖鼎立。融以彪言。決策東向。適上有璽書至。諭融〔河西〕皆驚。以天子明見萬里外。○耿弇破張步于〔祝阿〕。悉平齊地。上往勞之。曰：昔韓信破〔歷下〕。今將軍攻〔祝阿〕。功足相方。而難過之。將軍前在〔南陽〕。建此大策。嘗以爲落落難合。有志者事竟成也。○詔起太學。上親詣之。而煥然文物可觀矣。○馮異治〔關中〕。或譖其百姓歸心。號〔咸陽〕。王異懼。上書謝。上曰：將軍于朕。義爲君臣。恩猶父子。何嫌何疑。而有懼心。○王元說隗囂曰：神龍失勢。與蚯蚓同。今〔天水〕完富。請以一丸泥。爲大王東封〔函谷〕關。此萬世一時也。圖王不成。其敝猶足霸。囂善之。○徵處士周黨。王良至。黨伏而不謁。范叔論其不敬。上曰：明王必有不賓之士。賜之金帛。歸。獨良仕至司徒。良爲官。布被瓦器。妻子不入官舍。一日謁友。友拒不見。良慚。遂歸。連徵不起。○上物色。畫人物顏色也。訪嚴光。字子陵。會稽人。三徵乃至。光臥邸不起。上卽其臥所。撫光腹曰：咄。子陵。不可相助爲理耶。光乃張目熟視曰：士固有志。何至相迫乎。上引光入。因共偃臥。光以足加上腹。明日太史奏客星犯御座。上笑曰：朕與故人嚴子陵共臥耳。光固謝去。釣

置兩子于度

外豆粥麥飯意

厚久未報

馮異不忘巾

車之恩

詔上疏不得

言聖

君象臣象

鄭興不為識

校尉督責三

公

師臣者帝

召父杜母

拔佩刀以斷

君賜

粟米為山谷

處在吾目中

富春山卒。○時羣寇皆平。獨公孫述隗囂未下。上積苦兵間。謂諸將曰。且當置此兩子于

度外。○馮異入朝。上曰。豆粥麥飯。厚意久未報。曰。願陛下無忘〔河北〕之難。臣不敢忘巾

車之恩。異在中車為漢兵獲上釋用之。上賜之金帛還。○執金吾朱浮曰。堯舜之盛。猶加三考。問者守宰

數易。何以責效乎。上然之。○日食。詔上疏不得言聖。二鄭興曰。頃年日食多在晦。皆月行

疾也。日君象。月臣象。君急亢則臣迫促。故月行疾而晦。食陛下宜思柔克之政。○詔田租

三十稅一。○上與鄭興議郊祀。欲斷以識。符書。興曰。臣不為識也。○江馮請以校尉督察三

公。陳元曰。師臣者帝。賓臣者霸。未聞公輔制于有司也。○〔南陽〕守杜詩多善政。民曰。前

有召父。後有杜母。○上欲征隗囂。郭憲曰。東方初定。車駕未可遠征。乃拔佩刀斷上鞞。上

問馬援。援聚米為山。指畫形勢。上曰。虜在吾目中矣。遂征囂。囂奔〔西城〕。尋命來歙討平

之上。馳〔卦〕。賜岑彭書曰。兩城若下。便南取〔蜀〕。地人苦不知足。既得〔隴〕。復望〔蜀〕也。

○〔穎川〕盜起。上曰。吾悔不聽子橫。郭憲字。之言。上歸。率寇恂往征。盜悉平。上還。百姓遮道

曰。願復借寇君一年。恂嘗守穎川。乃留恂。○祭遵御兵嚴肅。每取士皆用儒術。遵死。上歎曰。安

得憂國奉公如祭征虜者乎。○來歙破元安。公孫述大懼。使人刺殺歙。又使岑彭代之。述

使人詐降。刺殺彭。復令吳漢逼〔成都〕。八戰八克。述被刺死。遂平〔蜀〕。○初。述徵李業。誰

借寇一年

取士皆用儒術

祭遵憂國奉公

八戰八克

西土歸心

貴戚斂手避

二鮑

忠臣不私

鄧惲拒關不

納

光武保全功

臣

功臣悉令列

侯就第

吏事責三公

韓歆以直諫

死

河南南陽不

可問

首服如東海

公對

麥穗兩歧

張堪善政

文叔今乃能

如此

柔道治天下

元不至。並賜鳩死。徵王浩王嘉俱自殺。徵任永馮信皆托青盲謝。徵費貽漆身為癩以逃。上悉封其墓。獨貽存。徵為太守而西土歸心。○鮑永劾趙王良不敬。鮑恢鯁直。不避強禦。上曰：貴戚且斂手避二鮑。○任延為〔武威〕守。上戒以善事上官。延曰：忠臣不私。私臣不忠。上下雷同。非陛下福也。上善之。○上獵夜還。上東門守鄧惲拒關不納。乃從中東門入。明日上賜惲布百匹。而貶中東門守。○上欲全功臣。悉令列侯就第。不得預朝政。且上方以吏事責三公。故功臣並不用。○鄧禹居家淳備。有子十三人。使各守一藝。○韓歆好直言。每于上前。指天畫地以諫。上惡之。免歸。仍宣詔責之。歆自殺。以非其罪。百姓不厭。上為成禮葬。○詔檢覈官民豪猾。時諸郡各遣使奏事。上見〔陳留〕吏牘。上有書云：〔潁川〕〔宏農〕可問。〔河南〕〔南陽〕不可問。上詰吏。吏不以實對。時皇子東海公陽年十二。在幄後。曰：〔河南〕帝城多近臣。〔南陽〕帝鄉多近親故也。上示吏。吏首服如東海公對。上由是奇愛陽。乃廢郭后。立陽母陰氏。太子疆郭后子。自請備藩。許之。詔曰：春秋之義。立子以貴。陽母貴。宜承大統。胡氏曰：春秋開立長立賢。不問貴也。若云貴。即疆母不當為后乎。○〔漁陽〕守張堪多善政。民歌曰：桑無附枝。麥穗兩歧。張君為政。樂不可支。○上幸〔章陵〕。故里置酒。與諸母酣飲。衆曰：文叔向與人不款曲。惟直柔耳。今乃能如此。上笑曰：吾治天下。亦欲以柔道行之。○湖陽公主蒼

天子不與白衣同

董宣強項郭況金穴

馬援願死于

邊烈士當如是

反風滅火

虎北渡河

此長者之言

據鞍以示可用

矍鑠哉是翁

馬援戒子

刻鵠畫虎

明珠文犀

天下重器

頭殺人〔洛陽〕令董宣格殺之。不用械上怒。董宣曰：無筭請自死。遂觸楹流血。上令叩頭謝。主宣不可。左右強使頓。宣兩手據地，終不肯俯。主曰：文叔白衣時，尚藏亡匿死吏，不敢至門。今乃威不行一令乎？上笑曰：天子不與白衣同。因敕強項令出賜錢三十萬。○上數幸鴻臚郭況第，賜金甚多。京師號曰金穴。○拜馬援爲伏波將軍，征交趾。大破之。援與孟冀曰：男兒當死邊野，以馬革裹屍還葬耳。何能臥牀上？在兒女子手中耶？冀曰：諒烈士當如是。○上問劉昆曰：汝前令〔江陵〕反風滅火，後守〔宏農〕虎北渡河，果何德政？至是對曰：偶然耳。上笑曰：此長者之言也。○西域遣子入侍，上不許，乃閉關謝使。○馬武請伐匈奴。上曰：吾不事遠也。○〔武陵〕蠻入寇，馬援請征之。上意其老，援據鞍顧盼以示可用。上曰：矍鑠哉是翁。乃遣援。援欣語友曰：吾年迫懼不得死國，今獲願矣。援大獲蠻兵，病卒于軍。遺書戒子曰：汝曹聞人過失，如聞父母名耳。可得聞，口不可得言也。故效龍伯高，不得刻鵠不成，尙類鶩。若效杜季良，不得畫虎不成，恐類狗矣。時訟良浮薄者，以援書證。上增梁松坐與良游，幾得罪。松遂怨援。初，援在交趾，以薏苡能輕身勝瘴，載一車歸。至是譖以所載皆明珠文犀。上怒，援妻子不敢歸。援葬，乃萆葬城西。○上幸〔南頓〕，詔復田租一歲。〔頓〕人乞復十年。上曰：天下重器，常恐不任。日復一日，敢期十歲乎？○上作壽陵，詔曰：

邱隴同體

一見決聖

桓譚非聖無法

樂此不為疲

幸辟雍三老五更

圖畫二十八

將子雲臺

馬援不與雲

劉平以善政

被徵

減年從役

撞郎

封還詔書

賜郭賀以三公服

宋均去獻

佛教入中國

之始

為善最樂

班超立功西域

無為山陵陂池。使迭興之後。與邱隴同體。○第五倫領市事。公平廉介。每讀詔書。歎曰。此聖主也。一見決矣。○上東巡。羣臣請封禪。上曰。即位來。百姓怨氣滿腹。吾誰欺。欺天乎。何

事汚七十二代之編錄。後上讀會昌符云。赤劉之九。光武為高祖九世孫會命岱宗。泰山為岱之宗遂禪泰

山。宣布讖文于天下。桓譚言讖之非經。上怒。謂譚非聖無法。遂貶。○上每旦視朝。夜分乃

罷。太子曰。陛下有禹湯之明。而失黃老養性之福。上曰。吾自樂此。不為疲也。

顯宗孝明皇帝。光武少子。初名陽。更名。更代。行。借諸儒說經。冠帶環。橋門。觀聽者至億萬。○立馬援女為后。德冠後宮。好讀書。

衣大練裙不緣。○上圖畫中興功臣二十八將于雲臺。首鄧禹。獨馬援以椒房故不與。○

〔全椒〕令劉平多惠政。民戴之。或增貲就賦。減年從役。徵為議郎。○上怒藥崧。以杖撞之。

崧曰。天子穆穆。諸侯皇皇。未聞人君自起撞郎。乃赦。○上性偏察。羣臣多畏之。鍾離意獨

敢諫不避。每詔不便。輒封還。○〔荊州〕守郭賀有殊政。賜以三公服。敕行部。去舊帷。令百

姓見其容服。○〔九江〕多虎害。太守宋均曰。咎在貪吏。均盡退之。後無復患虎者。上擢均

尚書令。○天竺國有神。名曰佛。上使人求其書。而借沙門即今僧人來。為佛入中國之始。○上

問〔東平〕王蒼。處家何樂。曰。為善最樂。上嘉之。○班超使鄯善。其主初遇超甚謹。後忽懈。



耿恭拜井  
 揚水示虜  
 廉范守雲中  
 廉范縛炬退  
 虜  
 郎官上應列  
 宿  
 楊終請罷邊  
 兵  
 不以麟介易  
 衣裳  
 為政猶張琴  
 瑟  
 宜廣至德以  
 奉天心  
 馬廖勸成德  
 政  
 言戲有切事  
 實  
 廉范五袴  
 白虎觀議五  
 經同異  
 下車先問大  
 姓  
 何異指鹿為  
 馬

超曰：此必北虜有使至。超乃語其吏士三十人曰：不入虎穴，不得虎子。因夜入虜營，斬其使，鄩善皆驚，遣子入侍，而西域通。○耿恭守西域，匈奴絕其水道，士卒渴，笮馬汁飲，恭于城中拜祝穿井，揚水示虜，虜以為神，乃引去。○匈奴入「雲中」，太守廉范夜令兵士各縛兩炬，炬每三頭，焚火營中，星列，虜疑漢兵救至，驚還，追破之。○「館陶」公主為子求婚，上曰：郎官上應列宿，出宰百里，苟非其人，則民受殃，不許。

肅宗孝章皇帝建初元，明帝子，名烜，十三年有，楊終請罷邊兵，曰：孝元棄「珠崖」，元武絕西域，不以

麟介易我衣裳，上從之。○時吏治尚嚴，陳寵曰：為政猶張琴瑟，大弦急者小弦絕，陛下宜

廣至德以奉天心，上納之。○上欲封諸舅，馬太后引諸呂五王為戒，上乃止。○馬廖太后弟

勸上成德政，曰：移風易俗，必有其本，語云：吳王好劍客，百姓多創瘢，楚王好細腰，宮中多

餓死，城中好高結，鬢以，四方高一尺，城中好大袖，四方全匹帛，斯言如戲，有切事實，上納

之。○廉范遷「蜀郡」，守舊制，禁民夜作，以防火，范至，削其令，但嚴使儲水，民便之，歌曰：廉

叔度來何暮，不禁火，民安作，昔無襦，今五袴。○詔諸儒會白虎觀議五經同異，上親臨決

作白虎奏議。○周紆令「洛陽」，下車先問大姓，吏以豪強對，紆怒曰：本問貴戚如馬寶輩

豈知此賣菜傭乎？京師乃肅清。○竇憲后弟，奪公主田園，上責曰：何異指鹿為馬乎？久念令

久念令人驚

孤雛腐鼠

中牟三異

李邑毀班超

求忠臣必于

孝子之門

南陽朱季

毛義奉檄

賢者不可測

第五倫一夜

十往

白衣尙書

祠孔子于闕

里

大章一夔足

人驚怖。國家棄憲如孤雛腐鼠耳。憲乃稍抑。○魯恭爲〔中牟〕令。有三異。螽不入境。化及禽獸。童子有仁

心。○李邑密上疏毀班超。上知超忠。反責邑。後超令邑將烏孫入侍。或曰曾毀君。超曰。內

省不疚。人言何恤。○詔議貢舉。韋彪曰。求忠臣必于孝子之門。宜以孝行爲先。○〔臨淮〕

守朱暉。季多善政。民歌曰。強直自遂。〔南陽〕朱季。吏畏其威。民懷其惠。○張奉慕毛義名

往謁。適府檄召義守〔安陽〕。令義色喜。奉心賤之後。義母死。徵辟皆不起。奉歎曰。賢者固

不可測。往日之喜。爲親屈也。○人問第五倫有私乎。倫曰。有吾兄子病。一夜十往。退而安

寢。吾子病。雖不往。而竟夕不眠。○鄭均多節義。上幸其廬。賜尙書祿。時號白衣尙書。○上

幸〔闕里〕祠孔子。語孔僖曰。今日之祠榮乎。曰。屈萬乘以重道。主德之輝也。臣何私榮。上

笑曰。非聖後能爲是言乎。○班固請集諸儒議漢禮。上曰。議禮之家。名爲聚訟。筆不得下。

昔堯作大章曰。一夔足矣。

孝和皇帝章帝子名肇十七年。有永元元興二號。上即位方十歲。竇太后臨朝。○竇憲殺都鄉侯。太后使憲擊

匈奴贖罪。大破之。登〔燕然山〕。命中護軍班固刻石勒功還。○竇氏父子兄弟。充滿朝廷。

上知有逆謀。與中常侍鄭衆迫憲自殺。班固坐憲客下獄死。上策勛班賞。鄭衆辭多受少。

上賢之。而官官用權自此起。胡氏曰。年十四能除竇憲亦英主矣。惜任用官官。所謂前門拒虎。後戶進狼也。○封梁竦亦太三子

投筆封侯

願生入玉門

關平班君所言平

侯。梁氏日盛。○上每欲官鄧后子弟。后輒哀請遜避。故兄隲終上世。不過中郎將。○初班超書生時。投筆有封侯萬里外之志。後以征西域有功。封侯其地。至是以老乞歸。曰。臣不敢望〔酒泉〕郡。但願生入〔玉門〕關。上使任尙代超。超曰。水清無大魚。宜寬以撫之。尙曰。吾意班君有奇策。今所言平平耳。後尙竟失邊和。

孝安皇帝和帝子名隆。上即位時生纔百餘日。鄧太后臨朝。未幾上崩。迎〔清河〕王祐。立之。

孝安皇帝章帝孫名祐。十九年有永初元號。鄧隲薦楊震字伯起。〔荊州〕刺史。震廉介好學。人號

關西孔子  
楊震四知  
清白吏遺子

〔關西〕孔子。震嘗舉王密。密夜懷金謝震。震曰。故人知君。君不知故人何也。密曰。暮夜無知者。震曰。天知地知。子知我知。何謂無知。或勸震置產。震曰。使後世稱清白吏子孫。所遺

以隲翻爲朝  
盤根錯節別  
利器三科以寡

多矣。○〔朝歌〕賊連年莫平。鄧隲惡虞詡。令爲〔朝歌〕長。親友弔之。詡曰。不遇盤根錯節。孰別利器乎。詡至。設三科劫盜傷人。游惰三科。募壯士。貫其罪。使入賊中。誘之劫。伏兵誅之。又潛遣

士綵線縫裾  
宣言上書請

人以綵線縫賊裾。有入市。輒擒之。賊皆駭散。詡以功遷〔武都〕守。賊衆數千遮詡。詡宣言上書請兵。賊衆稍散。因日夜兼行。令吏士各增竈。詡曰。昔孫臏滅竈。以見弱。速其追也。今

兵薛包至孝  
咸翻增竈

吾增竈以示強。緩其追也。○〔汝南〕薛包少至孝。爲異母憎。逐之。包廬于外。旦入洒掃。上

廬外且入酒  
子音師表  
子國有顏子  
叔度汪汪千  
頃波  
城西夕陽亭

十九侯  
樊英進退無  
所據其實  
副名其實  
李固負笈從  
師固為世大  
備才異行如  
顏淵子奇  
孝廉聞一知  
幾  
尚書猶北斗  
表曲影斜  
憂在腹心之  
疾  
李固政為天  
下第一

聞徵為侍中不拜歸。○〔汝南〕今汝寧府守王龔好士。袁閔薦黃憲。憲不屈。初憲年十四。荀淑遇之。移日不能去。曰。吾師表也。已而謁閔。曰。子國有顏子寧識之乎。閔曰。見吾叔度字憲耶。陳蕃嘗曰。時日之間。不見黃生。鄙吝復生。郭泰太原人曰。叔度汪汪千頃波。澄之不清。滯之不濁。未可量也。○楊震為宦者江京等譖逐。至城西夕陽亭。曰。吾不能誅好邪。何面目見日月乎。遂飲鴆死。○上崩。閔太后臨朝。欲立幼專政。迎惠王子懿章帝孫。立之。未幾崩。宦者孫程等十九人迎立〔濟陰〕王保。而十九人皆侯。

孝順皇帝安帝子名保十九年有永建。上徵樊英。待以師禮。及應對無奇。張楷曰。天下有二道。出與處也。子恐進退無據矣。○上徵黃瓊。李固遺書迎之。曰。曉曉者易缺。皎皎者易污。

盛名之下。其實難副。願先生宏此遠謨。毋令人言處士盜虛聲也。瓊至。數上書。上皆採之。

○李固丞相。少好學。嘗易姓名。負笈遠遊。從師。為世大儒。每至公府。密入省親。不令友人知。為郃子。○左雄論。孝廉非四十不舉。若茂才異行。如顏淵子奇齊人年十八。自可不拘。

時舉廣陵今揚州府徐淑。年未四十。雄曰。顏淵聞一知十。孝廉知幾耶。無以對。乃罷。○〔洛陽〕

地坼。李固對策。略云。陛下有尚書。猶天之有北斗。北斗為天喉舌。尚書為君喉舌也。○表

郡者四肢也。臣所憂心。上覽對。以固為議郎。朝廷肅然。後出守〔泰山〕。政為天下第一。徵

腹之疾。非四肢之患也。

張綱埋輪

張綱恩信降賊

法真身難得見

二天

手劍當車

皇甫規舟楫之喻  
君舟民水

跋扈將軍

杜喬正色

荀氏八龍

將作大匠。○立梁氏為后。弟冀為大將軍。而梁氏日盛。梁氏一門七侯。三后。六貴人。三大將軍。尚公主三人。卿尹五十七人。

○遣杜喬等分行州郡。張綱獨埋車輪不行。曰：豺狼當道，安問狐狸！遂劾梁冀，奏雖不行。

京師肅然。冀恨綱，令守〔廣陵〕。以〔廣陵〕積賊難平，綱單車入賊壘，諭以恩義。賊泣曰：日

二千石不道，故相聚偷生。今聞明府言，乃更生辰也。遂降。○徵法真不至。人曰：真名可得

聞，身難得見也。○〔蘇州〕刺史蘇章有故人守〔清河〕，犯賊。章置酒與飲，故人曰：人皆一

天，我獨二天。章曰：今夕與故人飲，私恩也。明日刺史按事，公法也。遂正其罪。○太子出讀

上使种嵩侍之。時宦者單車迎太子，嵩手劍當車曰：無詔何知非奸也！宦者不敢對，還請

旨。太子乃得去。上益嘉嵩持重。

孝冲皇帝順帝子名炳。上年二歲，梁太后臨朝。時梁氏擅權，皇甫規對策及之。略云：君舟也，民水也。羣臣

乘舟者也。將軍兄弟梁楫者也。若其意弛將胥闕矣。上崩，太后迎〔渤海〕孝王子續立之。

孝質皇帝章帝元孫。上年八歲，生而聰睿。嘗目梁冀曰：此跋扈將軍也。冀懼，置毒於餅。弒上。

孝桓皇帝名志。章帝曾孫。封蠡吾侯。實帝崩，太后迎立之。二十一年有建和平元嘉永興永壽延熹永康七號。梁太后猶臨朝。自李固免，中

外喪氣，惟杜喬正色不撓。梁冀誣固喬與賊通，並下獄死。○荀淑泣事明治，稱為神君。有子八人，時號八龍。陳實與荀淑齊名，嘗詣淑。長子元方御車，次子季方參乘，孫長文尚幼。

五百里內有賢人衆難兄難弟

今日得御

崔實政論

昇平梁肉

宜寫一通置座側

穎川四長

慨然有澄清四海之志

陳蕃下榻

魏桓三不可為漢中主

劉寵一錢

華夏鮮見其

李郭仙舟

孟敏墮地不顧

抱車中至淑家。八龍迭侍左右。淑孫彧尚幼。抱膝上。太史奏德星見。五百里內。當有賢人聚。實嘗評其子曰。元方難為弟。季方難為兄。○李膺性簡亢。獨于荀淑宗師之。淑子爽嘗謁膺。為之御。喜曰。今日得御李君矣。○崔實作政論。諷上。略云。治國似治身。德教者昇平也。以刑罰治平。是以藥石供養也。仲長統見其書。歎曰。人主宜寫一通置座側。○韓詔為以德教除殘。是以梁肉治病也。嬴長賊衆聞其賢。相戒不入境。時荀淑鍾皓陳實皆為邑長。所在有賢聲。號為〔穎川〕四長。四公皆穎川人。○梁氏威權震世。天子拱手聽命。上不平。密與宦者單超等五人謀誅梁冀。而封超等侯。世號為五侯。○范滂少厲清節。黃瓊薦為清詔使。滂攬轡有澄清四海之志。守令賊汚者。皆望風解印去。○陳蕃尚書徵處士徐穉等五人。皆不至。蕃方峻不延客。獨穉來設一榻。去則懸之。又薦魏桓。桓曰。後宮千數。其可損乎。廐馬萬匹。其可減乎。左右權豪。其可去乎。蕃皆曰不可。桓遂謝不至。○上問袁延曰。朕何如主。對曰。為漢中主。可與為善。可與為非也。上曰。敬聞闕矣。拜延中郎將。○〔會稽〕守劉寵遷司空。〔山陰〕六七老叟。人齎百錢送之。寵為人選一大錢。以受。餘不取。○郭泰遊〔洛陽〕。符融一見嗟異。因介于李膺。河南膺曰。林宗泰華夏鮮其儔。後膺與泰同舟歸。衆賓望之。為神仙焉。○孟敏荷甕墮地。不顧而去。郭泰問之。敏曰。甕以破矣。顧之何益。泰奇其品。勸令遊學。遂知名當世。○仇

枳棘非鸞鳳所棲

避雨危坐

李膺破柱登龍門

劉寬蒲鞭示辱

南北黨人之議

宗資畫諾

成瑨坐嘯天下模楷

屣履到門

賈父所生

臯陶古之直

臣武申訟勳人

香爲〔蒲亭〕長。有母訟子不孝。香往諭之。其子輒化。王奐考城令語香曰。枳棘非鸞鳳所棲。

百里非大賢之路。乃捐俸資香入太學。郭泰謁曰。君泰之師也。○茅容嘗耕避雨樹下。衆

皆夷踞。容獨危坐。郭泰異之。曰。吾友也。○宦者張讓弟朔爲令犯賊。畏李膺。匿讓家。合柱

中。膺破柱殺朔。自是膺名益高。凡士被其容接。號爲登龍門。○劉寬多仁恕。歷典三郡。吏

民有過。但蒲鞭示辱而已。○初上受學周福。時擢尙書令。又〔河南〕尹房植有名當朝。謠

曰。天下規矩房伯武。植字因師獲印周仲進。福字二家賓客互相譏訕。由是〔甘陵〕福植俱有

南北部。而黨人之議起。○〔汝南〕守宗資以范滂爲功曹。〔南陽〕守成瑨以岑暉爲功曹。

皆委心聽任。謠曰。〔汝南〕太守范孟博。滂字〔南陽〕宗資主畫諾。〔南陽〕太守岑公孝。暉字

〔宏農〕成瑨但坐嘯。○郭泰賈彪遊太學有聲。嘗曰。天下楷模李元禮。李膺字不畏強禦。陳

仲舉。陳蕃字天下俊秀王叔茂。王暢字於是公卿貶議者皆屣履到門。○賈彪爲〔新息〕長。窮

民多不養子。彪加以殺人罪。數年間。養子千數。曰。賈父所生也。名子爲賈子。女爲賈女。○

張成善風角。觀四角之風知吉凶知當赦。教子殺人。李膺捕殺成。成通於宦官。誣膺等與太學生結

黨。譏上上怒。下膺等獄。獄吏請祭臯陶。范滂曰。臯陶古直臣。知滂無罪。將理之帝。如其有

罪。祭之何益。賈彪說竇武霍謂訟黨人冤。上使宦者王甫復訊。范滂等二百人。皆三木囊

願埋首陽山  
 側黨人歸田  
 范滂不謝餐  
 語叔向不見祁  
 奚原無黨  
 劉勝閉門掃  
 蟬自同寒  
 士大夫皆重  
 其道  
 三君一世所  
 宗俊順及廚  
 閉門伏牀而  
 泣  
 一縣不知所  
 爲  
 李杜齊名  
 郭泰不爲危  
 論

頭暴塔下。滂曰：身死之日，願埋首陽山側，使上不負皇天，下不愧夷齊也。甫愍之，爲請於上，悉放歸田。錮終身。○黨人皆天下名士，將軍皇甫規恥不得與，乃自陳亦黨列。朝廷竟不問。○范滂往候霍諤而不謝，或讓滂。滂曰：叔向不見祁奚，吾何謝焉。昔范宣子囚叔向以祁奚言免。○詔鉤黨郡縣多所舉，獨史弼平原一無及。曰：承旨誣陷善良，所不能也。○杜密、劉勝並仕歸，密每於守令多陳說，勝閉門掃軌不一謁。密曰：知善不薦，聞惡勿言，自同寒蟬而已。若達賢糾惡，以助明府萬一密志也。衆乃服密。

孝靈皇帝名宏，章帝元孫，桓帝無子，靈太后迎立之。寶武陳蕃領尙書事，李膺、杜密等亦復

用。時宦官曹節等共媚太后，武蕃欲誅之，而節等反矯詔殺武蕃。初膺等雖廢錮，士大夫皆重之，更相標榜。當時有三君：寶武陳蕃、劉淑、三八俊。李膺、杜密等八人，爲一世之俊。八顧。顧顧引八及。張儉、舉、陞等八人，能使人追及。八廚。王章等八人，能使人財救。人之號。及武蕃被戮，宦官復奏鉤黨。李膺自詣獄死。吳道受詔捕范滂，閉門伏牀而泣。一縣不知所爲。滂聞曰：必爲我也。遂詣獄。縣令郭揖欲解印與滂俱走。滂曰：滂死則禍塞，何敢累君。併及老母乎。母曰：汝與李杜齊名，死亦何恨。滂跪謝母訖。顧語子曰：欲使汝爲惡，惡不可爲；使汝爲善，我非爲惡。聞者皆涕。黨人死至百餘。郭泰歎曰：人之云亡，邦國殄瘁。漢室滅矣，但不知烏止誰之屋耳。泰不爲危



張儉望門投  
止明廷戴半去

孔褒一門爭  
死夏穰變姓名  
入山

獨蟠超然評  
論外

胡廣中庸  
初開西邸  
驄馬御史

趙苞不顧私  
恩

虞舜比德唐  
真楊震子孫

橋元異曹操  
月且評  
治世能臣  
世奸雄

論故處濁世禍不及。○張儉望門投止。莫不破家相容。時匿李篤家。上令毛欽捕之。欽曰：足下何專取仁義。篤曰：今欲分之。明廷戴半去矣。欽亦不捕而去。後儉亡魯。投孔褒。不遇。褒弟融匿之。事泄。儉復亡。上捕褒。融入獄。融曰：匿儉實融。褒曰：儉實求我。其母曰：罪當坐妾。一門爭死。詔獨坐褒。夏馥聞之曰：一人逃死。禍及萬家。何以生為。乃變姓名入林慮山。卒。○初范滂等非毀朝政。申屠蟠曰：昔處士橫議。卒致坑儒之禍。今之謂矣。乃絕迹。〔梁〕

〔碭〕間。後滂等罹禍。獨蟠超然評論外。○胡廣周流四公。歷事六朝。京師諺曰：萬事不理。問伯始。始字廣。天下中庸。有胡公。多遜言取媚。天下薄之。○上每歎桓帝不能作家。乃開西邸。賣官以為私藏。○桓典常乘驄馬。宦官畏之。語曰：行行且止。避驄馬御史。○趙苞守〔遼西〕。鮮卑入寇。劫苞母為質。苞泣語母曰：義不得顧私恩。母曰：毋以我故虧忠義。苞遂戰。而母被害。苞歸葬。訖曰：食祿避難非忠。殺母全義非孝。遂泣死。○上曰：朕于桓帝何如。楊奇曰：猶虞舜比德唐堯。上不悅曰：卿真楊震子孫。死後必復致大鳥矣。震死有大鳥集柩前。葬畢乃去。○張角以妖術聚衆十萬。皆裹黃巾。號黃巾賊。京師震動。上遣兵討之。不勝。會騎都尉曹操將兵合戰。破之。橋元見操異曰：君異世才也。然未有名。可交許劭。劭好覈論人物。每月輒更其題品。故〔汝南〕有月旦評。操往問劭。劭曰：子治世之能臣。亂世之奸雄。操大喜。○崔

以崔烈爲大司徒  
人嫌銅臭  
無爲陳君短

董卓徵天下名士  
荀爽三日周歷三台

劉備有大志  
公孫瓚以劉備爲平原相

寧歆優劣  
不使王彥方知  
遺布勸爲善  
荀彧善子房  
王允使呂布誅董卓  
伯喈曠世逸才

將軍之關中  
河內

烈入錢五百萬拜司徒。其子曰：恐人嫌其銅臭。○初陳實爲〔太邱〕長，平心率物，民曰：寧爲刑罰加，無爲陳君短。至是死，海內赴弔三萬餘人。○何進欲誅宦官，反爲張讓矯詔以殺袁紹，乃勒兵悉斬宦者。○上崩，初立子辯，董卓以〔陳留〕王協賢，廢辯立之。

孝獻皇帝靈帝少子，名協，三十一歲，初平元年董卓徵天下名士，拜荀爽司空。三日之間，周歷三台。蔡

邕初爲議郎，亡命江海，至是卓復強之起，獨申屠蟠不就。○關東諸郡起兵誅董卓，袁紹

屯〔河內〕，曹操屯〔酸棗〕，袁術屯〔魯陽〕，卓畏兵盛，劫上遷都〔長安〕避之。○〔涿郡〕劉

備有大志，往見公孫瓚，瓚拜〔平原〕相，備少善〔河東〕關羽，〔涿郡〕張飛俱部下，周旋寢

食不離，〔常山〕趙雲亦往從備。○管寧與華歆友，共鋤地見金，寧揮鋤不顧，歆捉而擲之。

人以是知其優劣。○王烈善論人，有盜牛者，主獲之，盜曰：刑罰是甘，乞不使王彥方知也。

烈字彥方，烈聞之，遺布一端，勸其爲善。後盜牛者路遇遺劍，守之以還。○荀彧往從曹操，操大

悅曰：吾子房也。○王允密使中郎呂布刺殺董卓，百姓歌舞于道，蔡邕坐卓黨，下獄，馬日

磾曰：伯喈字曠世逸才，請別足令續漢史，允不可，竟致死。○劉備領〔徐州〕牧，曹操欲取

〔徐州〕，荀彧曰：高祖守〔關中〕，光武據〔河內〕，今〔兗州〕天下要地，將軍之〔關中〕〔河

內〕也，操從之。○孫策堅子與〔舒〕人今舒城縣周瑜善，時年皆十餘歲，策引兵渡江，所向皆破。

孫策威震江東

養鷹天下英雄惟使君與操惟方食失七箸

關羽報效曹公

髀裏肉生劉備見諸葛亮子隆中伏龍鳳雛三謁乃見荆州用武之地所以資將猶魚有水

孔明臥龍

濟大事以人

威震〔江東〕○呂布攻〔徐州〕劉備走曹操操令領〔豫州〕牧呂布使人求〔徐州〕牧于

操操曰養將如養鷹饑爲用飽則颺去布不悅未幾操攻殺布○曹操語劉備曰今天下

英雄惟使君與操耳備聞大驚方食失箸恐操畏己會雷震備曰迅雷必變良有以也○

劉備復據〔徐州〕曹操攻備擒其妻子及關羽備奔袁紹紹遣顏良攻操操令羽擊之立

斬良于萬衆中初操待羽甚厚羽以此報之乃奔備左右欲追操曰各爲其主勿追也○

曹操攻袁紹滅之因攻劉備備奔劉表荆州刺史備嘗流涕歎曰平常身不離鞍髀肉皆消今

髀裏肉生功業不建老將至矣○諸葛亮字孔明居〔隆中〕今鄧州劉備訪士于司馬徽徽曰

此間有伏龍鳳雛備三謁亮乃見曰曹操擁百萬衆挾天子令諸侯難與爭鋒孫權策弟

立據〔江東〕國險民附可爲援而不可圖今〔荊州〕地形四塞用武之國〔益州〕沃野千

里天府之地而其主皆不能守此天所以資將軍也將軍若跨有〔荊〕〔益〕修政觀變伯

可圖矣備曰善遇亮甚厚關羽張飛不悅備曰孤有孔明猶魚之有水也羽飛乃止○龐

德公嘗曰孔明爲臥龍龐統字士元龐公姪爲鳳雛司馬德操徽字爲冰鑑○曹操攻劉琮劉表降或

勸劉備攻琮〔荊州〕可得備念表嘗托孤不忍備過〔襄陽〕歸者萬餘或勸速行保〔江

陵〕備曰濟大事者人爲本今歸吾何忍棄去○初劉琦劉表長子爲異母所憎不自安數謀

升樓去梯

據水斷橋

共圖大業以  
此方寸地  
諸葛說孫權  
英雄無用武  
之地  
強弩之末不  
能穿魯縞  
孫權拔刀斫  
案  
孫劉大破曹  
兵于赤壁功  
曹操自陳功  
伐  
築精舍爲二  
十年規  
漢將軍曹侯  
之墓  
蛟龍得雲雨  
智謀士所見  
略同  
曹使蔣幹  
說周瑜  
周瑜高致

於諸葛亮不對。乃引亮升樓去梯。謀之。亮曰：不見重耳居外而安乎？琦遂請外守〔江夏〕而立琮。○曹操恐劉備據〔江陵〕，乃將精兵追備于〔長坂〕，備棄妻子走。張飛據水斷橋，瞋目橫戈，操兵乃返。趙雲抱備子至〔夏口〕會備。○徐庶母爲曹操所獲，庶指其心曰：欲與將軍圖大業，此方寸地也。今方寸亂矣，遂別備詣操。○曹操進軍〔江陵〕，孔明往說孫權曰：劉豫州逃遁至此，英雄無用武之地。今操遠來，兵必疲，所謂強弩之末，不能穿魯縞也。將軍誠與豫州協力，破曹必矣。時操遣權書，言以八十萬衆，會獵於吳，吳衆失色，議迎操。獨周瑜決策拒之，權拔佩刀斫案曰：敢言迎者與此案同。遂合備兵，用黃蓋計。先誘操詐降，近操舟，縱火燒死大半。拒操於〔赤壁〕，大破之。操遁還。○曹操下令曰：孤始于〔謙〕築精舍爲二十年規，欲待天下清耳。及徵校尉，數興義兵，以平天下，使孤死，題墓道曰：漢故征西將軍曹侯之墓云。設國家無孤，不知幾人稱帝，幾人稱王矣。然封孤四縣，願還三縣以滅孤，責可也。○劉備求〔荊州〕於孫權，許之。且以妹娶備。周瑜曰：恐蛟龍得雲雨，終非池中物也。權不聽。備歎曰：智謀之士，所見略同。孔明諫孤莫行，亦慮及此。○曹操使蔣幹說周瑜，瑜曰：大丈夫處世，遇知己之主，假使蘇張更生，能移其意乎？幹但笑無所言。還白操曰：瑜高致，非言詞能間也。○周瑜臨終語孫權曰：今曹操在北，而劉備寄寓，有似養虎。天下終始

周瑜薦魯肅  
自代  
飲醇醪不覺  
自醉  
讀書大有所  
益  
非復吳下阿  
蒙  
別三日刮目  
相待  
士元非百里  
才  
親禮亞子孔  
明  
法正說劉備  
取益州  
君子愛人以  
德  
生子當如孫  
仲謀  
孔明以嚴治  
蜀  
諸葛亮言為  
治之要  
蔣琬社稷器  
為政以安民  
為本  
劉備不許孫  
權取益州  
披髮入山

尙未卜魯肅忠烈可以代瑜。初程普侮瑜，瑜不校。普曰：「與公瑾瑜字瑾交，若飲醇醪，不覺自醉。」○孫權謂呂蒙曰：「孤嘗讀書，大有所益，卿可不學乎？」蒙乃就學。後魯肅見蒙，驚曰：「非復吳下阿蒙矣。」蒙曰：「士別三日，即當刮目相待。」○龐統守「耒陽」不治。魯肅曰：「士元非百里才，使處別駕，始展驥足耳。」劉備乃拜統治中，親禮亞子孔明。○「益州」牧劉璋遣法正結劉備，正陰說備取「益州」。備不可。龐統曰：「逆取順守，古人所貴。備自將數萬人入「益州」，嚴太顏守歎曰：「所謂獨坐窮山，放虎自衛也。」備圍「成都」，璋出降。遂有「益州」。○董昭請曹操加九錫封魏公。荀彧曰：「君子愛人以德，遂飲藥死。」或此一死，蓋逆之愆矣。○曹操進軍「濡須口」，今巢見孫權軍伍整肅，歎曰：「生子當如孫仲謀。」權字若景升劉表兒子豚犬耳。乃還。○諸葛亮治「蜀」頗嚴。法正引約法三章為辭。亮曰：「君知其一，未知其二。秦政苛民怨，故利用寬耳。」劉璋關弱，蜀人專恣，今威之以法，法行則知恩，限之以爵，爵加則知榮也。○蔣琬長「廣都」不治。備怒。孔明曰：「琬社稷器，其為政安民為本，不事修飾。」○曹操收伏后，璽令華歆壞戶發壁，牽后出。上時在殿，后披髮泣於上。上曰：「我亦不知命在何時，遂下后幽室死。」二子皆鳩殺。○荀攸嘗與曹操密謀帷幄。操曰：「文若字之進善，不進不休。公達攸字之去惡，不去不止。」○初孫權欲取「蜀」。劉備曰：「吾宗室也。若取，吾當披髮入山矣。」及備取「蜀」，權

劉備人傑  
孔明明於治  
關張勇冠三  
軍中益州咽  
喉孔明能盡時  
人器用

子龍一身都  
是膽威震華  
夏關羽威震華  
呂蒙襲關羽  
白衣搖櫓作  
關羽失荆州  
孫權論周瑜  
輩得失  
公瑾觀焉寫  
一見便及帝  
王大略  
一短二長  
孫權稱臣于  
操  
王操換為周文

怒令還〔荊州〕會曹操攻〔漢中〕備懼割〔荊州〕之半以和權○曹操攻張魯漢中破之  
自進爵為王劉曄曰劉備人傑也得〔蜀〕尚淺其民未附可乘勝擊之少緩孔明明於治  
國關張勇冠三軍不可犯矣操不從○劉備攻〔漢中〕不利乃徵兵〔益州〕孔明謀之楊  
洪洪曰〔漢中〕〔益〕之咽喉今曹操破之此家門禍也發兵何疑孔明表洪為〔蜀郡〕守  
李嚴薦楊洪未幾表為守史故曰孔明能盡時人之器用○曹操將兵臨〔漢中〕趙雲帶數十騎出營視之操兵大出  
雲且戰且卻入營更大開門操疑有伏引去雲以勁弩追射之操兵大敗明日劉備至營  
視曰子龍雲字一身都是膽備遂有〔漢中〕稱漢中王○關羽攻〔樊城〕今襄陽府拔之威震華  
夏曹操欲遷都避羽司馬懿請操割江南和孫權說之襲羽權令呂蒙定計蒙乃詐病羽使  
不使陸遜代將羽素輕遜故使羽益不自備蒙陰發兵使白衣搖櫓作商賈狀晝夜兼行馬忠獲  
羽〔章鄉〕斬之遂失〔荊州〕呂蒙亦疾發死○孫權語陸遜曰公瑾拓〔荊州〕邈焉寡儔  
子明呂蒙字籌略次於公瑾取羽勝于子敬魯肅字敬一見便及帝王大略一快也赤壁之  
役勸孤召公瑾定計二快也後勸孤借〔荊州〕與備是其一短然不足損二長○孫權上  
書曹操稱臣言天命屬魏權欲魏滅漢以便己耳羣臣皆勸操正大位操曰若天命在吾吾為周文  
王矣○曹操薨太子丕即位未幾廢上為〔山陽〕公而卽帝位追操曰武皇帝

○後漢紀景帝子中山靖王後都蜀今四川成都自曹丕篡漢遂正號後漢共二君得年四十有三諸史並以正統予魏以列國待漢獨綱目以昭烈紹漢遺統庶幾春

秋之義云

附魏曹姓漢相曹參後都許今許州共五君丕叡芳髦瑣得年四十有六

附吳孫姓漢將孫堅後都建業今南京共四君權亮休皓得年五十有九

昭烈皇帝名備字元德上聞獻帝遇害乃發喪制服即帝位武擔山名之南諸葛亮為丞相○

上恥關羽之沒令張飛將兵擊孫權會其帳下張達等殺飛按羽善待卒而驕士大夫飛知禮士而不恤軍人均以短

致敗惜夫○上自將兵伐吳相拒數月為陸遜所敗遁還亮歎曰孝直法正若在必能制主上

東行○初上伐吳連營七百餘里魏主聞曰備不曉兵豈連營可七百里乎孫權上事今

至矣後七日吳破漢書到○魏主丕拜孫權為吳王權使趙咨入謝丕曰吳王何等主曰

聰明仁智雄略之主也納魯肅于凡品聰也拔呂蒙于行陣明也獲于禁不殺仁也取

【荆州】不血刃智也據三州虎視天下雄也屈身陛下略也曰吳王學乎曰吳王志存經

略不效書生尋章摘句也曰吳如大夫幾人曰聰明特達八九十人若臣車載斗量不可

勝數○魏主丕問伐吳蜀何先賈詡曰劉備有雄才孔明善治國孫權識虛實陸遜見兵

勢皆難卒謀也○上病篤語孔明曰君才十倍曹丕若嗣子可輔輔之如不才君可自取

帝自將伐吳  
法孝直制主  
上東行

吳王聰明仁  
智雄略

吳王志存經  
略

帝王之學與  
書生異

車載斗量  
吳蜀何先

劉備有雄才  
陸遜見兵勢

諸葛亮受顧命才十倍曹丕孔明自校簿書治有體道鄧芝修好子吳諸葛亮一時豪杰封侯家人不知公言必有中用兵攻心爲七縱七擒南人不復反長江限南北孔明不用魏延危計亮軍攻祁山馬謖違亮節制馬謖街亭之敗馬謖言過其實王業不偏安

孔明泣曰。臣敢不竭股肱之力。效忠貞繼之以死。上敕太子曰。勿以惡小爲之。勿以善小不爲。汝父德薄。不足效也。汝于丞相。當事如父。乃崩。○孔明自校簿書。楊顛諫曰。爲治有體。丙吉問牛喘。陳平謝錢穀。誠達于體也。今自校簿書。不亦勞乎。後顛卒。孔明垂涕三日。○遣鄧芝修好于吳曰。大王命世之英。孔明亦一時豪傑。蜀有重險。吳有三江。進可混一。退可鼎立矣。吳遂絕魏合漢。亦卽帝位。

後皇帝

名禪。昭烈子。四十年。有建興。延熙。景耀。炎興。四號。

吳丞相顧雍。寡言笑。嘗封侯還。而家人不知。吳王權曰。顧

公不言。言必有中。○雍闔反。孔明率兵往討。馬謖送之曰。攻心爲上。攻城爲下。願公服其心也。孔明斬雍闔。生擒孟獲。闔不服。縱使復戰。七縱七擒。獲曰。公天威也。南人不復反矣。○魏主伐吳。臨江見波濤洶湧。歎曰。天所以限南北也。乃還。○魏主丕。子叡立。初丕叡出獵。見子母鹿。丕射其母。命叡射子。叡泣曰。旣殺其母。何忍更殺其子。丕惻然。丕嘗殺叡母也。○孔明上出師表。詳見古文。伐魏。魏延請假兵從秦嶺而東。子午而北。直抵長安。則咸陽一舉定矣。孔明以爲危計不用。乃自率兵攻祁山。馬謖與魏張郃戰于街亭。違孔明節制。大敗。向昭烈謂孔明曰。馬謖言過其實。不可大用。至是敗。孔明揮淚斬之。撫其孤。○孔明又上出師表。略云。先帝以漢賊不兩立。王業不偏安。故託臣討賊。臣鞠躬盡力。死而後已。至成敗利鈍。非臣之所能逆睹也。伐魏。圍陳倉。



四聰八達三豫  
公瑛當與吾  
共贊王業  
畏蜀如虎

正方腹中有  
鱗甲  
不圖復有蘇

張之事  
木牛流馬

諸葛亮屯田

遺巾幗婦人

之服  
孔明不食前

言死諸葛走生

仲達  
孔明八陣圖

天下奇才

聞諸葛亮卒

平致死其故

何歎  
王昶戒子  
顧名思義  
詳如畫地作

以糧盡還。○魏諸葛誕等結黨相推，有四聰八達三豫之號。董昭上疏論之。○蔣琬為長史，每足食給餉。孔明曰：公瑛瑛字託志忠雅，當與吾共贊王業。○孔明伐魏，圍祁山司馬懿斂軍不敢戰。賈詡曰：公畏蜀如虎，奈天下笑何？乃出戰，大敗。孔明亦以糧盡還。○李平以督糧多錯，削爵徙梓潼。孔明曰：人言正平方腹中有鱗甲，不圖復有蘇張之事。○孔明作木牛流馬，運糧斜谷口。大舉伐魏，分兵屯田五丈原。今扶風縣雜渭濱居民，民安堵如故。孔明數挑戰，司馬懿不出。孔明遣以巾幗婦人激懿，懿怒終不敢戰。時孔明使至，懿問孔明寢食，使曰：丞相夙興夜寐，噉食不至數升。懿喜曰：亮食少事煩，其能久乎？孔明卒軍中。朱氏曰：鞠躬至死，楊儀振旅還，懿追之。姜維反，旗鳴鼓，若將向懿，懿斂軍退。諺曰：死諸葛走生仲達。懿字後懿按行孔明營壘，觀八陣圖，歎曰：天下奇才也。○初孔明廢廖立為民，聞其卒，立泣曰：吾終左衽矣。李平亦孔明所廢，聞之病發死。習氏曰：蓋明而醜者忘也。○魏刺史王昶多謹厚，名。兄子曰沉，曰默。己子曰深，曰渾。嘗遺書戒之，欲汝曹顧名思義也。書云：物速成則疾亡，晚就則善終。朝華之草，夕而零落；松柏之茂，隆寒不衰。是以君子戒矜也。○人或毀己，當退而自求。若己有可毀，則彼言當矣。己無可毀，則彼言妄矣。當則何怨于彼，妄則何害于我。○魏主曰：取士以名，如得畫餅不可啖也。虞毓曰：名不足致寒，莫如重裘。止謗莫如自修。○魏主曰：取士以名，如得畫餅不可啖也。虞毓曰：名不足致異人，而可得常士。○蔣琬為丞相，無喜色，舉止一如平日。衆望大服。○魏主叡殂，子芳立。

董允秉心公

亮尤以嚴見

六經聖人糟

粕

善易者不言

易

呂岱戒諸葛

恪十思

竹林七賢

士大夫以為

賢

鍾會聞所聞

而來

鄧艾以遺自

曹問請衆建藩臣。諺曰：百足之蟲，至死不僵，以扶之者衆也。芳不從。○董允秉心公亮，上甚憚之。宦官黃皓畏允，故終允之世，不敢爲非。○魏何晏好黃老，謂六經聖人糟粕，嘗與管輅論易。輅曰：善易者不言易。晏歎曰：可謂要言不煩。又嘗爲名士品目，自命一時才傑。○吳主權殂，子亮立。亮令黃門取蜜，黃門與藏蜜吏隙，陰置鼠糞蜜中。亮取糞剖之，中燥。曰：此必黃門所爲。久則中溼矣。左右驚服。○吳太傅諸葛恪以輕肆見殺。初，呂岱戒曰：每事必十思。恪曰：季文子三思，仲尼非之。君命恪十思，明恪之劣也。○魏將軍司馬師懿廢魏主芳，迎〔高貴鄉〕公髦立之。○魏封司馬昭師弟，師死代之爲晉公。如九錫。魏主忿昭威權，乃討昭。昭黨賈充等刺髦，迎〔常道鄉〕公璜立之。初，魏地龍見，井髦曰：龍君德也，不在天而在井，非祥兆，果應。○吳孫琳廢吳主亮，迎〔瑯琊〕王休立之。○姜維數伐魏，〔蜀〕人苦兵。譙周作仇國論諷之。○魏嵇康、阮籍、阮咸、山濤、向秀、王戎、劉伶等友善，號竹林七賢。日飲酒爲樂。士大夫以爲賢，爭效之。○鍾會謁嵇康，康不爲禮。會將去，康曰：何所聞而來？何所見而去？會曰：聞所聞而來，見所見而去。○劉伶每乘鹿車，攜酒出遊，使人荷鍤隨之，曰：死便埋我。○阮籍與人奕，會母死，對者令止，籍不爲意。居喪飲酒，無異平日。○魏使鄧艾等攻蜀，間行至陰平，甚險。艾以氈裹身滾下，將士扳木緣崖而進，直至〔綿竹〕，斬諸葛瞻。

上請降。上子譙怒曰：常背城一戰，死社稷，以見先帝也。上不聽。譙哭於昭烈廟，自殺。日尹氏譙有烈丈夫風，後帝可謂上愧父，下愧子矣。○吳主殂，姪皓立。

晉紀司馬姓魏將懿後中朝都洛陽遷長安東晉都建康今應天共十有五君得年百五十有五滅魏十六年始平吳為一統。

青麻代青絲

世祖武皇帝名炎司馬昭子二十五歲司馬昭殂，子炎受魏主禪，即帝位。○御牛青絲鞞斷，詔以青麻代之。戒魏奢侈故矯以儉也○吳主遷都〔武昌〕，今武昌府民謠曰：寧飲〔建業〕水，不食〔武

晉徵李密不

至李密顧影無

儻羊祜務恩懷

吳輕裘緩帶

陸抗論時政

豈有敵人羊

叔子

長江一葦可

航木柁蔽江

山公啟事

昌〕魚寧還〔建業〕死不止〔武昌〕居乃還都〔建業〕○上徵李密，密以祖母老不就。嘗曰：密顧影無儻也。○上欲滅吳，令羊祜督〔襄陽〕軍，祜務恩懷。吳人在軍，嘗輕裘緩帶，侍衛不過十數人。○吳以陸抗督〔荊州〕軍，抗曰：德均則衆勝寡，力侔則安制危。備陳時宜十七條，吳主不納。○羊祜陸抗對境相拒，使命常通，抗疾求藥于祜，祜以成藥與之。抗即服不疑，或諫抗抗曰：豈有仇人羊叔子字祜哉！每交兵，刻日方戰，不為掩襲之計。○上欲納衛瓘女為太子妃，羣臣欲納賈氏，上曰：衛氏有五可種賢而多子，美而長白，賈氏有五不可種妒而少子，陋而短黑，後竟納賈氏。○賀邵諫吳主曰：長江之限，一葦可航也。時羊祜陰令王濬益州刺史治水軍，大作舟艦，木柁蔽江而下。吾彥取柁，白吳主曰：晉必有攻吳之計，王不聽。○山濤為吏部，每甄拔人物，各為一題目奏之。時稱山公啟事。○吳人多言瑞，章

家人篋中物。三微七辟不。就門人廢藝。羊祜陳伐吳。岷山建碑立。臺閣風生。欲言而止者。三座可憐。外寧內憂。釋吳以爲外。鐵鎖橫江。北軍飛渡。破竹迎刃而解。願負名賢知。願。劉毅方帝桓。

渾濬爭功

昭曰。此家人篋中物耳。○王哀痛父死非命。父儀爲司馬昭殺。○隱居教授。三微七辟皆不就。嘗讀哀哀父母。生我劬勞。輒三復流涕。門人爲之廢蓼莪。○羊祜面陳伐吳之計。上善之。未舉而祜卒。南州士民。哭聲相接。祜嘗遊岷山〔襄陽〕。人立廟建碑其地。見者皆涕。因名墮淚碑。○傅元每奏劾。或值日暮。捧簡竦誦待旦。由是臺閣風生。莫不震懼。○太子昏愚。衛瓘因侍宴。佯醉欲言而止者三。以手撫牀曰。此座可惜。上悟。佯曰。公真大醉耶。○程據獻雉頭裘。上焚之。以絕獻異者。○初曹操分南匈奴爲五部。劉豹爲部長。豹子淵。幼而雋異。入侍管。後爲五胡亂華之首。○杜預請兵伐吳。上從之。山濤退語曰。外寧必有內憂。今宜釋吳爲外懼。○吳置鐵鎖橫江。截舟路。王濬煉斷鐵鎖。遂克〔西陵〕。杜預遣將夜襲〔樂鄉〕。吳兵曰。北軍飛渡也。杜預會諸將曰。兵勢如破竹。數節之後。無復著手處也。王濬督舟師入〔建業〕。吳主降。諸葛靚邀張悌遁去。悌曰。我荷名賢知願。常恐不得其死。今乃遁耶。靚流涕別。悌與晉兵戰。死之。○詔賜吳主侯曰。朕設此待卿久矣。吳主曰。臣於南方亦設此待陛下。○王渾王濬爭功。范通謂濬曰。卿當日不言平吳之事。若有問。但曰老夫何力之有。王渾能無愧乎。○郭欽請徙諸降胡於邊郡。上不從。漢魏來胡人降者多處塞內。○上置宮人五千餘。常乘羊車。恣其所之。輒宴寢其宮。宮女競以竹葉插戶引之。○上問劉毅曰。朕方漢何如主。

桓靈不聞此  
言劉毅論中正  
八損倉卒宜備非  
常

張華靈忠王  
室牙籌會計  
得種鑽核

聖人貴  
將無同  
三語掾  
寧馨兒

名教內自有  
樂地  
崇有論  
江統徒戎論

爲官爲私

對曰桓靈上曰何至此對曰殆不如也桓靈賣官入官庫陛下賣官入私門上曰桓靈之世不聞此言○薛瑩稱吳士第一陸喜曰吳士有五格瑩其在四五間乎○郡國立中正九品官人法行之浸久多弊劉毅奏其法有八損○宮中火上登樓望之皇孫通年五歲牽上裾入暗處曰暮夜倉卒宜備非常何可令照見乎上奇之初上知太子愚欲廢之以通慧乃止

孝惠皇帝

武帝子名衷十七年有永熙元康永康永寧永安光熙永興七號

賈后干政猶畏張華華盡忠王室雖暗主在上

而朝野安靜○司徒王戎性多貪園田徧天下每自執牙籌晝夜會計家植好李恐人得種臨賣鑽其核戎取士多以名嘗問阮瞻曰聖人貴名教老莊明自然其旨同異對曰將無同戎辟之時號三語掾○尚書令王衍善清談山濤見之曰何物老嫗生寧馨兒猶言好兒然誤天下蒼生者必此人也○吏部郎畢卓多放達好飲比舍郎釀熟卓盜飲之爲掌酒者獲明日視之畢吏部也樂廣笑曰名教內自有樂地何必乃爾○何晏等祖述老莊崇尚虛無士大夫相習成風裴頠著崇有論挽之不克○江統以夷狄亂華作徙戎論警上上不納邱氏曰劉淵匈奴也居晉陽石勒羯也居上黨姚萇羌也居扶風符堅氏也居臨渭慕容皝鮮卑也居昌黎中原牛爲夷穴不亂得乎○上翫駭嘗聞蝦蟆鳴曰此鳴者爲官乎爲私乎聞民饑死曰何不食肉糜故政出多門賄賂公行魯

魯褒錢神論

張茂先華而不實  
銅駝在荆棘中

貂蟬盈座

五難四不可

魏紹朝服登

此嵇侍中血

張翰思尊鱸  
人生貴適志  
一紙書賢十  
部從事

褒作錢神論譏之。論曰：錢之爲體，有乾坤之象，親之如兄，字曰孔方，無德而尊，無勢而熱，

錢不勝幽滯，非錢不拔，怨仇非錢不解，令聞非錢不發，洛中

朱衣當途之士，愛我家兄，皆無已極，凡今之人，惟錢而已。○裴頠薦韋忠于張華，忠不

應辟曰：茂先華而不實，逸民字頠愆而無厭，棄典禮而附賊后，恐其溺于淵，而餘波及我。

況可褰裳就哉。○索靖知天下將亂，指宮門銅駝歎曰：會見汝在荆棘中耳。○賈后毒殺

太子遹，趙王倫起兵殺后，及張華、裴頠、石崇等，以崇富，籍其家，崇曰：財之害人若此，上出

奔倫，篡立，每朝會，貂蟬宦者盈座，時謠曰：貂不足，狗尾續。齊王問起兵殺倫，迎上復位，問

恃功擅權，孫惠諫以五難四不可。大權不可久執，大名不可久荷，問弗聽。成都王穎起兵

伐問，自立爲皇太弟，東海王越奉，上伐穎，上中三矢，百官皆潰，獨嵇紹朝服登輦，以身蔽

上，被殺，血濺上衣。左右請浣，上曰：此嵇侍中血，勿浣也。○張翰懼禍及，因秋風起，思菰菜

蓴羹，鱸魚膾，歎曰：人生貴適志耳，富貴何爲，遂引去。○劉宏督江漢，每手書賜諭，民悅曰：

得劉公一紙書，賢於十部從事。○晉將軍劉淵見晉骨肉相殘，遂自稱大單于，都〔左國〕

城，尋稱漢王。元帝時滅○李雄自稱大成王，都〔成都〕，後改號漢。穆帝時滅○河間王顥

將張方廢穎，而立豫章王熾爲皇太弟。○上食餅中毒崩，皇太弟卽位。

孝懷皇帝

武帝少子，名熾，號永嘉六年。

王衍

字夷甫。

爲司徒，弟澄都督〔荊州〕，族弟敦刺史〔青州〕，曰〔荆〕

晉王衍三窟  
何曾日食萬  
錢

百六掾

王導江左夷

吾楚囚對泣

聞雞起舞

神迹中流擊  
楫

原祖生先吾著

陶侃運甕

原侃致力中  
斃士貞女

有江漢之固〔青〕有負海之險。二人居外。吾居中。足為三窟矣。按衍雅好風流。而以三公營私窟。風流安在。卒死石勒排牆之下。窟又安在哉。○何曾居家多侈。日食萬錢。猶云無下箸處。初侍武帝。退語諸孫曰。今上貽

謀。不過及身而已。汝曹必及于難。至是果見殺。○漢王聰子淵攻〔洛陽〕。上奔〔長安〕。為所執。〔安定〕守賈疋音雅與漢戰不克。乃迎秦王業入〔長安〕。立為太子。○時〔江東〕差安士

民多南渡。避亂王導說〔瑯琊〕王睿都督收納英俊。辟掾百有六人。時號百六掾。陶侃庾亮皆往焉。○桓彝周凱避亂江左。彝見王導。退語顛曰。向見管夷吾。吾輩無憂矣。諸名士

遊宴〔新亭〕。相視流涕。導曰。當戮力王室。克復神州。何至作楚囚對泣耶。○漢王宴羣臣。令上着青衣行酒。庾珉等哭死。上亦被弑。

孝愍皇帝武帝孫名業。號建興四年。祖逖有大志。與劉琨同寢。逖琨俱司州主簿。聞雞鳴。蹴琨曰。此非惡聲也。因

起舞。往見〔瑯琊〕王睿。請兵北伐。得部曲百餘。渡江中流。擊楫曰。逖不能清中原。有如此

江。返也。琨語人曰。常恐祖生先吾著鞭。○陶侃刺史〔廣州〕。齋置百甕。每朝運于齋外。夕返于內。或問侃。侃曰。方欲致力中原。恐安逸不堪任事耳。○漢劉曜陷〔涇陽〕。執梁緯。不

屈。曜曰。義士也。賜之劍。自殺。曜欲娶緯妻辛氏。辛氏曰。二夫之婦。明公又安用之。曜曰。貞女也。亦聽自殺。曜進陷〔長安〕。上出降。漢王令上行酒。執蓋。尚書辛賓抱上哭死。上亦被

弒。

蒼生何由仰

中宗元皇帝

名睿。惠帝曾孫。初都督建業。及愍帝被弒。乃即位。十六年。有建武中興。永昌三號。是為東晉。按上母通于小吏牛金。而生上。上實牛姓也。故當時有牛繼馬後

之。上命王導同坐御牀。導曰。若太陽下同萬物。蒼生何由仰。照乃止。○漢劉曜篡漢自立。

改號趙。遷都〔長安〕。成帝時。滅于石勒。後趙石勒。○石勒自稱後趙王。後改號魏。魏。滅于燕。○祖逖鎮〔雍〕。

邱今杞。後趙民多歸之。逖卒。後趙遂取〔陳留〕等郡。時劉琨亦死于難。○溫嶠欲詣〔建康〕。其母

止之。嶠絕裾往。後母死不及奔喪。為嶠終身恨。○王敦王導子姪布列顯要。謠曰。王與馬。

共天下。上畏而疎之。導能推分。淡如也。敦懷忿作亂。導詣臺待罪。周顛適入。呼曰。伯仁。顛字

以百口累卿。顛不顧。及見上。極言導無罪。既出。復表救之。導未之知。陰恨顛。上隨召導入。

命督軍伐敦。敦據〔石頭〕城。攻之弗克。上許敦以丞相督軍事。乃還〔武昌〕。時敦以周顛

有高名。欲殺之。問于導。導不答。遂殺顛。後導見顛救己之表。泣曰。我雖不殺伯仁。伯仁實

由我而死。幽冥之中。負此良友。

肅宗明皇帝。名治。元帝子。號大寧三年。溫嶠諂事王敦。每結錢鳳為援。曰。世儀風字。精神滿腹。鳳悅。薦嶠

〔丹陽〕尹。嶠恐去後為鳳所間。乃于敦餞別時。詐酒與鳳。隙後鳳果短嶠。敦以有隙不聽。

○王敦疾甚。上以敦死。詔列敦罪狀。敦怒欲起兵。命郭璞筮之不吉。敦大怒曰。爾壽幾何。

王導不答殺  
周顛  
伯仁由我而  
死  
幽冥之中負  
此良友  
錢世儀精神  
滿腹

溫嶠絕裾  
王與馬共天  
下  
王導求救于  
周顛  
伯仁以百口  
累鄉



曰命盡今日。敦遂斬璞起兵。上親征之。敦黨盡平。○陶侃夢生八翼飛天。果都督〔荊〕

〔襄〕八州。州士女踴躍相慶。侃嘗曰。大禹聖人。尚惜寸陰。吾輩當惜分陰。嘗造船。其竹頭

木屑皆藏之。衆不解。後會雪晴。廳地餘溼。乃以木屑鋪地。及伐〔蜀〕。以竹頭作釘造船。其

精密類如此。梅福稱其忠勤似孔明而砥柱晉室果然。

顯宗成皇帝明帝子名衍十七年咸和咸康二號。下壺洩事精勤。衆皆誚之。壺曰。諸君子風流相尚。執鄙吝者。

非予而誰。○蘇峻鎮〔歷陽〕今和州。起兵攻〔建康〕。下壺戰死。二子隨之。其母曰。父死忠子

死孝。妾何恨乎。桓彝宣城內史赴難。裨惠止之。彝厲色曰。見無禮于君者。若鷹鷂逐鳥雀也。遂

屯〔蕪湖〕。後戰死。子涇縣。溫嶠合陶侃攻峻。侃即戎服登舟。與嶠直趨〔建康〕。殺峻于〔石頭〕城。

王導入城。令取故節。侃笑曰。蘇武節似不如是。導色慚。○後趙王勒語羣臣曰。使朕遇漢

高。當北面事之。遇光武。可並驅中原。未知鹿死誰手。大丈夫當礪礪落落。終不效曹孟德

操。司馬仲達輩。欺人孤兒寡婦。狐媚以取天下也。○時尚風流。殷浩為風流宗。每與褚裒

高談。名擅江東。桓彝常譏季野裒字。有皮裏春秋。言短長。。○王述性沈靜。人目為癡。王導辟

至。首問江東米價。述張目不答。導每發言。一座莫不贊美。述正色曰。人非聖賢。安能盡善。

導改容謝之。述後受尚書令。其子坦之言故事。當讓述曰。謂我不堪耶。坦之曰。非也。但克

荆州士女相慶。聖人惜寸陰。陶侃惜分陰。竹頭木屑。陶侃砥柱晉室。下壺父子忠。孝。父。忠。子。孝。何恨。溫嶠合陶侃討峻戎服登舟。蘇武節似不如是。如。是。石勒比高。光。大。丈。夫。礪。礪。落落。季野皮裏春。秋。王導問江東米價。每事安能盡善。

克讓自是美事  
舉扇自蔽  
元規塵汚人  
王導因事就  
功  
殷浩才名冠  
世  
此輩宜束之  
高閣  
何出處以下  
興亡

桓溫拜表即  
行  
桓溫威名大  
振  
答書竟達空  
函  
捫虱談當世  
務  
江東無卿比  
神州陸沉

謝安有重名  
不出當如蒼  
生何

髡參短簿

讓自是美事。述曰：既堪矣。何讓為。○慕容皝自稱燕王。帝奕時滅于秦。○庾亮雖外鎮，遙執朝權。王導惡之。每遇西風塵起，舉扇自蔽。曰：元規亮塵汚人。○王導簡素寡欲，善因事就功。故居相三世，及卒而倉無儲穀，衣不重帛。

康皇帝名岳，成帝弟，成帝無子，立之。號建元二年。殷浩才名冠世。庾翼曰：此輩宜束高閣，俟太平時用耳。時人擬之管葛。孔明伺其出處，卜江左興亡。累辟不起。後「會稽」王昱遺書力請之，乃出刺史。

〔揚州〕

孝宗穆皇帝康帝子，名聃，十七年永和升平二號。桓溫晉請伐漢，拜表即行，直入「成都」滅漢，而溫威名大震。

○蒲洪自立為秦王，改姓苻氏。武帝時滅于後秦姚萇。○張重華自立為涼王。武帝時滅于秦苻堅。○殷浩北

伐屢敗，免為庶人。至是桓溫遺書浩欲復用，浩欣然將答，慮有謬誤，開閉十數，竟達空函。

○桓溫伐秦，王猛來謁，捫虱而談世務，旁若無人。溫徐曰：江東無卿比也。溫登平乘樓，

在今江陵，望中原歎曰：神州陸沉，王夷甫諸人不得辭其責。○秦王堅得王猛，一見如舊友，自

謂如元德之遇孔明。○謝安有重名，雖布衣時，人以公輔期之。僉曰：安石不出，如蒼生何。

累辟乃就。

哀皇帝名丕，成帝子，穆帝無子，迎立之。四年隆和興平二號。桓溫以郗超為參軍，王恂為主簿，謠曰：髡參軍，短主簿，能

晉春秋  
孫盛直書時  
事此史關君門  
戶事

令公喜能令公怒。○桓溫伐燕，敗于枋頭。孫盛作晉春秋，直書其事。溫怒，謂盛子曰：「此史若行，自是關君門戶事。」盛子請于父，不許，遂私改之。

帝奕名奕，哀帝弟，哀帝無子。桓溫鎮姑熟今太平府，有逆志，歎曰：「男子不能流芳百世，亦當遺迎立之，號太和六年。

臭萬年，乃詣「建康」廢上為東海王，而立「會稽」王昱。溫威振內外，即上亦拱手聽命而已。

謝安遙拜桓  
溫

太宗簡文皇帝元帝子，名昱，號咸安二年。謝安見桓溫遙拜，溫驚，安曰：「未有君拜於前，臣揖於後也。」溫色沮。

烈宗孝武皇帝簡文子，名暉，二十四年，寧康太元二號。桓溫入朝，京師洶洶，皆云欲誅王坦謝安，因移晉室，坦

坦之倒執手  
板謝安神色不  
變

之謁溫，汗流沾衣，倒執手板，安獨神色不變。時溫盛兵備衛，安曰：「諸侯有道，守在四夷，何須壁後置人耶？」與溫笑語移日，郗超坐溫帳中，會風動帳開，安笑曰：「可謂入幕之賓矣。」○

賓郗生入幕之  
非功不廢絲  
竹

謝安為相，務舉大綱，時人比于王導，而文雅過之。安好聲律，即葦功之慘，不廢絲竹。○詔求良將，謝安舉兄子元以應，郗超曰：「安能違衆舉親，元實不負所舉。」○秦王猛臨終，語秦

謝安舉謝元  
謝安違衆舉  
親，晉正朔相承

王曰：「晉正朔，臣沒後，願毋以晉為事。」○秦執吉挹魏興太守，不言不食死。秦王曰：「周孟威不屈于前，丁亥遠潔己于後，昔子冲挹閉口而死，何晉多忠臣也。」○秦主堅謀伐晉，權翊曰：「福

投鞭斷流

帝王歷數豈有常

圍棋賭墅是日便為敵

草木皆兵

風聲鶴唳皆

謝安展齒之

折風颺有凌

霄之志

命朝野東髮

加帽

置五經博士

何物可益人

神智

德在吳。伐之必有天殃。且長江之險。未可圖也。堅曰。以吾之衆。投鞭于江。足斷其流。符融

亦曰。晉雖弱。天意必不絕正朔也。獨不記王景略猛之言乎。堅曰。帝王歷數。豈有常耶。遂

以八十萬衆伐晉。江東震恐。謝元問計謝安。安夷然曰。已別有旨。乃與元出遊墅圍棋。安

棋嘗劣于元。是日元懼。便為敵手。○秦兵屯洛澗今定遠縣。謝元謝石等。水陸並進。大敗秦

兵。符堅登壽陽城今壽州。望見八公山。草木皆疑晉兵。有懼色。元等復渡淝水。擊之。秦兵

潰奔。聞風聲鶴唳。驚為追至。晝夜奔回。○敗秦捷至。時謝安適與客棋。閱書了無喜色。客

問之。安曰。小兒輩遂已破敵。局竟還內。過戶限。不覺屐齒之折。○秦使慕容垂北鎮。權翌

曰。垂勇略過人。譬如養鷹。遇風颺起。每有凌霄之志。垂往北。果自立為後燕王。後為馮跋篡。改為北

燕。至宋太祖時滅于魏。○姚萇自立為後秦王。安帝時為劉裕所滅。○慕容冲自立為西燕王。不數年為後燕所滅。○乞

伏國仁自立為西秦王。宋元嘉時滅于夏。○呂光自立為後涼王。安帝時滅于後秦。○長星見。上惡之。舉

酒祝曰。長星勸你一杯酒。自古何有萬歲天子耶。

安皇帝武帝子。名德宗。二十年隆安元。興義熙三號。拓跋珪自立為魏王。魏祖。甲子。舉兵伐燕。太史曰。昔紂以

是日亡。為兵家疾日。珪曰。武非以是日興乎。遂克燕。命朝野皆束髮加帽。置五經博士。問

李先曰。何物可益人神智。先曰。莫若書籍。遂命郡縣索之。○慕容德自立為南燕王。不為十年

時謂之充隱

劉裕隨行虎

步劉裕一世

傑劉裕一世

何無忌酷似

其舅

流之決斷如

崔浩料人物

王猛苻堅之

管仲

劉裕司馬之

曹操

所滅劉裕 ○李暠自立為西涼公宋永初時 ○禿髮利鹿孤自立為南涼王不數年滅 ○沮

渠蒙遜自立為北涼公宋元嘉時 ○桓元將封楚王加九錫尋廢上即帝位元登御座忽

陷殷仲文曰聖德深厚地不能載元大悅元恥無隱士令皇甫希居山林徵之固辭乃下

詔旌禮號曰高士時謂之充隱 ○劉裕少有大志以賣履為業晉拜參軍至是入朝桓元

后曰裕龍行虎步不久為人下宜早除之元曰我方平蕩中原非裕不可俟關洛平定然

後別議耳 ○劉裕與何無忌裕劉毅共討桓元或謂裕必無成元曰裕一世傑毅一擲

百萬無忌酷似其舅何謂無成裕等遂斬元迎上復位 ○劉裕抗表伐南燕過大岷山曰

虜已入吾掌中矣遂滅燕 ○劉裕之總朝政決斷如流目覽詞訟手答牋書耳行聽受口

並應酬互支不悖 ○魏主問崔浩曰劉裕伐秦克乎浩曰克然克秦歸必篡其主浩嘗論

近世將相曰王猛之治秦苻堅之管仲也慕容恪之輔主慕容暉之霍光也劉裕之平亂

司馬德宗之曹操也 ○劉裕滅秦東歸留子義真守〔咸陽〕未幾大夏王起兵據之義真

奔歸

恭皇帝安帝弟名懿文劉裕封宋王加九錫密令上禪位而廢上為〔零陵〕王尋弑之

南北朝按南北朝有西秦大夏北燕北涼西涼五國至宋文帝時始盡滅于魏

籬隔門戶

○宋紀劉姓彭城人。都建康。凡八主。得年六十。

附北朝魏人拓跋姓。胡人。都于鄴。

高祖武帝名裕。號永初三年。謝晦還都。賓客輻輳。兄瞻曰：「此豈門戶之福耶？」乃置竹籬隔之。

營陽王名義符。武帝太子。史曰：少帝。號景平。一年。上居喪無禮。檀道濟等廢為「營陽」王。而迎「宜都」王義隆

立之。

太祖文帝名義隆。武帝三子。號元嘉三十年。陶潛字淵明。侃曾孫。為「彭澤」令。吏請束帶見督郵。潛曰：「吾豈以五斗

米折腰。卽解綬歸。賦歸去來辭。著五柳先生傳。並見古文。累辟不起。別號靖節先生。○上使到

彥之伐魏。魏主北渡。諸軍皆喜。王仲德獨有憂色。曰：「河水一合。虜將復來。冬魏果攻。」虎

牢。彥之敗還。○檀道濟伐魏多捷。以食盡引還。魏人追之。道濟夜令唱籌量沙。魏人謂

其糧給不敢迫。○上畏檀道濟威名。詔誅之。道濟脫幘投地曰：「壞汝萬里長城。魏人聞

之。曰：道濟死。吳子輩不足憚。」○上勤政。江左風俗於斯為美。後言治者稱元嘉焉。○魏用

崔浩言。盡誅天下沙門。毀佛像。○燕有女子化為男。燕亡兆。○「衡陽」王義季出敗。遇耕者。

左右逐之。農曰：「一日不耕。民失其時。奈何以從禽逐老農也。」王賢而賜之食。辭曰：「大王不

奪農時。則境內皆飽也。」王問其名。不告。○魏主獵。獲鹿數千。詔以牛車運回。古弼諫其荒

逸。不應詔。魏主曰：「筆公弼頭尖。故名。可謂社稷臣。」○上令宗愨伐「林邑」。破之。愨常言願乘長

不為五斗米折腰。陶潛賦歸去來辭。五柳先生傳。王仲德獨有憂色。道濟唱籌量沙。壞汝萬里長城。江左風俗於斯為美。政治稱元嘉。盡誅天下沙門。

筆公可謂社稷臣。

宗愨長風破

浪春燕巢于林

木連雞不得俱

飛袁顛稱高祖

儉素之德田舍翁得此已為過

風破萬里浪。○遣王元謨伐魏。沈慶之曰：耕當問奴，織當問婢。今與白面書生謀兵，濟乎？

果大敗。魏人南下所過，赤地無餘。春燕巢于林木。言無屋舍也。○上合夏攻魏。崔浩曰：連雞不

得俱飛也。○太子劬弒上〔武陵〕王駿舉兵誅劬而自立。

世祖孝武帝。名駿。文帝次子。十一歲。上奢侈無度，壞高祖所居陰室，起玉燭殿。袁顛盛稱高祖

儉素之德。上曰：田舍翁得此已過矣。○上崩，太子子業立。子業殘暴，多殺臣下。壽寂之弒

之。迎〔湘東〕王彧即位。

太宗明帝。名彧。文帝少子。七歲。賜王景文史刺死。景文時與客棋，叩函閱畢，置局右，神色不變。局

竟。徐示客飲藥卒。○魏主係囚，每至積年，曰：人苦則思善，故智者以囹圄為福堂。朕欲令

悔過耳。

蒼梧王。明帝子。名昱。號元徽。五年。上懼蕭道成都督威名，欲殺之。道成乃弒上。立〔安成〕王準。準年方十歲。

順帝。明帝少子。名準。號昇平。三年。詔禁鵝眼錢。入水不沉，千錢不盈三寸。○蕭道成封齊王。未幾，稱禪即

位。

詔禁鵝眼錢

○齊紀。蕭姓。漢蕭何後。凡七主。得年二十四。

附北朝魏。改姓元氏。遷鄴洛陽。

太祖高帝。名道成。號建元。四年。上即位。謝朓不應詔。左右欲殺之。上曰：殺之，令成其名。乃止。○上衣中

黃金與土同價  
蕭衍有文武才  
王謝家物  
魏主遷都洛陽

有玉玦命碎之曰留此政長病源嘗曰使我治天下十年黃金當與土同價

世祖武帝高帝子名顯號永明十一年蕭衍有文武才王儉奇之曰蕭郎出三十貴不可言○陳顯達居

官清儉其子以麀尾拂蠅令燒之曰此王謝王謝安家物汝不須捉○魏築長城遷都〔洛

陽〕改姓元氏○上崩西昌侯鸞奉太孫昭業立之尋被弑而立〔新安〕王昭文尋又廢

昭文自立

高宗明帝名鸞武帝兄號建武五年修晉諸陵增置守衛○魏主好讀書手不釋卷在輿據鞍不忘講道

詔禁胡服胡語有太平風

東昏侯名寶卷明帝子號永元二年上昏淫無度嘗鑿金爲蓮花貼地令潘妃行其上曰此步步生蓮花

也○上親信宦官於諸嬖臣皆號爲鬼時大臣用事者六人蕭衍曰六貴同朝亂將作矣

尋起兵廢上而立〔南康〕王寶融

和皇帝名寶融東昏侯弟號中興一年封蕭衍梁王未幾稱禪馬仙琕袁昂俱不降衍曰今天下見二義士

乃厚遇之顏見遠不食死衍曰我自應天順人何預天下士大夫事顏見遠乃至此

○梁紀蕭姓齊之疎族凡四主得年五十四

附北朝東西魏以後分爲二東魏都鄴滅于齊西魏都長安滅于周

今天下見二義士  
何預天下士大夫事

據鞍不忘講道  
魏主禁胡服胡語  
步步生蓮花  
六貴同朝



崔亮資格用

高祖武帝名衍四十八年天監普通大通魏崔亮奏定資格專以停解日月為斷沉滯者皆

人  
命  
吉玠乞代父

稱能薛淑曰若不問賢否惟取年月執簿呼名一吏足矣何謂銓衡○吉玠年十五遇父

命  
吉玠不因父

當誅請代之〔丹陽〕尹王志欲舉以孝玠曰是因父取名罪莫大焉力辭○上崇釋氏齋

取名  
梁主捨身同

食布衣廟祀麪為犧牲嘗捨身同泰寺羣臣以錢億萬贖還宮○上勤於政冬月視事執

率寺  
納筆觸寒

筆觸寒手皴指間起細白皮每斷重罪終日不懌○上太子昭明讀書一目五行俱下後天死○

世  
高公雄才蓋

魏委高歡鎮〔并州〕慕容紹宗曰高公雄才蓋世復令握兵如借蛟龍雲雨矣弗聽歡至

借蛟龍以雲

〔并〕遂另立東魏主遷都〔鄴〕東魏文帝時滅于齊高洋○上徵陶宏景不至上每有事往決之時號

山中宰相

山中宰相○侯景叛東魏歸梁請以十三州內附羣臣不可上曰得景則塞北可清遂封

請舉十三州

〔河南〕王周宏正曰亂階在此矣○熒惑入南斗諺曰熒惑入南斗天子下殿走上憂之

內附

乃跣足下殿以禳及聞魏主走〔長安〕上曰虜亦應天象耶○東魏移檄梁曰侯景凶人

得景則塞北

之性誨之慢藏彼必自據〔淮南〕亦欲稱帝但恐楚國亡猿禍延林木城門失火殃乃池

可清

魚耳○侯景反攻陷〔臺城〕入見上上神色不變景稽顙殿下不敢仰視出曰天威難犯

亂階在此

耶後上飲膳多為景制口苦求蜜不得曰荷荷歎聲遂崩

東魏移檄梁

天威難犯

太宗簡文帝武帝子名綱〔吳興〕守張嶮被囚侯景欲活之嶮曰速死為幸景仍欲存其一

一門已登鬼

錄  
長鯨短狐

太平玉燭

戎服講老子  
文武之道今  
夜盡

龍逢比干未  
是俊物

丈夫寧可玉  
碎

子。曠曰。吾一門已登鬼錄。不就虜求全也。遂俱殺。○侯景弒上自立。〔始興〕守。陳霸先奉

〔湘東〕王。釋攻景斬之。乃勸釋卽位。釋曰。淮海長鯨。雖云授首。〔襄陽〕短狐。王晉反。未全

革面。太平玉燭。明時曰。爾乃議之。固請卽位。○東魏高洋。封齊王。尋篡位。國號齊。帝時

滅于

世祖孝元帝。武帝少子。名繹。上好談元。魏兵入境。尙戎服講老子。及攻城急。遂取古今圖書

十四萬卷焚之。歎曰。文武之道。今夜盡矣。乃出降。尋被弒。陳霸先奉〔晉安〕王方智卽位。

○魏立〔岳陽〕王晉。昭明太子子初。於〔江陵〕卽帝位。是爲後梁。陳長。城公時滅于隋。○齊李集諫齊主。

齊主怒。令縛沉水中。久之引出。諫如故。如此數四。齊主大笑曰。天下有此癡人。方知龍逢

比干未是俊物。

敬帝。名方智。元帝子。三。上禪位陳霸先。尋被弒。○魏宇文覺篡魏自立。國號周。陳宣帝時

○陳紀。凡五主。得年三十有二。

附北朝周齊。周宇文姓。都鄴。齊高姓。都

高祖武帝。名霸先。號。齊主盡滅元氏。元景安欲改高姓。兄景皓曰。丈夫寧可玉碎。何忍瓦全。

世祖文帝。名藉。武帝兄。武帝無子。迎。上勤政。每夜刺閨取外事分判。敕傳更籤殿中者。投階

投幾階石  
雖眠亦全驚

兩姑之間難  
為婦

石令鎗然有聲曰吾雖眠亦驚覺○齊賀若敦以言見殺臨歿引錐刺其子舌以戒之

臨淮王名伯宗文帝子〔安成〕王瑱廢上為〔臨淮〕王自立○周楊堅姿相奇偉來和曰公

眼如曙星無所不照當王天下時周欲用堅其父忠曰兩姑之間難為婦勿往後忠死堅

仕周

高宗宣帝名頊武帝兄號太建十四年周楊素為詔書下筆立就無不美周主曰弗覺不富貴素曰但恐

富貴來逼臣

一、富貴來逼臣臣無心圖富貴也○周楊堅進爵隋王未幾滅周國號隋時齊已滅後數年滅後梁而北朝混

月露風雲

長城公名叔寶宣帝子七隋李諤曰魏崇文辭周齊彌甚連篇累牘不出月露之形積案盈

箱盡是風雲之狀朝廷據茲擢士恐以無用為用也隋主納之詔天下文翰並宜實錄○

隋置義倉

隋置義倉令民出粟儲之備凶年○上起臨春三閣窗楣皆沉檀緣飾盡金玉日與宮嬪

玉樹後庭花

歌飲其間有玉樹後庭花等曲○上恣肆日甚傅縡諫曰東南王氣盡矣上惡頃之令改

面改則心可改

過免殺縡曰臣心如面面不可改心可改乎遂殺○隋大作戰船將伐陳或請密之隋主

投柶于江

曰若彼知改吾何求乎因使投柶於江令陳知之○隋大舉伐陳上曰王氣在此彼何為

長江天塹

者孔範亦曰長江天塹虜能飛渡耶相與縱酒賦詩不輟隋兵直入〔建康〕執上滅之

蘇威五教

○隋紀揚姓華陰人漢揚震後都長安凡四主得年三十八自東晉分裂後至此混一

小事何竊勤勞使君

草滿張網一錢而死

王通詣獻策

得失在僕

讒囹圜謀

翦綵爲花

作清夜遊曲

高祖文帝名堅二十四年上以陳法久弛令蘇威作五教使民誦之陳民驚駭爲亂執新令

殺之曰更能使儂誦五教耶○辛公義凡決訟有禁者即宿廳曰余無能化民至禁民在

獄而安寢於家可乎罪人聞之悔悟後有欲訟者曰此小事何忍勤勞使君乃止○〔平

鄉〕令劉曠有異政民皆息訟獄中草滿庭可張網○詔盜錢一文以上皆棄市有三人

共盜一瓜坐死民情洶洶欲亂上聞之乃停此法○王通諡文中子詣闕獻太平十二策弗納

通歸教授河汾間累徵不起楊素勸之仕通辭甚執或語素曰通實慢爾素因語通通曰

公而可慢則僕得矣不可慢則僕失矣得失在僕公何與焉嘗語弟子曰聞謗而怒者讒

之囹也見譽而喜者佞之媒也○晉王廣因謀殺兄立爲太子至是復弑上即位父兄並弑即桀

紂所未有也江都之沒隋煬何怪焉

煬帝名廣高祖次子上築西苑周二百里窮極華麗宮樹凋落則翦綵爲花綴之每月夜攜

宮女數千騎遊幸作清夜遊曲馬上奏之○遣丁壯百萬西築長城以距榆林後弗克而

止○造輿衛儀服詔州縣送羽毛民捕之無遺有鶴巢高樹取之不得思伐焉鶴恐傷其

子自拔鬣毛投地時人以爲瑞○上北巡〔遼東〕旌旗千里突厥可汗來迎上悅賦詩曰

空上單于臺  
無向遼東  
死歌

響竹決波

文靜奇世民

世民命世才  
君言正合吾  
意

世民說李淵

起兵

指野鳥爲鸞

李淵定計入

關

李密以書招

李密

李密妄自矜

大

世民請先入  
咸陽

呼韓稽顙至屠者接踵來何如漢天子空上單于臺○上征高麗敗還動衆百萬死者相枕天下騷動有〔鄒平〕民王薄倡亂作無向〔遼東〕浪死歌惑衆四方避役者多歸焉李

密數上十罪內云罄南山之竹罪無窮洪東海之波流惡難盡自號魏公起兵攻〔洛口〕倉破之一時據地叛者不可勝紀○

唐公李淵有男四次世民智勇過人劉文靜見而奇之謂裴寂曰此子豁達類漢高神武

同魏祖命世才也時世民往見靜靜說曰今羣盜蜂起誠能驅而用之不過半年帝業可

成世民笑曰正合吾意遂說淵起兵淵大驚及再四說從之乃命世民集兵旬日萬餘直

拔〔西河〕執高德儒斬之曰爾指野鳥爲鸞欺人主取高官罪當誅餘分毫無犯民大悅

服世民還〔晉陽〕淵所封地往返僅九日淵喜曰以此行兵橫行天下可也遂定計入〔關中〕

○李淵以書招李密密曰願戮力同心執子嬰于〔咸陽〕殲商辛於〔牧野〕淵得書笑曰

李密妄自矜大絕之反增一敵不若推奉驕其志我庶得專意西征乃復書曰當今司牧

非子而誰密喜曰唐公見推天下不足定矣○李淵起兵〔晉陽〕隋遣宋老生拒之會積

雨淵不得進欲引兵北還世民曰欲興大義當先入〔咸陽〕號令天下今遇小敵遽爾班

師從義之衆恐一朝解體也淵乃進兵遂敗老生克〔霍邑〕濟河關中歸者如市房元齡

謁世民于軍門一見有如舊識引爲謀主元齡亦自幸遇知己知無不爲

一見如舊識

李淵約法十  
二條

恭帝名侑。文帝嫡孫。號義寧。二年。李淵克〔長安〕。與民約法十二條。悉除隋苛政。乃廢煬帝爲太上皇。而迎〔代〕王侑卽位。上尋禪位于淵。○煬帝爲上皇。荒淫日甚。宇文化及弑之於〔江都〕。

